

Joemškar
drom

Anav e orginaleskoro:

Steps to Christ
By Ellen G. White

Iranga ki Romani chib:

D-r Trajko Petrovski

Redakcija e čibjake:

Dehran Hajdar

Dizajni e lileske em artikani forma:

Lazar Tomovski

Ikavela:

AIK „Znaci na vremeto“
Skopje, dr. „Vlae“ no. 42

Editoreske:

Dehran Hajdar

Printinel:

Arcuss design

Elena Vajt

Joem šukar
drom



ANGLALVAKJERIBE

O autori e lilesko "O em šukar drom" i Elena Vajt si adventističko hramordi so sila bari spiritualno darba. Voj vestingja ko dešenjato thaj ko avgo ekvašipe kotar o bišto veko. Pire hramoribaja i Elena Vajt fundavnnikane thaj bare zoreja kjergja influenza upral o dživdipe ko milionja manuša kotar o sa o generaciji ki sasti lumija.

Kotar pire 17-to berša, pa sa dži ki olakoro meribe thaj palo odova, voj hramosarda pe vasteja 25 milionja lafija, toes pobut kotar o 100.000 riga vastesa hramosardo materijali. Hramosarda trujal 5.000 prilogija thaj 26 lila. Avdive, čuvindoj o kompilacije, olakiri lilarni buti astari pobut kotar o 100 lilengere anava štampime ki anglikani čhib.

Kotar o 10 nakhavdikane avtorja kotar o sa o vaktija, voj si ko štarto than. E anglune trin thana astarena o murša, so o late čhivenala ko avgo than maškaro o emnakhavdine ko avera čhibja džuvljane hramorde, a voj si emnakhavdi ko avera čhibja autorka maškar o hramorde.

Ko pirobaro literaturno opusi voj astargja but buvlo tematko than – kotar i religija, i edukacija, o haibe, o sastipe, o maškaromanušikane relacije, o vakjeripe, e ikalibnaskere bukja, o direktoribe ean.

"O em šukar drom" si lil so iklistalilo ko pobut kotar o 140 čhibja thaj štampimo si ko milionja egzemplarija. Voj si buljardi thaj voj si najdrabutno lil kotar akaja autorka, voj si biseri thaj bestseleri ke lumijaki spiritualno literatura.

Olakere vilestar vakjerde lafija, so avena kotar e Hristoskoro muj, si iljači amare puknengo so dobingjamen kotar o bangje kjerge bukja, odova si iljači baši sako-
ne manušeskoro dukhavdo ilo.

E riga kotar akava lil dena jekh baro gudlo thaj lačo mangjipe - mangjipe so šarlaini kotar o adrunipe e iloskoro e Hristoskoro kolaja so Vov, amaro Ikalno, o Isus Hristos, astargja sa e manušen pe vikibaja kotar piro Lafi, e Biblijakoro: "Aven kori mande savore tumen so sijen dukhavde thaj maltretirime - me ka davtumen ačhalipe. (Matej 11,28).

O ikalutno

E DEVLESKORO MANGJIPE PREMAL O MANUŠ



I natura thaj o pravdunipe si amenge ispato bašo Devleskoro mangipe. Amare havajakoro Dad si hango e dživdipaskoro, e džandipaskoro thaj e bahtalibaskoro. Dikhen o barvalipa thaj o šukaripa e naturakoro! Gndinen baši olengiri lači zoralipe bašo trebipa tja bahtaripa, na numa e manušeskere, nego em sa e dživdipaskere bukjegere. E khameskoro šarlaipa thaj o bršind, kola so dživdisarena thaj kjerena i phuv te ovel majlači, e plainja, o devrijalja thaj o ramno than, vakjerena bašo khamipe e amare Kreatoreskoro. O Devel kjergja sakoneske šukaripe ko oleskere sakodivesutne trebipa e sa ple dživutrengoro. Kotar o lače lafija e psalmisteskere.

”O jakja e savorengere si tute dromarde,

Em Tu deolen haibe ko vakti.

Tiro vas phraveja

Thaj sa o dživde dživutre te merakvoja parvarealen!”

(Psalm 145,15.16)

O Devel kjergja e manuše gogjaver thaj bahtalo; a i lači phuv, kana iklistili kotar o vasta e Kreatoreskiri, na sikavgja nisavi traga kotar o preperipe ja palem i učalin e bilačibaskiri.

Čak okova so našunela e Devleskororo krizi – o krizi e khamipaskoro – anela bibahtalipe thaj meripe. Uzal

odova, ko maškar o cidipe, so si uturi kotar o bilačipe, pavdžola e Devleskoro khamipe. Hramosardo si kaj o Devel dingja arman e phuvja bašo o manuš (1 Mojsije 3,17). O kanre thaj o čajra-o pharipe thaj o bilačipe so kjerena oleskoro dživdipe pharipaja thaj gajlencar – prekal e Devleskoro plani si but trubutne bašo oleskere vazdipe thaj peripe thaj kotar o bilačipe so angja o bezeha. Ako si bati mo o sumnal ko bezeha, nane kjerdo numa o džunaipe thaj o čorolipe. I natura vakjeri amenge thaj delamen nada thaj uteha. Ko kanre cvtinena lulugja, a o kanre si phacarde lulugencar.

”O Devel si khamipe” – hramordo si ki sakoja pupka so cvetini, ko sakova kovli čar. O lače čiriklja, kola so ujrana ki ava gilavena but lače gilja, o but šuže cutija isiolen but lače boje, kola so dena e ava but lači khand, barvale thaj čajrale vešengere kašta- sa odova svedočini baši e dadeskoro dikhiba thaj arakhiba kotar amaro Devel thaj bašo leskoro mangjipe ple čhaven te kherelolen te oven bahtale.

E Devleskoro lafi (I Biblija) sikavi amenge oleskoro karakteri. Korkori Vov sikavgja plo baro kamibe thaj deibe. Kana o Mojsej molisalilo: ”Sikav mange tiri slava!” O Devel vakjergja oleske: ”Ka dozvolinav anglal tute te nakhel miro šarlaipe” (2 Mojsije 33,18. 19). O Devel naklja trujal o Mojsej vakjerindo: ”Devel, Devel, O Devel si baro, žalini thaj mangela sakone, vov trpini but, barvalo si khamibaja thaj pakjavno si, sikavi pi milost prekal milja manjušengje, jerstisarel e bezakonija, o bilačipe thaj o bičačipe” (2 Mojsie 34,6. 7). Vov but si trplivo thaj vov

si but barvalo“, ”soske si leske gudlo o manušvalipe (Jona 4,2: Mihej 7,18).

O Devel phandela amare vile peja bigende phandipaja upre ki havaja thaj ki phuv. Vov trudinipe te sikavipes amnege prekalo ple čudesija ki natura, prekal o emhor thaj emkovle phuvjakere phandipa so šaj e manušeskoro vilo te siklovelolen. Ama odova nane sa so šaj te sikavi oleškoro kamipe. Ako si amengje dende odola mothodipa, o dušmani e škaripaskoro ki asavki mera korargja i godi e manušengiri, so e Devle dikenale sine daraja, gndindoj sar lošno thaj bijertimalo rajo. O Beng sikavela e manušen te gndinenle sar dživutro saveski so karakteristika si kovlo čaćikanipe – sar lošno krisari, so isiole bijertipe thaj zoralo phakjavipe. Vov e Kreatore prezentirini sar dživutro kova so bipakjale jakhaja dikhela e manušen te bi arakela olengere hohadipa thaj bangjipa thaj te kazninelalen. Te bi frdel akaja kali učalin, thaj te bi sikavi e lumijake o bizoagoripe e Devleskere kamibasko, o Isus alo te dživdini maškaro o manuša.

E Devleskoro čhavo alo kotar upraldan te sikavi pe Dade. ”E Devle khonik ni diklale: numaoleskoro čhavo, kova so sine oleske ki angali pe Dadeske. Vov javingjale” (Jovan 1,18). ”Thaj khonik ni phendžarel e Čhave, numa samo o Dad; thaj okova kaske o Čhavo mangel te sikavelpe” (Matej 11,27). Kana jekh kotar o sikljovne rodingja: ”Devla, sikav amenge e dade”, o Isus vakergja olenge: ”Doborom vakti sijum tumencar, thaj na džanejama li, Filipe. Ko mande diklja, diklja em e Devle; tegani sar vakjereja tu: Sikav amengje e Devle?” (Jovan 14,9)

Vakerindoj piri misija sar alo ki phuv, o Isus vakjergja: "Devla pomazingjanman thaj bičalgjanman te anav o lošalo (radosna) aberi e čhorolenge; te vakjerav olenge kaj ka avel o muklape e phanglengo, o korole te dikhen, ka mukav ko tromanipe e manušen so si cidime" (Luka 4,18). Odoja sine oleskiri buti. Vov dživdingja kerindoj šukaripa thaj sastargja sa okolen kolen o beng cidnakjergja". (E apostolengjere bukja 10,38) Sine gava kote so na šundilo nisavo ofkipe, sose Vov naklja olendar thaj sastargja e nasvalen. Oleskiri buti sine mothodipe bašo oleskoro devlikano pomazanie. Ki sakoja buti kotar oleskoro dživdipe sikavipe kamipe, šukaripe, mangipe, oleskoro vilo sine pherdo šukare mangipaja prekal e manušengere čhave. O emčorole thaj o em emtelune na darana sine te džan kori leste. Hem o tikoreda čhavore osetinena sine oleskoro šukaripe. Von ukljena sine ko oleskere čhanga thaj bešena oleske ki angali te dikhen oleskoro gndimo muj, so sine pherdo šukaripaja thaj mangjipaja. O Isus na darala sine te vakjeri o čačipe, numa vov odova kjerela sine mangjipaja.

Ko oleskoro vakjeriba e manušencar vov sine baro taktičari thaj vakjeri sine olenge sa šukaripnaja thaj sa čačikane mangjipaja. Na sine nikana džungalo, nikana na vakjergja disavo lafi nervozaja, nikana na anga bitrubutni dukh kanikaske. Na krisingja e manušengoro bizuralipe. Vov žigosingja o hohaipe, o bipakjape thaj o bikrisipe: ama, kana vakjeri sine bišukar lafija ko oleskoro hango osetinipe sine dukh. Rovela sine upral i mangli diz Erusalim, kova so odbingjaole olete te priminelole – o Drumo, o Čačipe tha o Dživdipe.



11

12

Frdingele, e Ikalne, a vov olencar kJerela lafi šukari-pnaja. Oleskoro dživdipe sine pherdo korkoriotkažini-gjapes kotar o sa pire bukja, numa te bi dikhel vaveren-gere gajljave. Sakoneskoro vogi sine oleske barvalo ko oleskere jakja. Sakodrom dikhela sine thaj teljovela upral sakoneste so preperela ke Devleskiri familija. Ko sakova manuš dikhela sine teljarutne vogeja soske avilo te ikale-lolen kotar o bilačhipe. Asavko karakteri araklja o Hri-stos ko plo dživdipe. Odova sine Devlikano karakteri. Ko ilo e Dadeskoro tavdingje lenja kotar e devleskoro jašalipe (socuvstvo) so sikadile ko Hrista thaj thavdingile upral o manušikane čhave. O gudlo amaro Ikalno (Spasiteli), o Isus, si Devel kova so "sikavdape amengje ko manušikano trupo (telo)" (1. Timotej 3,16).

Te bi ikalelamen, o Isus em dživdingja, em trpingja thaj mulo. Kjerdilo "Manuš e dukhako" te bi amende isi kotor kotar o savahtunalo lošalipe. O Devel licenciringja pe gudle Čhaveske, pherdo čačipaja thaj šukaripaja, kotar o sumnal slavakiri so našti te hramonelpete avel ki lumi-ja čikljardi thaj rumimi e bilačipaja, kaljardi e meripnja-skere učalinencar thaj bilačipaja. Licenciringja te mukhel o gušiba oleskere mangipaskorom te mukel te mangjel e angelen thaj te trpini o biladžavipe, o bimangjipe thaj o meripe. "I birand (kazna) so delamen sansari peli upral o leste thaj oleskere dukhaja amen saskjovaja" (Isaija 53,5).

Dikhen ki pustinja, ki Getsimanija, ko trušul. E Devleskoro čavo so nanele bezaja, sar lela upral peste o phari-pe e džunajesko. Odova, koj sine jekh e Devleja, osetingja ko po vogi o baro ulavipe maškar o Devel thaj o manuš so

sine predizvikimo kotar o džunaipe. Odova kjergja kotar oleske vošta te cidingjovel o bezahano vikipe: "Munro Devla, Munro Devla, soske mukeama? (Matej 27,46). O pharipe e džunajesko, i gnd baši oleski pharo pharipe, i gnd so ulavdilo kotar o vogi e Devleski – eke odova phagja o vilo e Devleskere čhavesko. Odova baro kurbanu na andilo e ciljeja ko vilo e dadeskoro te bajrari khamipe prekal o manuš ja palem mangjipe te ikalelole. Na, na!" "Soske o Devel doborka mangla o sumnal, baši soske em dingja ple jekhutne čhave" (Jovan 3,16)

O Dad amende vov mangela na bašo odova baro kurbanu pomiribaskoro, nego Vov brinilpe bašo kurbanu pomiribaskoro soske vov amende mangela. O Hristos sine dženo prekal kaste Vov čhordžargja plo baro khami-be upralo bangunalo sumnal. "O Devel sine okova kova so smiringja e sumnale peja ko Hristos" (2 Korinkjanite 5,19) O Devel cidingja barabar ple Čhaveja. O baro mari-be ki Getsimanija, o meribe ki Golgota – odova sine i cenna so o vilo e bizoagoreskoro Khamipe platingjala bašo amaro kinibe.

O Isus vakjergja: "O Dad mangelama bašo odova so me dingjum mlo dživdipe em palem te lavole" (Jovan 10,17) Odova vakjeri so: "Mlo Dad doborom mangela tumen, so čak i mande pobut zamanglja soske me dingjum mlo dživdipe te be ikalavtumen. O dad mangelama soske me uljum tumaro isthanardo (zameniko) thaj tumari garancija, deindoj mlo dživdipe thaj leindoj tumare borčija, tumare bilače bukja; Vov mande mangela soske munre kurbaneja o Devel šaj te ovel čačikano, em odo-

leja te opravdini sa okolen so pakjana ko Isus!”. Khonik, numa e Devleskoro čhavo, našti amen te kinel. O dad šaj te aberi te kjerel numa Okole kova si ko oleskere angalja. O Devlikano mangipe šaj aberi te kjerel numa Okova kova so pengjargja olakere hor thana thaj plainja. Numa i bizoagorutno kurbanani so dingja o Hristos bašo grešno manuš šaj te sikavi o kamipe e dadesko prekal o našavdo manušikanipe.

“Soske o Devel doborka mangela e sumnale, baši so dingja e ple jedinco Čhave”. Vov ple Čhave na dingja numa te bi dživdini maškaro o manuš, numat e legari em olengere bezeha thaj te merel sar kurbanani baši olende. Vov olestes dingjaole bakšiši bašo došalo mileti. O Hristos morandino te identifikuinelp e interesencar thaj e manušengere trubutnipaja. Vov, so sin e jekha jekh e Devleja, phanglilo e manušengere čhavencar so nikana ni smiisaren te ulavgjon. O Isus ”na ladžala te vikinelolen phraljaljen” (Evreite 2,11); Vov si amaro kurbanani, amaro pretstavniko, amaro phral, kova so em anglal i skamin e dadeski legari amaro muj thaj kova so ko vakti e biagoresko ka ačhovel phanglo e manušikane mileteja so kingjaolen - Čhavo manušikano. A sa odova si kerdo e manušeske te bi šaj te uštel kotar o peripa thaj kotar o ponižiba so si kerdo e bezeheja, te bi šaj reflektirini e Devleskoro mangipe thaj te osetinen e havajakoro Dad, deindoj ple čhave te merel baši amende – odova bi trebela te khuvel amende ple bare gndinencar bašo odova so amen te ačhova ko Hristos. Dikhindoj o čhačipe, o horipe thaj o buvlipipe amare dadeskoro khamibasko prekal o mileti so me-

rela, o vdahnuimo apostoli o Jovani sine iklilo mangljibastar thaj kotar o baro pakjavipe; thaj na arakhenape šukar lafija te vakjeren o baripa thaj o kamiba baši odova mangjipa, vov vikinela e lumija te dikhelola: "Dikhen savo mangjipa dingjamen o Dad: te vikinamen Devleskere čhave" (1. Jovanovo 3,1) Savo koštibe (vrednost) dela odova e manuške! O bilačipa e manušengere čhavege kjergjeolen okola so ale palo Beng. Pakjabaja prema e Hristoskoro kurbanu e Adameskere čhave šaj te oven e Devleskere čhave. Leindoj i manuškiri natura, o Hristos vazdingja upre o manušipe. O došale manuša, phangle e Hristosa, dobingje šansa te oven sar so valjani ko anav "Devleskere čhave".

Odova mangjipe naštit e sporedinipe. Čhave e devleskere Thagareskere! Kobor barvalo dendo lafibe! Tema bašo baro gndipe! O binaklo Devlesko mangjipe prema o sumnal so na čumingjaole! Akaja gnd isila zoralipa te kerel te ovel krotko o vogi thaj i godi te ovel teli i komanda e Devleskere voljakiri. Kobor pobut sikljovaja e devleskoro karakteri ko šarlaipa e trušulesko, sar pošukar siklovaja i milost, o mangjipe thaj o jertipe, so iklistalile nepristrasno thaj čačipaja; sa popaše avena amenge o pothodipe e biagoreskoro mangjipe thaj o lačipe so nakhavena o baro mangjipe e dajakoro prekal plo našavdo čhavo.

E BEZEHLESKE VALJANI O HRISTOS



Kana kjergja e manuše dingje oleske raikane takatija thaj lači godi. Vov sine majmišto (najsavršno) sar dživutro thaj ki mišto harmonija e Devleja. Oleskere gndinja sine uže, oleskere cilje sine raikane. Ama olesko bikandipa iringja napalal oleskere takatija. Agjar ko than e kamipasko korileste sikadilo o korkoluko (sebičnost). Akava bilačipe ki asavki mera kišlisarda (oslabingja) oleskiri natura (priroda), kova so ple takateja našti sine te legaripa mujal e takatencar mujal o bilačipa. Ulo robi e bengeske i savahutane bi ačovava robi kana ne bi heminelape sine o Devel. Okova so sine ole irada (namera) te osuetini o plani koleja so o Devel kjergja e manuše thaj e phuvja te pherola dukhaibaja thaj biilače emocijencar. Sa odola bilačipa manglja te prezentiri sar palpalunipe e Devleskoro deloskoro bašo kjeripe e manušeskoro.

Ko plo bibango hali (situacija) o manuš ikjergja lošali relacija Okoleja kaste so sine ”garavde sa o barvalipa thaj o džanglipa e džanglipaskoro” (Kološanite 2,3). Numa, kana pelo ko bilačipe, o rajipe na kjergjaoleste majbut lošalipe, thaj vov lija te garavelpe kotar e Devleskoro prisustvo. O bibijandino vilo em akana arakipe ko asavk hali. Odova nane ki harmonija e Devleja, a na arakela nitu lošalipe ko amalipa oleja. O bezehalo našti te ovel bahtalo ke Devleskoro prisustvo; oleske o amalipe e rajikane dživutrengo

bi avela oleske bilače. Em kana bi ovole leske muklo te avel upre ki havaja, vov odori ne bi osetinela nisavi loš. O ruhi e bikorkori mangjipasko so thagarela odori – sakova vilo si phanglo e biagore mangjipaskere vileja - ne bi arakela hango ki oleskoro vogi. Oleskere gndinja oleskere interesija, oleskere ideje – sa bi ovena napalal (rasčekor) okoleja so legari e bibezahalen havajakere žitelja. Vov bi ove-la sine biharmonikani nota ki havajakiri melodija. Oleske i havaja bi ovela sine than bašo cidljaripe; vov bi mangela sine te garavelpe kotar Okova so si rošalipe (svetlina) thaj centar taro havajakoro lošalipe (centar). O Devel na rešingja korkore te frdel e bezahalen kotar i havaja; ola korkore ikljilepeske odotar soske kjergje bange bukja. E Devleskoro rajinipe (slava) olenge bi ovela sine jag koja so mudarela len sine. Von bi mangena sine te oven hasarde thaj mudarde samo te garavgjovent kotar o muj Okolesko kova so mulo te bi kinelolen (otkupi).

Amen našti korkori te ikljova kotar o tasaviba e bezeheskoro koleste amen korkori peljam. Amare vile si bezahale thaj amen našti korkori te smeninamen. ”Koj šaj te ikalel užo (čisto) kotar o biužo? Khonik” ”Soske o telesno đanlipe si biamalipe (neprijateljstvo) premal o Devel, soske na pokorinelape e Devleskere kriseske (zakoneske), nitu pak šaj ” (Knigata za Jov 14,4; Rimjanite 8,7)

I edukacija, i kultura, i volja, e manuškere manginja – sa odova isile pumaro than, pumaro kotor kote ka kerel pe buti, ama akate si biažutimalo (bespomošno). Šaj odoleja te resarelpelpe jekh formalno korektnost ko olengoro ponašanje, numa našti te paravelpe (smeninelpe) o vi-

lo; našti te užarenpe o haingja (izvorija) kotar o dživdipe. Valjani te ovel zori (sila) koja ka kjerel buti andral em nevo dživdipe upral, te šaj o manuš te meninelpe, te mukel i bezeh te bi ovela sine posvetimo. Odova zori (sila) si o Hristos. Samo oleskoro merameti (milost) šaj te dživdinel o zakržlajme takatija e manušeskere hem te anelen popaše ko Devel.

O Ikaldino vakjergja: Ako neko na paruvelpa”, ako naele nevo vilo, nevo kamibe, neve manginja so legarena ko nevo dživdipe, ”vov našti te dikhel e Devleskoro thagaripe (carstvo)” (Jovan 3,3) I gnd (mislal) deka si dovolno te barjakjeripe samo okova šukaripe so ko manuš si prirodno si e sudbinakoro hohaibe. ”O telesno manuš na primini okova so si Devlikano Ruhi, soske odova si bigodžavelipe oleske, thaj našti te haljovelole, sese odova trebela te dikhel pes ko rujikano čhani”. ”Ma čudintut so vakjergjum tuke: trebela te bijangjovent upraldan” (1 Korinkjanite 2,14; Jovan 3,7). Bašo Hristo si hramordo: ”Ki olesti dživutrinena o dživdipe thaj o dživdipe sine olinge rošalin (svetlost) e manušengje. ”Nane javer anav dendo e manušengje teleder i havaja prekal so šaj ola te spasinenpe” (Jovan 1,4; Dela 4, 12).

Nane dovolno te hačarelpe (osetinelpe) e Devlesko šukaripe, te dikhelpe i šukar namera hem e dadeskoro nežnost ko oleskoro karakteri. Nane dovolno te haljovelpe o džandipa thaj o čačipe taro Oleskero Krisi (Zakoni), te bi haljovelape kaj si ov vtemelimo upral o khamlipe. O apostol Pavle sa odova diklja ked vikingja: ”Soglasinavamo e Kriseja (Zakonot) kaj si šukar!” ”Adaleske o Krisi si

sveto, hem i zapoved si sveto, pravedno hem šukar!” Numa, pherdo bilačipaja kotar so avela taro oleskere vileskere pharipe, hem proniknimo taro očaj, o Pavle dodaini: ”A me sijum telesno manuš, bikimo sijum e bezeheske”. (Rimjanite 7,16. 12. 14). Vov but mangjela sine o užipe, o čačipe so našti sine te resarelola ple zoreja thaj rikningja: ”Me sijum bibahtalo manuš! Ko ka ikalelman kotar akava mulano trupi?” (Rimjanite 7,24). O isto riknipe cidisalilo kotar o činjale vile ko sa o phuvja thaj ko sa o vaktija. Ama, sarinengje šaj te del pes jekh džovapi (odgovor): ”Eke e Devleskoro bakro kova so lela upralo peste sa o bezeha e lumijakere” (Jovan 1,29).

E Devleskoro ruhi zumavkjergjape akava čačipe simboličko te sikavelole ko but čhanija tha te vakjeri e manušenje kola so čezninena te mukljoventpe kotar o pharipa e lošnipasko. Kana našlja kotar o kher pe dadeskoro, ked kjergja bezeha, hohavindoj e Isava, o Jakov sine but optovarimo gajljavencar. Ačhilo korkore ko našipe, ulavdo kotar o sa so oleskere dživdipa delale sine šukaripa, oleskoro vogi pobut kotar o sa mučinelale sine i gnd, sineole dar kotar oleskoro bezeha te ulavgjol kotar o Devel, te na bi frdimo kotar i havaja. Phago kotar o pharipe, pašlilo ki nangi phuv te lel vogi, opkolimo sine plainencar thaj ki havaja sine but čerenja. Dži kana sovel, kotar o jekh fari uklistili jekh čudno roš thaj vov diklja sar kotari poljana kote so sukja iklistalile nesave konture kotar o bizoagurutne (beskrajna) premal i havaja sa dži ke Devleskere vudara, merdevenja pherde Devleskere meljekencar kola so uklovena thaj uljovena, a kotar o prešunde uče



21

22

plainja šungja jekh devlikano hango kova so objavini o nevipa baši uteha thaj baši elpin (nada). Agjaare o Jakov pengjargja e Ikaldine (Spasitele) – Okova so ka angjarel o bukja sa šukar te oven baši oleskoro vogi.

Pherdo bahtaribasa thaj barvalibasa, dikhel o sikavdino drom kote so vov, o bezehalo, šaj te ovelole amalipa e Devleja. O tainstveno merdeveni kotar oleskoro suno prestavingja e Isuse o jekhutno posredniko maškaro o Devel thaj o manuša. Vov sine simboli kote so o Hristos ko lafikjeriba (razgovor) e Natanailaja ked vakjergja: ”Ka dikhen i havaja sar si pravdi thaj sar e Devleskere meljajkija ukljovena thaj uljovena premal o Čhavo e manušeskorro” (Jovan 1, 51)

Raspravindoj, o manuš ulavdilo kotar o Devel; i phuv sine ulavdi kotar i havaja. Kotar odoja bezdna so ulavgjao-len našti te ovololen amalipe. Ama prekal o Hristos i phuv si phanli e havajaja. Phire zaslugencar o Hristos premostingja i bezdna so kjergja o bezeha, agjaar o melekija šaj te ikjeren konekcija e manušencar. O Hristos konektirina e bezahale (grešniko), e slabo hem e bespomošno manuše Haingeja (Izvoreja) tari biagorutni sila.

Numa čuče si sa e manušikane sune bašo anglunipe, zaludno si sa o bukja e manušibaskere te džan upre ako zanemarinelape i jekutni Haing (edinstveniot izvor) tari nada thaj ažutipe e bezahale manušikane mileske. ”Sakova šukaripe so si dobimo thaj sakova šukar bakšiši avela kotar o Devel” (Jakov 1, 17). Bizo olesti nane čakikano majmištipe e karakteresko. A jekutno drom prema o Devel si o Hristos. Vov vakjeri: ”Me sijum o drumo, o čačipe

thaj o dživdipe; khonik ni avel ko Dad numa prekali mande” (Jovan 14, 6).

E Devlesko vilo bajrola ple čhavengje ani phuv bare khamibasa so si pobari kotar o meribe. Deindoj ple Čhave, ko odova jekh bakšiši, Vov dengja amengje sar bakšiši celo havaja. O dživdipe e Ikaldinesko, oleskoro meribe thaj posredibe, i sajgija e melekongiri, o dove e Duhoskere, sa e Dadeskoro zalaganje, hem o postojana aktivnostija so kjerena e havajakere dživutre (nebesnite suštestva) – sa odova si čhivdoj ki sajgija te otkupinelpe o manuš.

A te gndina bašo čudesno kurbanu so sine dindo baši amende! Te da zori te procenina i buti thaj i energija so uložinelala i havaja so cel palem te dobinel e našavden thaj palem te irinilen ke Dadeskoro kher. Nikana našti te čhivenpe ko phiriba o potakatlije thaj o pozurale bukja; o bigdalo pursako (nesfatliva nagrada) okoleske so kjerela šukaripe, e havajakere lošalipa, amalipe e melekongar, amalipe thaj mangjipe e Devleja thaj oleskere čhavejam, usovršipe thaj bajraripe amare sa džandipa ko tafdipe e vaktencar – pa odova nane li odova dovolno motivacija te motivirinen amare vile te čhivaolen ki sajgija amare Stvoriteleske thaj amare Otkupiteleske?

A tari javer rig (strana), E Devleskoro lafi iznesinela amenge i osuda so vakjergja o Devel mujal (protiv) i bezeh, neizbežno kazna, preperipe amare karakteresko thaj konečno mudarkeripe sar opomena te na sajgina e Bengeske.

Nane li te cenina e Devlesko manušvalipe? So phanda šaj Vov te kjerel? Te vospostavina pravilno relacije Okoleja

kova so mangel amende. Te sajginamen e bukjenca soj dingjamen ko raspolaganje te bi šaj te preobrazinamen, te bi ovelamen oleskoro muj, palem te vospostavina amalipe e meljekoncar kola so sajginena amenge hem te obnovinaja i harmonija thaj i relacija e Dadeja thaj e Čhaveja.

PIŠMANIPE



Sar šaj o manuš te ovel čisto anglal o Devel? Sar šaj jekh bezehalo manuš te ovel pravedno? Samo o Hristos šaj te anelamen ki harmonija e Devleja, ki harmanija e rajikanipaja; ama sar te ava ko Hristos? But džene postavinena akava pučipe so postavingje but džene ko Ruhinalodive (Duhovden), kana sine osvedočimo ko plo bangjipe: "So ka kjera?" O anglune lafija so vakjergja len sine o Petar sine: "Perenpišmani!" (Dela 2,37. 38). Hari palo odova, ki javer momenti, vov vakjeri: "Peren pišmani thaj roden te kosenpe tumare bezeha (Dela 3,19).

Ko pišmanipe si čivdo em o roiba bašo bezeha thaj o ulavdipe olestar. Amen nane te frda o bezeha, ako na dikaja oleskoro bilačipe, sadžikana amaro vilo pakjala oleste, nane te ovel nisavo čačikano paruvdipe ko amaro dživdipe.

But manuša našti te haljojen i čačikani natura e pišmanipaskiri. Olenge si but žal so grešingje pa čak hari smeningje pe soske darana taro posledice taro pre džungale bukja. Odova nane biblisko pišmanipe. Ola žalinenape baš o phare bukja so cidena namesto te žalinen baši o bezeh so kjergje. Agjaar sine i dukh e Isaveski kana halilo (sfatingja) kaj našavgja pro prvenstvo. O Valam, darandilo kotar o meleko so bešlja leske ko leskoro drumo nange mačeja, pengjargja plo bangjipe te na bi našavela po dživdipe, ama akate nasine čačikano pišmanipe bašobezeha, nasine promena ko namere, na sikavdilo džungalipe premal o

bilačipe. Kana thargja ple Devle, o Juda Isklariotski dengja vika: "Me grešingjum go so thargjum bidošalo (nevino) rat!" (Matej 27,4).

Akava priznanie crdisalilo kotar oleskoro bezehalo vogi teleder nepodnosljivo presija taro svest baš o bangjipe thaj pharo adžikjeripe osuda. O palpalunipa so zakaninenape leske pherenape sine bare bilačipaja, ama ko oleskoro vogi nasine hor dukh so činela o vilo, na sine leske pharo so thargja e Devleskere čhave so sine čisto thaj so otkadžisalilo kotar o Sunto (Sveco) Izraelesko. Dži kana izdržingja e Devleskere kazne, o faraoni mothovgja ple bezeha te bi izbegini o pookorutno kaznibe ama produžingja te prkosini e Devesleske kana o kazne ka oven ačhavde. Sa akala si roiba bašo palpalunipe e bezehaskere, ama na astargjaole o roiba bašo oleskere bezeha.

Ama kana o vilo ka prifatini o vlijanie taro o Duho e Devleskoro, tegani i sovest bijangjovel thaj o bezehano manuš ka pengjari ki nesavi mera o horipe thaj rošalipe e Devleskoro sunto (sveto) Krisi (Zakoni) kova si fundo oleskere thagaripasko em ki phuv, em ki havaja.

"O čačikano Rošalin (svetolost) kova so rošarela e sakone manuše" (Jovan 1,9) rošarkjerela e garavdune thana ko vogi thaj ko garavdune kotora ko tunjariko so ikljovela ko olengoro dikhipe. I godi thaj o vilo ovena osvedočime. O manuš so isile bezeh ovela svesno baši o pravednost taj astarelale bari dar te sikavipe pe tovaroja taro plo bangjipe thaj oleskere rumibaja anglal Okova kova so ispitinela o manuškane vile. Vov dikhela e Devleskoro khamipe, o šukaripe o rošalipe, o lošalipe tari užipe (čistota); o ba-

ro mangipe te ovel učistimo thaj te ovel dostojno te khuvel ki konekcija e Devleja.

E Davideskiri dova, kana peli ko bezeha sikavi amen sar valjani te ovel o čačikano žalost baš i o bezeh. Oleskoro pišmanipa sine čačikano thaj but hor. Ki dova na dingja but zori te uljarel pli doš (krivica); na sikavgja mangipe te našel kotar i birand (kazna) so zakaninela-pe sine oleske. O David diklja o baripe e prestapeskoro; sfatingja kaj meljargja po vogi; thaj džungadilo kotar plo bezeh. Na molisalilo samo te oprostinel pes leske, tuku em te užarkjerel plo vilo. But mangjela sine o lošalipe e suntibasko – za te obnovini i harmonija hem i zaednica e Devleja. Agjaar vakjergja oleskoro vogi:

*“Bahtalo si okova, kaske o prestapija si oprostime,
hem kaskoro bezeh si učhardo.*

*Bahtalo si o manuš, kas o Devel baš o bezeha na
došakjerela (obvininela)*

Thaj ko savo ruhi nane hohaibe!”

(Psalm 32,1.2)

Smiluitu mangje, Devla,

Prema tiro pakjavno mangjipe;

Prema tiri bari emocionalnost

Kos mire bikrisalja...

Soske me džanav mle bezeha,

Mli bezeh sakodrom si angle me jakja...

Kos man thaj me ka ovav užo;

*Thov man tha ka ovav poparno kotar o iv!...
 Ker mo vilo te ovol užo, Devla,
 Thaj o sasto ruhi ker mande te ovel nevo.
 Ma frdema tutar
 Thaj o Sunto tlo Ruhi ma leole mandar!
 Irin mangje o lošalipe ko tlo ikaldipe
 Thaj lačo ruhi de man, te bi ikjerima...
 Ikal man kotar o bilačipe ratesko, Devla, Devla,
 Ikaldea mirea!
 Devla, prav mange tlo muj
 I voj ka sikavi tiro baripe. ”*

(Psalm 51,1-14)

Jekh asavko pišmanipe naklja amare takatija thaj amen našti te resalen, nego šaj numa odova te dobina kotar o Hristo, kova so uštindilo upre thaj dingja bakšišija e manušenge. Baš akate but džene kjerena bezeha thaj odoleske na dobinena ažutipe so o Hristos mangela te del olenge. Von gndinena kaj našti te aven kori oleste ako emangle na perena pišmani thaj o pišmanluko kjerelale bašo jertisaripe e bezahoske. Čače si kaj o pišmanluko si poangle kotar o bezeha, soske numa e phagje vilesa hakjarelape o rodipe e Ikaldinesko. Valjani li o bezehalo te adžikjeri te perel pišmani pa tegani te šaj te avel ko Isus? Ovela li o pišmanluko te ikljovel sar duvari maškaro bezehalo thaj o Ikaldino?

I Biblija na vakjeri kaj o bezehalo trebela te perel pišmani angleder te na šunel e Hristoskoro akhariba: ”Aven korig mande sa tumen so sijen pherde pharipaja,

me ka davtumen ačhalipe” (Matej 11,28). O takati so ave-la kotar o Hristo legari ko čačikano pišmanluko. O Petar vakjergja olenge e Izraelcenge: ”Neka o Devel vazde-la okole ple šukar vasteja bašo šerutno thaj Ikaldino te bi delapes leske pišmanluko e Izraelleske thaj oprostiba taro bezaha” (Dela 5, 31). Amen našti te pera pišmani bizo Hristoskoro Ruhi kova so vazdela amari gnd sar so našti te dobina nisavo oprostiba bizo Hristos.

O Hristos si haing (izvori) tari sakoja šukar pobuda. Numa vov šaj te sadini ko amare vile o biamalipe pre-mal o bezeha. Sakova mangjipe so legari ko čačipe thaj užalipe, sakova vakjeripe bašo bezahalipe si mothodipe kaj ko amare vile funkcionirini oleskoro Ruhi.

O Isus vakjergja: ”A me, kana ka ovav vazdimo kotar i phuv, sa e manušen ka cidav kori mande” (Jovan 12, 32). O Hristos mora te sikavipe e grešnikoske sar Ikaldino kova so merela baši o bezeha e sumnaleskoro; thaj dži kana dikhasa e Devleskere Bakre ko trušul ani Golgote, ki amari godi počmini te arakhipe o i garavdin (tajna) taro otkupuvanje hem e Devleskoro šukaripa legariamem ko pišmanluko. Merindoj o bezehalengje, O Hristos sikavgja jekh kamibe, thaj dži kana o bezehalo dikhela odova khamipe, isto agjaar kovljarela oleskoro vilo, deluini ki godi hem e manuše kjerela le te ovle ponizno.

Čače ponesavo drom o manuša ladžana kotar ple bezehane drumija thaj frdena pestar nesave bilače karakteristike thaj angleder te oven nerne (svesna) soske tane privlekujme taro Hristos. Ama sekana kana o manuša pokušinena te lačhargjovent, čačikane mangipaja te kje-



31

32

ren šukaripa, ki odova terinelalen e Hristoskoro takati. Upral olende deluini jekh bari sila, kasko o manuša nane svesna, i sovest olengiri đangjavgjovala hem ko lengoro đivdipe desinipe dikutni promena. Em keda o Hristos ka cidelen korig peste te dikhen oleskoro trušul, hem te dikhen Okole kole so kovingje pire bezexencar, tegani o zapovedija pašljona ki olengiri godi. Tegani pravgjola sa o bilačipe taro olengoro dživdipe, o bezeh so but hor khuvgja ko olengoro vilo. Ki nesavi mera lena te gndinen e Hristoskoro čačipe thaj vikinena: "Tegani so si o bezeh te bi ovela trubutno asavko baro kurbandi te kinenpe oleskere robija? Čače li sine trubutni sa odova kamibe, sa odova sab'ri, sa odoba ladžavipe amen te na mera, nego te ovelamen savahutno (večno) dživdipe"?

O bezehalo šaj te buninelpa baši odova kamipe, šaj te namangel te ovel cidimo prema o Hristo; ama ako na buninilpe, o Isus ka privlekuinipe; o pendžariba e planeško bašo Ikaldipe ka anenole dži ko teluno kotor kotar o trušul, pherdo pišmanipaja baše kjerde ple bezeha so kjerdile kotar o pharipe e Devleskere gudle Čhaveske.

I isto devlikani godi, kova so deluini ki natura, vakjeri hem e manušengjere vilenge, kjerindoj kori olende baro mangjipe bašo odova so naneolen. E Devleskoro ruhi vakergja olenge te šunenolen sarinen i agjaar sarinenge ka del sansari thaj ačhalipe – prema e Hristoskoro jertipe, thaj e suntoskoro lošalipe. Kandinkerindoj e dikutne thaj e bidikutne inflencencar, amaro Ikaldino isiole sako vakti buti, thaj mangela i godi e manušengiri te cidelola kotar o bezehale mangjipa, i intencija oleskiri si kanalizir-

rinenolen i godi e manušengiri ko polače bukja. Sa odole manušenge, kola so mangjena te pijen kotar akale sumnaleskere pusavde hainga, bičavelapes olengje devlikano haberi: "Ko si trošalo – naka avel, thaj ko mangjel - neka lel bakšiši taro pani đivdipaskoro" (Otkrovenie 22,17).

Tu, kova so ko tro ilo dorisarel (kopnee) baši khanči polačo kotar okova so delatut akava sumnal, pendžar tu odova dorisaripe sar Devlikano, vakjeripe dromarutni ko tlo ruhi! Molitet te del tut pišmanipem te sikavel tuke e Hristo sa pe bare kamibaja, tha pe bare užipaja! Ko dživdipe e Ikadinesko kulminirena o lafija kotar e Devleskoro zakoni - o mangjipe prema o Devel thaj ko paše džene. O šukarkjeripe, o baro mangjipe- odova si o dživdipe oleskere vogesko. Em kana ka dikhaole oleste, kana o rošalipe kotar amaro Ikaldino ka rošalel em amende, tegani dikhaja o bezeha amare vilenegere.

Amen šaj te vakjera sa so mangaja, sar so kjergja o Nikodim, kaj o dživdipe si amengje pakivalo, o moralno muj majšukar, thaj te gndina kaj amen trubul te teljara amare vile anglal o Devel sar obična bezexale manuša, ama, kana e Hristoskiri roš ka rošarel amare ruhija, ka dikha kaj amen sijam melale, ka damen godi kaj amare mangjina si korkorutne (sebična), a o biamalipe premal o Devel kaljarda sakova amaro delo. Tegani ka sfatina kaj amari prevednost si sar melalo šej, em samo e Hristoskoro rat šaj te thovelamen kotar o melalipa e bezeheskoro, thaj te kjerel amaro vilo sar so valjani te ovel, thaj te bnovini e devleskoro liko ana amende.

Numa jekh strafin (zrako) kotar e Devleskiri slava, jekh iskra kotar e Hristoskoro užipe, ked ka bajrovel ko ruhi, nasvale užipaja sikavgjola sakoja lošno bemka thaj diveskerel o lošnipa thaj o bilačipe e manuškere karaktereskoro. Odoja skrafin, odoja iskra kerela te oven dikhutne o bimangle mangjinja, bipakjavipe e vilesko thaj o melalipa e voštengoro. E bezahaleske oleskere gnda bašo e Devleskoro zakoni te kerelole sar bičačutno sikavenape oleske ki čačikano rošalipe thaj oleskoro ruhi si cidimo thaj armandino kotar e Devleskoro Ruhi. Vov kirnarela korkori pes dikhindoj e uže, bimelalo Hristoveskero karakteri.

Ked o proroko o Daniel diklja i slava so opkolingjala e devleskoro nevipe so sine oleske bičaldo, lelja le o emocije baši oleskoro kišlape thaj bimištalipe. Vakjerindoj bašo keripe odoja scena, vov vakjeri: "Kedisalilum, mo muj ulo sar biratan, o takati mukljama" (Daniel 10,8). O ruhi, ko asvko čhani ka kerol nefel plo korkoripe, ka batini o korkoremangipe, thaj teli influenza e Hristoskere čačipaja, ka streminipe ko užipe e vileskoro, so vakeripe em ke Devleskoro krisi thaj e Hristoveskere karakterea.

O Pavle akjeri kaj "prema o čačipe e Kriseskoro (Zakoni) ako isi dikhipe numa formalno te kerenpe o propisija sijuma "biagorutno" (Filipjanite 3,6); ama ked pengjargja e ruheskoro karakteri e Kriseskoro, anlaingja kaj si bezehalo. Prema o alav e Kriseskoro, agjaar sa so si ko dživdipe, o Pavle araklape kotar o bezehalipe; ama ked pengjargja o horipe e suntu čačipa e Kriseskere diklja pes korkori peste agjaar sar so diklja e Devle, telilo angli le-

ste thaj mothovgja plo bangjipe. Vakjergja: "Em me dživdingum nekana bizo krizi; ama kana ali i zapoved, o bezeha dživdingja, a me muljum" (Rimjanite 7,9.10).

Ked anlaingja i ruhikani natura e Kriseskiri, o bezahalipe sikadilo ko plo bilačipe thaj oleskoro učipe našavdilo. O Devel na gndini kaj sa o bezahalipa si jekhajekh bare. Kotar e Devleski, a em kotar e manuško dikhipe, isi stepenija tari krivica. Ama, kobor si bidjanglo te ovel akaja ja palem okoja bilači buti ke manuškengere jakja, anglal o Devel nijekh bezeha nane tikno. E manuškane sudija si tale pristrasna, ama o Devel si realno ko plo sudo. O mate manuša dikhena le bangje thaj vakjerena kaj oleskoro bezeh šaj ikalela le kotar i havaja, a učedikhiba, o korkoromangjipe o zili (zavist) but fari nakhena bizo ukoribe. Maškaroodva, odola bezeha but si bimangle kotar i Devel, soske ola si mujal o lačiipe oleskere karakteresko, thaj e atmosferako e bikorkoremangjipasko so thagaruini ki biagorutni vasiona, Okova so perela ko pharo bezeha šaj te hakjarel i ladž thaj o čhorolipe thaj trubupe kotar e Hristosko manušvalipe (milost); no o baripe na hakjarel nisavo mangjipe em odolea o vilo phanljola e Hristoske thaj bašo oleskere biagorutne blagoslovija.

O čorolo cariniko kova so molingjape: "Devla, te čuminav te gudle vasta me sijum bezehalo" (Luka 18,13), peste gndingja kaj si but rumimo manuš, a em vavera manuša dikenale isto jakhencar; ama vov sfatingja plo trubipe i ple pharipaja so si bango thaj so kjergja ladžavipe avilo anglal ko Devel te rodel manušvalipe oleskar. Vov

pravgja o ilo anglal o manušvalipeski deluipe e Devleskere ruhestar te oslobodinipe kotar o takati e bezeheskoro.

E farisejeskiri falimi hem samouvereno molitva sikavgja kaj oleskoro vilo si phanglo baši o deluibe e Duho Svetoskoro. Durindoj kotar o Devel, vov em na svatingja plo rumipe so sine mujal (sprotivno) taro sovršenstvo taro devlikano rošalipe. Na osetingja nisamo trubipe thaj khanči na primingja.

Kana ka dikhen tumaro bezehalipe, ma adžikjeren te lačarentumen. Kozom isi asavke so gndinena kaj nane doborom šukar te aven ko Hristo! Adžikerenali te lačhardoven tumare korkorutne zoresa? ”Šaj li o Etiopjanco te paruvel pli mortik ja palem o leopardi ple šarke? Šaj li tumen te kjeren lače kana siklilen te kjeren lošnipa?” (Eremija 13,23) Amenge šaj te pomožini samo o Devel. Amen na valjani te adžikjera pozoralo osvedočuvanjea; polače šanse thaj pošužo karakteri. Amen korkori khanči našti te kjera. Mora te ava ko Hristo agjaar save sijam.

Khoni ma te hohavelpe gndingjoj kaj o Devel, ko ple bare kamiba thaj šukaripa, palem ka spasinel pa čak i okolen kola so odbingja oleskoro mangjipe. O baro pharipe e bezehasko šaj te proceninolole numa ko rošalipe e trušuleskoro.

Kana o manuša vakjerenka kaj o Devel si but lačno te frdel e bezehale, usmerin len ki Golgota! Odoleske so nanele sine javer čhani o manuš te ikalel pes, so bizo akava kurbanu o manuškano mileti ne bi šaj te ikalelpe sine kota i biladžutno takati e bezahesko thaj palem te keren o amalipe e sumnale dživutrencar – so našti sine palem te lel o

kotor o ruikano dživdipe- baš odoleske o Hristos lelja kori peste i doš e bikandine manušengere thaj trpingja ko than e bezehalenge. O mangjipe thaj o cidaripe thaj o meripe e Devleskere Čavesko – sa odova motovela amengje bašo bare bilačipa e bezahesko thaj šunavkjerel kaj nane mukipe kotar olesko takati, čak nane thaj umuti (nadež) ko polačo dživdipe, osven ako o bezahalo prifatini e Isuse.

O bipišmane manuša ponesavo drom vakjeren komparindoj okolencar so gndinena kaj si hristijanija: "Em meda sijum agjaar but lačo kozom so si von. Ola ko plo ikjeripe na sikaven ni zala pobut korkore biastardipa (samootkažipe), nernipa ja palem džungadipe mandar. Olenge da si gudlo o lačhipa. Em olada muken o bezeha sar em me!" Em agjaar o kišlipa e averengoro ola da labarena (koristinena) sar izgovor bašo plo zanemaribe e udžilipakere. Ama o bezeha tha o mane averengere khoni na čaćarela, soske o Devel na dingj amanegje e bezehale manušen sar misal (primer). Ko misal si dendo o bikaljar-do Čhavo e Devleskoro thaj baš von kola so si dukhavde bašo naččikano dživdipa e hristijanengoro, bi valjani te dživdinen pošukar dživdipe thaj te sikaven polačo misal. Ako olengere gndipa, bašo okova so valjani te kerel o hristijani si but bare, nali tegani thaj olengoro bezeh si pobaro? Von džanena so si čaćipe, a palem odbinena odova te kjerem. Ma pheren pišmani! Ma odložinen i odluka te friden tumare bezeha thaj e Isuseskere ažutipasa (pomoš) te očistinen tumaro vilo! But milja manuša baš akate kjergje došalipe tha sine našavde ko sa o vakti. Na mangava te našavav but lafija ko košiba bašo harivaktipe thaj bisigur-

nipe e dživdipasko; ama o baro trašavutnipe - opasnost so nane dovolno sfatimo – garavipe ko pišmanlipe te šuna o hango taro Devleskoro Duno Sveti thaj te ačhova ko bezeha, soske o pišmanluko baš odova značini. O bezex, kobor te gndina kaj nane but trubutno, šaj te pomuka e rizikoske te ova našavde ko sa o vaktija. Okova so amen nane te sovladina, ov ka sovladini amen thaj ka ligariamena ko propast.

O Adam thaj i Eva korkori pes uverinena sine kaj asavko biznačitelno delo, sar si o haibe kotar i zabranimi reslin, našti te ovel doborka bare posledice sar so vakjergja o Devel. Ko odova biznačitelno delo sine prestapi e Devlikanesko biparuvdikano thaj sunto Krisi (Zakoni) thaj baš odova "biznačitelno" prestapi ulavgja e manuše kotar o Devel thaj pheravgja o arakhavutne, kjerindoj amaro sumnal te poplavini o meribe thaj o bivakjerdune rundipe. Kotar o šeluberšnipe ko šeluberšutnipe kotar amari planeta sakovakti ikljovena dukhavibaskere hangija thaj sa o džanglipa amalikane vogidena thaj dukhavin-doj stradinena kotar o posledice kotar o manušikano bikandipe. I havajada osetini o deluiba kotar oleskiri buna mujal o Devel.

I Golgota tergjol sar išareti baš o butlačheo kurbani koleja so trubula te okainelpe sine o prestapi taro Devlikano Zakoni. O bezeha na trebela te smetina sar khanči biznačitelno! Sakova prestapi, sakova bikandipe ja palem frdipe e Hristosko šukaripe, mukela ple posledice uprali amende; odova zorarkjerela o vilo, kišljarela i volja, tupini i godi thaj na samo so kjerela amen spremna, čak kje-

rela amen te ova pohari takatlime te šuna o nežno akharipa e Devlesko Sunto Ruhi.

But džene mangjena te smirinen i đangavdi godi e gndaki deka šaj te irisarenpe kotar o bilačo drumo savahatane kana ka mangjen, deka šaj te khelenpe e akharia baja bašo mangjipe, a uzal odova te ačhon đi ko agor osetliva premal olengoro deluiba. Iako dikhena sine prema o Ruhi mangjipaja, em palem phumari influencija čhivgjela ki funkcija e bengeske, von gndinena šaj te paroven i trasa e dživdipaskiri ko momenti kana ka avel i daravutni kriza. Ama, odova nane agjaar loko te kjerelpe. O iskustvo thaj i edukacija ko thavdipa e dživdipaskoro doborka fundavno formiringje o karakteri, so tegani numa retko mangjena te oven sar o Isus.

Čak em najtikno feleri ko karakteri, numa jekh tikno bango mangjipe, ako šukar arakhelape, ko agor ka mudarel sa o deluvanje taro e evangelie. Sakova mukipa anglal o bezeha zorzajrkerela o odbiba e ruheskoro prema o Devel. O manuš kova so si uporno ko plo bipakjape, kova si si leske sa jekh prema e devleskoro čačipe, numa žneini sa okova so korkore sadingja. Ki celo Biblija nane podaravutno o vakjeribe protiv o khelibe e lošnipaja, taro lafija so o gogjaver manuš kana vekjeri deka o “bezexalo” ka pakjardol ko šele ple bezehaskere” (Mudri izreki 5,22).

O Hristos si agordutno te ikalelamen kotar o bezeha, ama ko odova na terinelamen zoreja te kera; em ako amari volja si ko sa teljardi ko bilačipe, ko bilačipe, soske amen sadajekutne dživdinaja ko prestapi, em ako na mangaja te oslobodinamen, ako na mangaja te astara olesko-

ro mangjipe, tegani so panda Vov te kerel? Amen korkori amende hasaraja odoleske so namerno frdingjam oleskoro kamibe. "Ake, akana si o vakti, ake akana si o dive e Ikalipnasko!" "Avdive ako šunena oleskoro hango, ma phanden tumare vile" (2. Korinkjanite 6,2; Evreite 3,7,8.).

"O manuš dikhela ko muj, a o Devel dikhela ko vilo" (1. Samoilova 16,7) - ko manuškano vilo, pherdo turli emocijencar lošalipaja, thaj dukhaja, ama o bišandikano (nemirno) vilo koleste isi doborka melalipe thaj hohaviba. Vov džanela o pobude, olakere irada thaj cilja. Džan kori olete tumare melale ruhesa, agjaar sar so si! Sar e o psalmisti, praven olakere etažija bašo jakja kova so dikhela sa thaj rinkinen: "Phuč ma Devla, thaj phengjar mo vilo. Rodarkjerma thaj pendžar mire mangjipa. Thaj ako dikheja kaj sijum ko bilačo drumo, legarma ko drumo ko savahtipe" (Psalm 139,23. 24). But džene prifatinena numa i intelektualno religija, numa forma e devleskiri so na rodela učaipe e vileskoro. Tumari dova neka ovel: "Dema Devla, užo (čisto) vilo, thaj čačikano ruhi te bijangjol kori mande" (Psalm 51,10). Oven poštena ko tumaro vogi! Oven doborka ozbilna, thaj istrajno, sar te phene ko pučipe si tumaro pomnivo dživdipe? Odova si pučibe so mora te rešinipe maškaro o Devel thaj tumaro vogi, te rešinipe savahtane. Ako nanetumen khanči vaver, numa hohavni umuti, tumen phiravenatumen ko sigurno hasaripe.

Drabaren e Devleskoro lafi molitvaja. Odova lafi ke Devleskoro krisi (Zakoni) thaj ke Hristoskoro dživdipe vakjerela tumengje o bare bukja e suntoske bizo kova "khoni našti te dikhel e Devle" (Evreite 12,14). Odova

vakjerela bašo bezeha, ohem but jasno sikavel o drumo e ikalibasko. Šunen la sar Devlikano hango so vakjeri tuma-re vogeske. Kana ka dikhen thamaro daraipe e bezahesko, kana ka andinen tumaro čačikano hali, ma nišarentumen (ne očajuvajte se). O Hristos avilo baš odoleske te ikalel e bezehalen. Nane amaro te pomirinamen e Devle amencar, nego – o čudesno mangjipe - korkori o Devel ko Hristo pomiringja ”o sumnal peja” (Korinkjanite 5,19). Vov ple lače kamibaja akharda kori peste e vilen kotar ple zapi-ravde čhavore. Ni jekh dad ne bi ovela doborom birvalo (strplivo) ko mane thaj ko felerja ple čhavengere sar so si o Devele prema okola so mangel te ikalelolen. Khonik našti te vikinel e prestapniko. Nijekh manušikane vošta nika-na na kjergje lafi ponežno e zaphiravdencar, sar oleskere manuša. Sa oleskere dendolafibe, sa oleskere opomene, si numa baro kjefi kotar bisikavdo mangjipe.

Kana o beng ka čačarel kaj sijan baro bezehalo, di-khen ko tumaro Ikaldino thaj vakjeren bašo oleskere bukja so kjergja. O dikhibe ko oleskiri roš ka pomožinel tumenge. Mothoven tumaro bezehalipe, em vakjeren e dušmaneske kaj o Isus, avilo ko sumnal te ikalel e be-zehalen (1. Timotej 1,15) em so em tumen da šaj te oven ikalde leskere bare khamibaja. O Isus e Simoneske dingja jekh phučibe duje borčlijenge. O jekto sine oleske borčlija e gazdaske hari love, a o dujto sine borčlija but love, but; ama vov jertisrda soldujenge.

O Hristos pučla e Simona savo borčlija ka mangel pobut pire gazda. O Simon vakjergja: ”Gndiv okova savo pobut jertisarda” (Luka 7,43). ”Amen sijama bare bezeha-

le, ama o Hristos mulo amengje te bi šaj ovela amengje jertimo. Sine dovolno te legari pe dadeske o theripe pire kurbanesko ko amaro labardipe. Okolenge kaske em but jertisarda ka mangelole embut em ka bešen empășe dži ko oleskoro bešipe thaj ka slavinenole baši oleskoro baro mangjipe thaj bašo baro kurbanu. Baš tegani, kana ka hakjara o Devlikano mangjipe, emšukar ka dikha o lošnupa e bezaheski. Kana ka dikha kobor si bari i skala so si amengje dendi, kana ka hakjarala majšukar kozom si bitno o kurbanu so dingja o Hristos baši amengje, tegani majšukar thaj majtele ka kovljaren amare vile.

PENDŽARUTNIPE



Nane bah okoleske so garavel o bezeha, a okova so mothovel thaj mukhelalen, ka ovel leske jertisardo (Mudri izreki Solomonovi 28,13). O šartija te dobilpe e Devleskoro manušvalipe si ednostavna, čačikane thaj godjajale. O Devel na mangela amendar te cidinkjeramen te bi jertisarel amenge o bezeha. Na trebela te dža ko lungone thaj činjavale generacije ja te kjera dukhadine bukja te bi preporučina amare voge ko Devel upre ja palem te pera pišmani baše amare lošno bukja so kjergjam, nego okova so priznajnel hem te ačhavel plo bezeh, ka dobini milost.

O apostoli vakjerela: "Mothoven tumaren bezeha jekh avereske thaj molinentumen jekh avereske te oven saste" (Jakov 5,16) Priznajnen tumare bezeha e Devleske soske samo vov šaj te jertisarel tumen, a tumare doša jersaren jek javereske. Ako marden muj tumare amaleske ja komšijaske, valjani te priznajnen tumari doš, a leski obligacija (dužnost) si te jertisarel tumenge kotar o vilo. Palo odova trubul te roden jertisaripe thaj kotar o Devel, soske o phral koleske so marden muj si Devlikano sahibnipe (sopstvenost) thaj dukhavindoj oleste, odoleja kjergjen em baro bangjipe thaj oleskere Kreatoreske hem Otkupiteleske. Ko odova čhani legaripe anglal o jekhutno čačikano Posredniko, angla o amaro baro Avgorašaj kova "sine iskušimo ko sa, sar amende, numa ni kjergja bezeha", kova so "hačarela (sočuvstvinela) amare slabostencar" (Evreite 4,15) em šaj te užarelamen kotar i sakoja traga taro bezakonie. Okola so ni teljarde plo vogi anglal o Devel motho-

A close-up photograph of a man's face in profile, looking upwards. His right hand is raised, with fingers spread, as if gesturing or reaching for something. The background is a soft, out-of-focus green, suggesting an outdoor setting. A large, teal-colored number '45' is superimposed over the center of the image, partially overlapping the man's face and hand.

45

46

vindoj pli doš (krivica), na phergje nijekh šarti te oven primime. Ako na pokajalisililam čačikaneste, ako na mothovgjam amare bezeha e hor teljaribasa ko amaro vogi thaj phagje vilesa, amen nikana na rodingjam čačikano jertisalipe e bezehasko, a ko nikana ni rodijam, naj te ni andala sansari kotar o Devel. Jekhutno sebepi so na primingjam jertipe kotar o nakle bezeha si amaro bihazrluko (nepodgotvenost) te teljara amaro vilo thaj te phera o šartija taro Lafi e čačipnaskoro. Odoleske si amengje dinde izričime instrukcije. O pindžaripe amare bezehengoro, bilo o pravde jali palem o garavde mora te ovel dendo vilestar thaj but jasno vakjerdo.

Odova na tromala te ovel iznudimo taro jekj bezehalo. Odova na tromala te delpe bizignd thaj lokogndalo, pa čak na tromala te rodelp takati kotar okola so si hor gndale baši bilači natura e bezehaleski. O mothovipe, so si potiknimo kotar o horipe e ruheskoro, ka araki plo drumo dži ko Devel kova so si pherdo bizoagorutne jertibasa. O Psalmisti vakjerela: "O Devel si paše uza okola so isi olen dhukade vile, te jertisarelolen okolen so si dukhade vilesa" (Psalm 34,18). O čačikano pindžaripe sakova drom si izrično thaj legaripe ko odredime bezeha. Von ponesavodrom isiolen asavki natura so šaj te mothoven numa e Devleske; odola si ja o bilače bukja so mora te pindžarenpe okola kola so baši olende pretrpingje ziland (šteta), ja palem odova šaj te oven javna bezeha kola so šaj te mothovenpe javna. O sa mothovipa mora te oven jasna thaj pherdutne, mora te mothova baš okola amare bezeha baši soste amen sijam kabaatlije.

Ke Samoileškere divesa o Izraelcija otstapinge kotar o Devel. Akharkerena sine o posledice taro ple bezeha odoleske so našavde o pakjape ko Devel, našavgje o takatlipe te dikhen oleskoro takati thaj o gogjaripe ko vastarelipe e mileteja, našavgje o pakjape ko oleskoro takatipe te arakhelole kotar piri buti. Frdingeole kotar o Baro thagar e vasionakoro thaj mangle te oven olen isto forma ko thagaripe sar em vavera narodija. Angleder te ovelolen sansarin, dingje akav pindžaripa: "Ko sa amare bezeha dingjam o bilačipe rodindoj thagar" (1. Samoilova 12, 19). Mora sine te mothova okova bezeha baši so sine kabaatlije. Olen-go binajsutnipe dukhavela sine olengoro vogi thaj ulavolasine len kotar o Devel. O Devel našti te primini pindžripa bizo putardevilea teljaripe thaj lačharipe. Mora te dikhenpe o promene ko đivdipa: sa so marel muj e Devleske mora te ovel frdimo. Odova ka ovel palpalunipe bašo čačikano dukhavipe baše bezeha. I buti so amen korkori valjani te keraola jasna si amengje pravdi: "Thoven tumen, užaren tumen, frden anglal me jakja tumare bilače bukja, ma kjerem više bilače bukja. Sikljovent te kjerem šukaripe, roden o čačipe, ažutisaren e ugnetime manušen, arakhen e čorolen, braninen e pivlja džuvla" (Isaija 1. 16,17). "Ako iringja o bidevlikano o zalogo thaj okova so čorgja thaj ako lija te dživdini prema o zapovedija e dživdipaskere, te na kerel bezakonie - čače ka dživdini, nane te merel" (Ezekil 33,15). Vakjerindoj baši reslin e pišmanlukoskiri, o Pavle vakjergja: "Dikhen kobor si putardevileja o lačiphe iklilo baš kotar tumari devlikani dukh: savo arakhipe, savo negodipe, savi dar, savo mangjipe, savo lačipe thaj

kaznuipe. Sikavgjen ko sa kaj sijen užarne ki tumari buti” (2. Korinkjanite 7,11).

Kana o bezeha ka mejrarel o maralno hakjaripe, okova so kjerela bilačipe na dikhela o feleri kotar plo karakteri, nitu akjarela i dar e lošnipaskiri so kergjala; thaj ako na teljovela telo takati e Sunto ruhesko kova so vakjerela, ka ačhovel ekvaš korolo prema plo bezeh. Leskere pindžaripa nane pravde vileja pa čak nane ozbilno. Ko sakova priznanie taro olesk baši plo bangjipa vov dodaini opravdanie sar izgovor baši plo ponašanje vakerindoj kaj nikana ne bi kerela okova baši soste si došalkerutno kana ne bi prisililanen ko odova nesave trujalipa.

Kana hale kotar i bimukli reslin, o Adam thaj i Eva astargjalen i emocija baši ladž thaj bilačipe. Kotar o avgunipe gndipasarena sine bašo odova sar ka čačaren (opravduva) plo bezeh thaj te našen kotar i meribnaskiri kazna kolatar sine gadinenape. Kana o Devel pučolalen sine bašo olengoro bezeha, o Adam frdingja o bangjipe harička upralo Devel, a harička upral pli amalin thaj vakjergja: ”I Džuvli so dingjanla mangje, voj dingjama kotar o kaš te hav!” A i džuvli fringja o bangipe upralo sap, vakjerindoj: ”O sap hohadama em me haljum” (1. Mojsieva 3,12,13). Soske kergjan e sape? Soske dozvolingjan te khuvol ko Edemi? Akala pučiba sine čivgje ko olengoro vakjeribe bašo kerduno bezeh, vakjerindoj kaj o Devel si odgovorno bašo olengoro peripe. O ruhi bašo korkoro čačaripe iklovela kotar o dad e hohavibaskoro thaj haberi kjerel ko sa e Adameskere čhave thaj čhaja. Asavke priznanija nane vdahnuime taro Devleskoro Ruho, thaj o De-

vele našti te prifatinenen. O čačikano pišmanipa navedini e manuše korkori te legari plo bangipe thaj te priznajnel bizo hohaibe ja palem licemerno. Sar o čorolo cariniko, kova so čak pe jakja sine na vazdel premal i havaja, vov ka vakjeri: "Devla, jertisar mangje me sijum bezehalo!" Oko-la so čače ka mothoven plo bangipe, ka oven čačarne, sose o Isus ple rateja ka del po vogi kova so kainipe.

O misalja talo čačikano pišmanluko thaj teljaripe, hramordo ke Devleskoro lafi, pravela amengje i rešenost te priznainipe bizo izgovor e bezeheske ja palem te samo-opravidnelpe. O Pavle na pokušingja te arakhel korkoripeste, vov plo bezeh sikavgja ko emkale farbe, bizo te zumavkjerelpe te kjerel pohari bangiipe. Vov vakjeri: "Na samo so panglumolen (e hristijanen) e lafencar so dingolen o čačutnerašaja, čak me soglasingumpes ked mudargeolen. Thaj but droma cidljarkergjumlen ko sa sinagoge thaj kergjumolen te hulavenpe; thaj mut baro cidnakjeripe kerdjum mujal olende, paldingjumolen ko emdurutne dizja" (Dela 26,10. 11). Na peljum pišmani te vakjerav kaj "o Isus Hristos avilo ko sumnal te ikalel e bezehalen kolende me sijum najanglal" (1. Timotej 1,15).

O teljarutno thaj o phago vilo, skrotimo e čačikane pišmanlukoja, ka dikhel iako bipherdo, kobor si o Devlikano mangiipe thaj i cena e Golgotakiri; em sar o čhavo so priznaini e mangle dadeske, agjar em e čačikane pišmanle ka legari sa ple bezeha anglal o Devel. Odote si hramomo: "Ako priznanjaja amare bezeha, vov si pakjavno thaj čačikano te jertisarel amare bezeha thaj te užarelam kotar o bičačipa" (Jovanovo 1,9).

POSVETUIBA



O Devel dingja lafi: "Ka rodenma thaj ka arakhenman soske ka rodenman sa tumare vileja". (Eremija 29,13). Sa o vilo tumaro mora te sikavkjerem e Devleske, inače nika-na našti te smeninalen thaj palem te ova sar oleste. Prema amari natura amen na sijam dur kotar o Devel. O Sunto Ruhi amaro hali opišini akale lafencar: "Mule baši tumare prestupija thaj bezeha", "sa tumaro šero si nasvalo thaj sa tumaro vilo si dukhadino" "naj khanči sasto". Amen na zapletkinajamen ki astarin (mreža) e bengeskiri kova so zarobingjamen te bi keraja oleskiri volja" (Efesjanite 2,1; Isaija 1,5. 6:2. , Timotej 2,26). O Devel mangela te sastakerelamen, te oslobodini amen. Ama pošto adava rodelacelosno promena, te obnovinipe celo amari priroda, amen trebela celosno te predamen oleske.

O maribe mujal (protiv) korkori peste si embaro maribe ko bilo savo vakti kjerelape sine. O ikaldipa kotar korkori pestar, o kompletno asatribe ki Devleskiri volja, na džala bizo maribe; ama o ruhi mora te teljaripe anglal o Devel anglal te bijangjol thaj te kergjovel sunto (sveto). E Devleskoro thagaripe nane fundavno, so so bi sikavi odova o beng, ko korolo teljaripe, ko bigogjakoro phanlipe. Odova akharelamen ko godžaripe thaj ki gnd. "Ajde te pravdinamen! (Isaija 1,18) – akhargja olen o Kreator e dživutren so kergjaolen. O Devel na vlijaini zoresa upral i volja upro ple kerdikane bukha. Vov našti te prifatini respekti so nane šukare voljaja thaj so nane dindo svesno. I

iznudimi pokornost ka sprečini sakova čačikano bajraripe e gogjakoro em e karaktereskoro; odova kotar o manuš bi kerela sine obično automati. Nane asavki i irada (name-ra) e Kreatoreskiri. Vov mangela o vrvno delo taro oleskoro oleskoro kreatorsko takati, o manuš, te resjari em-baro stepen e bajrobasko. Vov anglal amende postavine-la učipa kotar o blagoslovija dži kote mangela te vazdelamen pre milosteja. Vov akharelamen te predainamen oleske te šaj te kherel pli volja kori amende. Amenge si din-do te rešina dali ka činava te ova robija e bezexeskoro te bi šaj te dživdina o baro tromalipe so preperela e Devleskere čhavege.

Deindoj korkori amende e Devleske, amen mora sa bizošartipe (bezuslovno) te frda sa okova so šaj te ulavelamen oleskar. Odoleske o Ikaldino vakjeri: "Em agjaar, ako khonik tumendar na otkažinipe kotar o sa so isiole, naši te ovel mlo sikljovno. (Luka 14,33). Mora te otkažinamen kotar o sa so bi šaj amare vile te irini kotar o Devel. O mamoni si idoli e butengoro. O mangjipe prekal o love thaj o mangjipe ko barvalipe si zlatno lanco so phandelalen e bengeja. Vavera mangena o ugled hem sumnaleskoro respekti. O dživdipa pherdo sakodivestne bukjenar, si idoli e trinengo. Ama akala robikano phanlipe trubul te čhindolpe. Našti ekvaš te prepera e Devleske, a ekvaš e sumnaleske. Amen na sijam Devlikane čhave ako odova na sijam šel procentija. Isi em asavke kola so vakere-na kaj sajginena e Devleske em ako korkori, ple takateja, ikerena e Devleskoro krisi (zakoni), te bi kerena čačikano karakteri thaj te osigurinen ikalipe. Olenge vile nane po-

tiknime hor hajlojbaja o mangjipe e Hristoskoro, nego sar obvrška kotar o hristijansko džvdipe pherena sar o šartija so čhivljargja o Devel te bi šaj te dobinen i hava-ja. Asavki religija naneola nisavi vrednost. Kana o Hristos džvdingja ko vilo, o ruhi phergovela oleskere mangipaja thaj lošarepe katar o lačipe e amalipasko thaj o jekhipe oleja. Tegani, dikhindoj oleste, ka zabistrel peste. O mangjipe prema o Hristo ka ovel haing bašo anglipe. Okola so osetinena o takati taro Devleskoro mangjipe na phučena ko savo čhani so pozala teresa bi šaj te xošanel (zadovoli) e Devleskere rodipa; von ni mangela emtelune merila, tuku isiolen cilj te oven ki sovršeno harmonija e voljasa ple Kinavtaresko (otkupitel). E čačikane mangjipaja odola kurbanja dena bašo sa thaj sikavena interesi so si ko jekh hango e ciljakoro molipaja kaj so džana. O pindžaripa e Hristosko bizo asavko hor mangjipe si čučo sikavibe, šuko formalizmo, pharo phanlipe. Gndinena li deka te predinepe e Hristoske si but baro kur-bani? Phučentumen korkori tumende: "So dingja o Hristos mange? E Devleskoro čhavo dingja sa - o džvdipe, o kamipe thaj o trpenie te bi šaj te kinelamen. Šaj li amen, iako nasijam doborka dostojno baši jekh asavko baro mangjipa, te na da oleske amaro vilo? Ko tavidipe amare saste džvdipaskoro, sakova momenti, amen participir- ingjam ko blagoslovija kotar oleskoro jertiripe em odoleske odova si o sebepi so amen našti sa te osetina o horipe e bidžandlipaskoro thaj e čorolipaskoro kolestar vov ikalgjamen. Šaj li amen te dikhale oleste, so si phusavdo bašo amare bezeha, thaj palem te postapina mujal ko ole-

skoro mangjipe thaj kurbanluko? Dikhindoj o biagorutno ponižibe e bare Devle, dali ka prigovorina so ko savahutno dživdipe šaj te khuva numa maribaja thaj ponižibaja?

But bare vile pučhena: "Soske trubul te pišmanisarama angleder te šaj te ovav sigurno kaj o Devel prifatina?" Frdava tumenge dikhibe e Hristoske. Vov sine bi-bezahalo, thaj na numa odova, sine havajakoro knezi; ama bašo manuš, bašo manušikano mileti, "ulo bezeh". "Sine čivdo maškaro bilače manuša te bi legarenale upralo leste o bezeha e bute manušengere thaj te astaripe e bilačne manušencar" (Isaija 53,12). A sostar otkažinajamen amen ked ka da sa? Kotar o ratvalibe e bezehane vilesko so valjani te užarelole o Iusus, te thovljarel ple rateja thaj te ikalelamen ple bare mangjipasa! Em palem o manuša gndina kaj si pareste te otkažinenape kotar o sa! Ladžava te šunav ked kjerelape lafi bašo odova, ladžava te hraminav bašo odova.

O Devel na rodela te otkažinamen khančestar so šaj te ikjera bašo amaro šukaripe. Sa so kjerela, Vov isiole ko dikhibe ple čhavengoro. Sa okolo so na alosarde e Hristo, barem kana šaj te haljovent kaj Vov delalen khanči but baro kotar odova so korkore ola mangena! I embari bibaht e manušeski si te anelpe ple vogeske kana gndil ja kana kjerel buti protiv e Devlesko mangjipe. Nane čakikano lošalipe ko drumo so zabranil Okova so džanel so si emlačho thaj ko mangjel olenge šukaripe ple kjeribnaske. O drumo e pretstaposko si o drumo e čorolipasko thaj e peribasko.

Ki zabluda sijam ako gndinaja kaj o Devel kefeja dikhela o cidipa ple čhavengoro. Sa i havaja trudinipe hem mangela o manuš te ovel bahtalo. Amaro havajakoro Dad

A photograph of a sandy beach with waves crashing on the left. A series of footprints leads from the water towards the foreground. A large, teal-colored number '55' is superimposed over the center of the image, partially covering the footprints and the sand.

55

56

nijekh plo kheripa na frdolale kotar o lošipe. E Devleske-re propisija rodena amendar te na muka te kjerence okola mangjinja so anena bilačhipa thaj dukhavipe, so bi phandena o udara tari baht thaj tari havajakiri. O Kinavutno e sumanlesko prifatini e manušen asavke sar so si, sa olen-gere felerencar, manencar thaj kišlibasencar; em vov na numa so ka očistinen kotar o bezehaluko thaj so ka kinenolen ple rateja, tuku em ka zadovolini olengoro mangjipe e vilengoro e sa manušengoro so ko primini oleskoro jareremi thaj so ka legaren oleskoro pharipe. Oleskiri name-ra si te delamen mangjipe thaj ačhalipe (odmor) sa okolenge so avena kori leste te roden o maro e dživdipaskoro. Vov rodela amendar te kjera numa okola bukja so amare ađamija ka legarenamen dži ko upre ko gudle thana kote so okola so nane te khanden našti te aven ko odola thana. Čačikano lošalo dživdipe e ruhesko postoini kana oleste ka avel o Hristos o umuti tari slava.

But džene phučena: "Kana šaj me te predainama e Hristoske?" Tumen mangjena te predainentumen leske, ama nanetumen moralno takatija, robinena e bipakjapske thaj phangle sijen e navikencar kotar tumaro bezehalo dživdipe. Tumare dendelafija (vetuvanja) thaj tumare činaviba pripinena ko kule kotar o pesko. Na sijen ko hali (situacija) te vastaren tumare gndencar, tumare manginencar, tumare emocijencar. I gnd kaj so phagljen tumare dendolafiba thaj thaj izneveringjen tumare dinde lafija oslabini tumaro pakjape ko sopstveno pakjivalipe thaj anelamen ki gnd kaj o Devel našti te priminelamen; ama ni trubul te pera pišmani. Tumen valjani te osetinen ko-

zom si baro o takati e voljakoro. Odova si takati so thagarini e manušibaskere naturaja, o takatipa so činavela ja palem alosarel. Sa adhinela (zavisi) kotar o čačikani kjeriba e voljakoro. O Devel dingja e manušeske thagaripe te alosarel thaj olestar adhinela dali ka sajginelpe oleja. Tumen našti te paruven tumaro vilo, tumen našti korkore tumendar te posvetinentumen e Devleske, e vileskere emocijenge; ama šaj te činavdentumen, šaj te alosaren te khanden oleske! Šaj te den oleske tumari volja; tegani Vov ka funkcioniri tumencar thaj ka kjerel tumende mangjipe te kheren okova so si oleske šukar. Odoleja tumari natura ka ovel teli komanda e Hristoskere Ruheske; Vov ka avol centari baši sa tumare emocije, tumare gnda ka oven ki harmonija oleja.

O mangjipe ko pošukaripe thaj ko suntipe (svetost) si lače korkori pesa; ama ačhilen samo olende, ola nane te oven tumenge kotar nisavo interesi. But džene ka oven našavde iako mangjena te oven hristijanija. Ola na dore-sle džiodori ple voljaja te teljarenola e Devleske. Odoleske akana na činavena te kjergjovent hristijanija.

Ako čačikaneste koristinena tumari volja, šaj te kjergjol kompletno promena ko tumaro dživdipe. Ako i volja i poodori teljarajala e Hristoske, tumen ka amalinkertumen e takatesa so bešela upralo sa o šerutnalipa thaj thagaripa. Ka ovoltumen ko raspolaganje o takati upral kova ka lokjareltumenge te oven postojana, thaj verno i predajno sajgiba e Devleske, kadirlije te dživdinen nevo dživdipe, dživdipe veraja.

I VERA THAJ O ASTARIPE



Kana o Sunto Ruhi ka džangavel tumari gnd, ka dikhen kothor taro o daravipe e bezehesko, kotor kotar oleskoro takati, kotor oleskoro čemeri thaj jado thaj ka len te daran olesar. Ka haljoven kaj o bezeha ulavgjatumen kotor o o Devel, deka sijen ko thagaripe e bilačesko. Kozom pobut ka marentumen te crden tumen, sa majbut ka dikhen tumaro bizoralipe. Tumare pobude si bange, a tumaro vilo si melalo. Ka dikhen kaj o dživdipe sine tumenge pherdo korkoripnjasa thaj bezehalipasa. Ka mangen te oven oprostime tumare bezeha, te oven očistime hem oslobodime. I harmonija e Devleja te ova slična oleja – so bi šaj te keren te resljaren odova?

Tumengje valjani sab'ri, bimaripe- devlikano jertipe (prostuvanje), sansari (mir), thaj mangjipe ko vilo. Odova našti te kinelpelovencar, te resljarelpelgndaja, gogjaja, našti te ovel tumen umuti (nadež) kaj bilo kana ka aven ko tumaro takati. O Devel odova delale tumenge sar bakšiši "bizo love thaj bizo plata" (Isaija 55,1). Sa odova si tumaro numa ako den tumaro vast thaj ako lenole. O Devel mothovel: "Ako tumare bezeha si but kale, ka oven parne sar o iv, a ako si lole sar purpi, ka oven sar pošom" (Isaija 1,18). "Ka davtumen nevo vilo thaj nevo ruhi ka phudav tumenge ko muj" (Ezekil 36,26).

Tumen pindžarden o bezeha thaj ko tumare vile činavden te frdenolen. Činavden te predaintumen e

Devleske. Džan akana kori leste, molinentumen te thovel tumare bezeha thaj te dohtumen nevo vilo. Tegani pakhaven kaj Vov ka kerol odova soske agjaar činavgja. Odova si sikljovipe so propovedingja o Isus ked sine ki phuv; amen mora te pakjava kaj čače primingjam o bakšiši so dingja lafi o Devel i tegani vov si amaro. O Isus sastargja e manušen kotar olengere nasvaliba kana phakjana sine ko oleskoro takati; pomožini sine lenge ko okova so šaj te dikhen te bi potikninela len sine te phakjan oleske thaj ko odova so našti te dikhen – sikavelalen sine te phakjan ko oleskoro takati te oprostini o bezeha.

Vov odova pravdeste vakjergja kana sastargja jeke manuše so paralizimo. ”ama, te džanen kaj o Čhavo manuškano isiole vlast ki phuv te jertisarel o bezeha. Palo odova vakjergja e paralizimeske: Ušti, le ti postela thaj dža tuke kjere: (Matej 9,6). Vakjerindoj baš e Hristoskere čudija, o evangelisti o Jovani isto agjaar vakjeri: ”Akava hramosardilo te bi pakjana kaj o Isus Hristos si e Devlesko Čhavo, thaj pakjoven kaj isitumen đivdipe ko oleskoro anav” (Jovan 20,31).

Kotar o ednostavna biblijakere izveštaja bašo čhani sar o Isus sastari e nasvalen, amen šaj te sikljova khanči bašo odova sar valjani te pakjova ki olesti bašo e bezahongoro jertipe. Te dikha i informacija bašo paralizimo ko amami Vitezda. O čorolo crdardo sine biažutimo (bepomošno); našti sine te phirel trijanduofto berš. Sepak o Isus dija komanda leske: ”Ušti, le ti rogožava thaj džatar tuke”. (Jovan 5,8). O nasvalo šaj te vakjeri: ”Devla ako sastarema, ka šunav sa te lafija so ka vakjere mange!” Ama

na, vov pakjaja ke Hristoskere lafija, pakjaja kaj si več sasterdo thaj lelja te phirel; manglja te džal, thaj phirgja. Postapingja prema o lafija e Hristoskere thaj o Devel dingjaole takati. Thaj sastilo.

Em tumen sar bezahale sijen ki miazutno (slično) halili. Tumen našti te okainen tumare bezeha kotar o anglunipe, našti te paruvun tomaro vilo, našti korkori tumende te kjerem te oven sunte (sveta). Ama o Devel dela lafi kaj sa odova ka kjerel baši tumende prekal o Hristo. Tumen mora te pakjan ko odova pakjape! Mora te mothoven tumare bezeha thaj korkori tumen te predaintumen e Devleske. Mora te mangel te kunandinen oleske. Em čim ka kjerem odova, o Devel ka ispunini po lafi so dingjaole tumengje. Ako pakjana ko dendo lafi – ako pakjana kaj o bezeha si tumengje jertisarde thaj deka sijen uže – o Devel postapini agjaar: tumen sijen sastrade isto agjaar sar so o Hristo dingja takati e paralizime manušeske te džal kana vov pakjisarda kaj si sasterdo. Agja si kana pakjana ko odova. Ma adžikjerem te osetinen kaj sijen sasterde, nego vakjaren: ”Pakjava, odova si agjaar, na odoleske so me agjaar osetinava, nego odoleske so dingja lafi o Devel!”

O Isus vakjeri: ”sa so ka roden ki molitva, pakjan kaj odova primingjen, thaj ka kergjol tumenge” (Marko 11,24). Akale dinde lafeja si phanlo o šarti – te molinamen ko ejkhangipe e Devleskere voljasa, e Devleski volja si te užarelamen kotar o bezeh, te kjerelamen kaderi te dživdina suntalo dživdipe. Agjar em amen šaj te molinamen bašo odola gudle lafija, te pakja kaj priminaolen thaj te blagodarina e Devleske so primingjamolen. Amaro predimstvo

si te ava ko Isus thaj te očistiamen, te beša anglal o Zakoni bizo mana thaj bemka. "Akana nane krisipe (osuda) bašo okola kola so si ko Isus Hristo" (Rimjanite 8,1).

Odoleske nasijen tumare; tumen sijen skupo kinde, Džaindoj kaj nasijen kinde pharavde bukjenar sar o rup i (srebro) ja sar o sumnakaj (zlato)... nego e but skupo Hristoske ratesa sar bidošalo užo bakro" (Petrovo 1,18. 19). Odole ednostavno bukjaja pakjavindoj e Devleske, o Sunto ruhi dingja nevo dživdipe ko tumaro vilo. Tumen bijandilen sar čhavo ke Devleskiri familija thaj Vov čuminolatumen sar so čuminola ple čhave.

Akana kana predaisalilen e Isuseske, ma cidentumen olestar, ma muken ole, nego kotar o dive ko dive vakjerren: "Me sijum e Hristoskoro, me predaindžuma oleske!" Molinen ole te del tumen plo Ruhi thaj te ikeritumen ple milosteja. Thaj sar uljen oleskoro čhavo, predaindoj korkori tumen e Devleske thaj pakjavindoj kori leste, agjaar trubul te dživdinen ki leste. O Apostoli vakjeri: "Sar so primingjen o Devle Isus Hristo, agjaar thaj te dživdinen ki olest!" (Kološanite 2,6).

Vakjeripe kaj neko gndinena so mora te oven čhivde ki proverka, deka mora te mothoven e Devleske, deka paruvialile anleder te šaj te roden olestar blagoslovija. Ama ola panda akana šaj te roden e Devleskere blagoslovija. Olenge trubul lesko milost, e Hristosko Ruhi, te pomožini olenge ko olengere slabostija, ja palem mujal (protiv) odova našti te den zori mujal o bilačhipe. E Isuseske si milo te ava kori olest baš asavke sar sijam, bezehale, bitakatlje, zavisna. Šaj te ava sa amare slabostencar, amare dili-



63

paja, so amaro grešnost thaj pišmanlukoja te pera anglal leskere pire. Oleskiri slava e te lelamen ki angali ko plo mangjipe, te phandel amare puknja, te užrelamen kotar bilo savo melalipe. Em baš akate milja džene hohavgjona: ni pakjana kaj o Isus jertisarel lenge, korkori sakoneske. Ola na ikerenape ke Devleskoro lafi. Anglipe bašo savore so ispolninena sa o šartija si te džanen kaj jertisaripe si bašo olengere bezeha. Frden tumendar i sumnja kaj e Devleskere dende lafija na odnesinenape tumengje! Von si upatime svakone prestapnikoske kova so perela pišmani. O Hristos dela takati thaj manušvalipe so o melekija legarena odova ko sakova ruhi kova so phakjala. Khoni nane doborom bezehalo te na bi šaj te arakel takati, o užipe thaj o čačipe ko Hristo kova so mulo baši oleste. Vov adžikeri te huljari o melale thaj pharavde bezahesa thaj te uravenole ko parne šeja bašo čačipa; Vov akharel te traisarel, a na te merel.

O Devel na postapini agjaar sar so postapinena o mule manuša jekh avereste. Oleskere gndinja si gndinja bašo manušvalipe, bašo mangjipe. Vov vakjeri: "O došalo neka mukel po drumo thaj ple džungale bukja. Neka irilpe ko Devel, kova so ka manušvalikerelole, thaj ko amaro Devel, soske vov jertisarel: "Sar i mugla tumare došalipa pal dijem thaj tumare bezeha sar o oblako" (Isaija 55,7, 44,22).

"Nane mangje mango o meripe okova so merela, vakjeri o Devel, obratinenpe thaj dživdinen" (Ezekil 18,32). O beng si agorduthno te irini tumaro dikhipe kotar e Devleskere gudle dende lafija. Vov mangela te lel kotar o manuš sakoja iskra taro umuti thaj sakoja strafin (zrak)

e rošaskiri, ama tumen na tromana te muken odova te kjerel. Ma šune ole tuku vakjeren: "O Isusi mulo me te šaj traisarav. Vov čumidelma thaj mangelama thaj ni mangel me te preperav. Isiman havajakoro dad kova so sočuvstvini mancar, em ako me zloupotrebingjum ole-skoro kamipe, ako rumingjum o gudle lafija kolencar tovljargjama, ka uštav thaj ka džav ko mo dad, em ka vakjerav: "Dade, bezeha kjergjum e Devleske thaj tuke; na sijum više dostojno te vakjeravama kaj sijum to čhavo. Priminman sar jekh kotar tire kandine. "I komparacija vakjeri ko savo čhani o našavdo ka ovel primimo: "Em ked sine panda dur, o dad oleskoro dikljaole thaj pelo leske phare, pa prastandilo kori leste, frdingjape leske ki men thaj čumingjaole" (Luka 15, 18-20).

Maškaroodova, čak akaja komparacija, iako si trogatelno, na šajdingja te sikavi o bare emocije so isiole e havajakoro dad. O Devel sikavel prekal plo azreti: "Čuminavatu bare kamipaja thaj odoleske sikavatuke miro manušvalipe" (Eremija 31,3). Džikana o došalo si panda dur kotar o kher e dadesko thaj phagela po barvalipe ki vavereski phuv, o vilo e Dadesko tabljola oleske; thaj sakova džungavdo mangjipe e ruhesko te irinelpo ko Devel nane khanči tuku jekh Devlikano ruhesko akharipe kova ala sovli, thaj molile, phukavela e našavde te irinipe ko vilo e dadeske so si pherdo mangipaja.

Džanindoj bašo akala barvale biblijakere dende lafija, šaj li panda te napakja? Šaj li tumen te phakjan kaj o Devel bi odbini sine e došale kova so mangjela te irinipe oleske, so mangjela te frdol pestar o doša thaj teljarindoj

te perel anglal oleskere pire? Frden tumendar o asavke gn-da! Khanči našti te ovel zijani tumare ruheske ko asavko vagjipe sar o pakjaipe bašo tumar havajakoro Dad. Vov ni mangjel o bezeha, ama mangela e došale i dingja pe-ste ko muj e Hristoske da bi te šaj sa okola so mangjena te oven ikaldine thaj te kjerem peske lačiphe ko gudlo thagaripe e slavako. Save pozorale ja potenutne (ponežna) lafi-ja šaj te arakhenpe kotar okola kola so alosargjaolen. Vov te sikavel plo mangjipe prema amende? Vov vakjeri: "Šaj li i džuvli te bistrrel ple čhavore so delale čuči, te na ove-lala emocije prema o čhavo ko olakoro vogji? Ako nesa-vi em bistergjaole, me tute nane te bistrav" (Isaija 49,15).

Vazden tumaro dikhibe, tumen kola so sumnine-na em kola so tinanetumen, soske o Isusi dživdinela te bi ažutirilamen. Blagodarinen e Devleske so dingja amen-ge ple gudle Čhave thaj molinen tumen baš oleskoro me-ripe te na bi ovela tumengje badijava. O Ruhi vikinelatumen avdive. Aven saste vilesa ko Isusi thaj roden olestar gudle alava.

Kana drabarena o dende lafija, te ovel tumen ki go-di kaj ola si vakjeriba kotar oleskore bivakjerde mangjiba thaj manušvalipe. O baro vilo bašo biagorutno mangjipe osetinena bizoagorutno sožalibe prema o došalo. "Isia-men kindipa prekal oleskoro rat, jertipe e bezehenge" (Efescite 1,7). Oja, pakjaven zoraleste kaj o Devel si tu-maro ažutarno (pomošniko). Vov mangjela te nevjakja-rol ko manuš plo moralno liko. Ked ka pristapin oles-ke mothovipaja thaj teljaribnaja, Vov ka avel tumende manušvanipaja thaj jertibasa.

ČAČIKANE HRISTOSKE AVUTNEMANUŠA



“Em agjaar, ako nekova si andre ko Hristo, vov si nevo keripno; o phurano naklja em agjaar, sa nevo ovela” (Korinkjanite 5,17).

O manuš šaj našti te vakjeri o čačikano vakti ja o than ked vov iringjape, ja palem te vakjeri o sa trujalipa kote so ulo o rodaripa, ama odova panda na mothovi kaj vov nane irimo. O Hristos vakjergja e Nikodimeske; ”I balval phudela kote so mangela. Šunea li oleskoro šumi, a na džaneja kotar avela em kote džala. Agjaar si sakova so si bijamo kotar o Ruhi” (Jovan 3,8). Sar i bidikli balval, koja so but šukar dikhelape olakoro pudipha, thaj but lače osetinipe, agjar em e Devleskoro Ruhi kerela buti upralo amaro vilo. Odova bijandikano takati, so nijek manušikani jakh našti te dikhelola, kjerela nevo dživdipa ko vogi, kjerela nevo keripe prema e Devleskiri sima (liko). Iako i buti e Ruheskiri našunelape thaj na dikhelape, o posledice si dikhovne. Ako o vilo si bijando e Devleskere Ruheja o dživdipe ka mothovel odova. Iako amen khanči našti te kjera te bi paruvina o vilo, ja palem te kjera jekh harmonija e Devleja, em ako na tromaja te ikjergjova upral amende ja palem upral amare šukar bukja, amaro dživdipe ka sikavi dali e Devleskoro manušvalipe dživdini amende. Ka dikhelpe promena ko karakteri, ko adetija, thaj ko mangjipa. Ka dikhelpe jasno razlika maškaro okova so ola sine

anglal thaj okova so si akana. O karakteri na pučarelpe e čipotale šukare thaj bilače bukenca, tuku e mangjipa so sikavenape ko lafija thaj ko keripa.

Čačipe si kaj nekova šaj biagorutnipaja te legaripe em bizo Hristoskiri bijandikano takati. O mangjipe baši influenza ko amalipe thaj bašo respektiripe kotar i rig e averengi šaj nesave te anen te dživdini lačo dživdipa. O korkoro respektiripa šaj te anelamen formalno kotar o bilačipa. Hem o sebično vilo šaj te kerel bare bukja. Tegani, ko savo čhani šaj te zorarkjera ki savi rig sijam?

Kaske preperela amaro vilo? Kaske si posvetime amare gndinja? Baši soske mangaja te kera lafi? Kaske daja amare emtate emocije ja amare emlače takatija. Ako sijam e Hristoskere, tegani em amare gndinja si oleja, emgudlo si amenge te gndisara baši oleste. Amen mangaja te legara oleskiri sima (lice), te dišina oleskere ruheja, te kera oleskoro kjefi, te kera sa sar valjani. Okola so ovena neve bijande dživutre ko Isus Hristos ka anen em reslina e Ruheskere: "Mangjipe, lošalipe, sansari, barobirvipe, šukaripe, lačipe, pakjivalipe, birvipe, ikjaripe" (Galatite 5,22.23). Von nane više te legarenpe sar poangle, nego e phakjapeja prema e Devleskoro Čhavo ka džan palo oleskere pire, ka šarlainen oleskoro karakteri, ka užarelpe sar em Vov so si užo. Okova so nekana na mangelale sine, akana mangelale, a okova so nekana mangelale sine, akana na mangelale. E barikane oven krotka thaj teljardikane vileja. E suetno thaj e džungale ovena seriozno thaj bibarikano. O matušija ovena nerne, a okola so kjerena kaj but džanena ovena čista. O bizoobzirno adetija thaj i moda ko sumnal

ovena tang ki rig. O Hristijanija nane te mangen avrijal te oven lačarde but, nego ki "garavdikani sima e vileski, prema o bipheravdi puli (ukras) e krotko ruhesko, so si kotar o baro vrednost anglal o Devel" (1. Petrovo,3,3. 4). Nane nisavo mothodipe deka o pišmanluko si čačikano ako anelamen ko paruvipe. Ako o došalo nevjarkeri pli sovli (zavet), ako irini okova so čorgja, ako mothovel o bezeha thaj ako lel te mangel e Devle thaj leskere pašutne tegani šaj te ova sigurno kaj nakla kotar o meribe ko dživdipe.

Ako sar zabludime thaj bezehale dživutre, avaja ko Hristo thaj ako primisara jertipe thaj manušvalipe, ko amaro vilo bijangovela mangjipe. Sakova pharipe lokho si amengje, soske loko si o jaremi so nudinile amengje o Hristos. O udžilipe ovela lačhipe, a o kurbani lačipe. O drom so poangle dikhovela sine amengje phanlo e tunjarikosa, akana si rošaimo e Khameskere strefinencar e čačibaske.

O manušvalipe e Hristoskoro karakteresko ka dikhelpe thaj ko oleskere avutnemanuša. Oleske pherdilo o vogi oleskoro, te kjerel e Devleskiri volja. O mangjipe prema o Devel, thaj oleskiri slava – sine baro takati so vastakjerela sine e dživdipaja e amare Ikaldinesko. O mangjipe šuzjakjerela thaj gudljarela sa oleskre keripa. O mangjipe si kotar o Devel. Odova našti te garavelpe, našti te ovel ko biposvetimo vilo. Odova arakelape numa ko vile kote so thagarini o Isus. "Amen mangaja olesste, soske emangle Vov sikavgja mangipe prema amende" (1. Jovanovo 4,19). Ko vilo so si phačardo e devlikane manušvalipaja, mangjipaja vakjeri sar te ponašinamen. Odova paruvel o karakteri, kreirinela e pobudencar, tha-



72

garel e mangjipencar, frdela o bilačipa, šužakjerela o emocije. Akava mangjipe, ako arakhelape ko vilo, šužakerela o džuvdipe thaj buvljari gudli influencija ko sa o thana trujali amende.

Isi duj hohadipe (zabluda) kolendar so o Devlikane čhave – majbut (osobeno) okola so akana lelje te ikjerenpe ko oleskoro manušvalipa – posebno mora te arakhenpe. I avgo baši soske kerelape lafi, si o hohaipe kaj amare bukja šaj te anenamen ki harmonija e Devleja. Okova so lel te ovel sunto kerindoj šukar bukja, ikerindoj ko Krisi, lela te kjerel khanči so našti te kerelpe. Sa so šaj o manuš te kjerel bizo Hristo si melalipe e thruvojakhalesa thaj e bezehesa. Numa e Hristosko manušvalipe ažutindoj e phakibaska, šaj te kerelamen sunto.

O dujto, si o hohaipe kaj o phakjape ko Hristo oslobodini e manuše kotar o ikjeripe e Krisesko (Zakoni), so se, prema akava hohaipe, e phakjaibasa laja e Hristosko manušvalipe thaj amare bukja naeolen nisavi influencija upralo amaro ikaldipe. Maškarodova, te frda jekh dikhiba upralo fakti deka o gogjaveripe nane numa formalno teljaripe, nego kandibe kotar o mangjipe. E Devleskoro krisi si dikhibe tari oleskiri čačikani natura; vov si slika taro baro mangipaskoro principi, thaj temeli kotar oleskoro thagaripe em upre ki havaja em ki phuv. Ajo amare vile si paruvme, ako amen mangaja e Devleskoro muj thaj ako o devlikano mangjipe si sadimo ko amaro ruhi, nae li tegani e Devleskoro krisi te kergjol ko amaro dživdipa? Ako o mangjipe si sadimo ko vilo, ako e manuše bijando thaj miazutno ko okova so kergjale, tegani si ispolni-

mo thaj o nevozavetesko pakjape: "Ka phandav mle kri-sija ko oelngere vile thaj ka hramonavolen ki olengiri go-di" (Evreite 10,16). A ako si o Krisi hramordo ko vilo za-rem vov nane te kerel sar te ovel o dživdipe? O šuniba - thaj o khandipe thaj o mangipe si čačikano signali deka sijam leskere sikljovutneučenci. Agjaar vakjeri em o Lil: "Akava si Devleskoro mangjipe: te kera oleskere koman-de" "Okova so avkeri "džanavale" a na ikjeripe ko oleskere komande, hohavno si trgsno o čačipe nane korileste" (1. Jovanovo 5,3; 2,4). Ko than te oslobodiamen kotar o na-kandipe, baš o pakjape thaj numa o pakjape kerelamen participantija ke Hristeskoro manušvalipe, so kerelamen takatlije te ova kandutne.

Amen na zaslužinaja o ikaldipe amare kandutnipaja, sose o ikalipe si e Devlesko bakšiši bizo iriba, bakšiši so na primini o pakjape. Maškarodova, o kandutnipe si reslin e pakjapasko. "Em džanena kaj Vov javisalilo te frdel o be-zeha, a kori leste nane doš. Nije kova so ačhovel ki leste, na došarela. Nijek kova došarel, na diklja oleste, pa nitu em pengjargja" (1. Jovanovo 3,5. 6). Ake čačunikano mothovipe: Ako sijam ko Hristo, ako e Devleskoro mangjipa si amende, amare emocije, amare gnda, amare namere, amare keripne, ka oven ki harmoniaj e Devleskere volja-ja so si vakjerdi ko lila ko nevo sumnal Krisi. "Čhavalen, khonik te na hohaveltumen. Ko kerela čačipe, čačipnalo si agjar sar sos i em vov čačikano" (1. Jovanovo 3,7). O čačipnalipe si vakerdo ko vagjipe e Devleskere sumnale-sa Krisi so si ikaldo ko deš čačipa dende ko Sinaj. Okoja agjaarvakjerdo phakjape ko Hristo, vakjeri deka oslobo-

dini e manuše kotar undžilipe (obvrška) te ovel e Devleske kandutno (kandutno), nane pakjape nego biladžavnipe (drskost). "Sose e gudlipasa sijen ikalde, prekal e pakjapeja. Maškarodova, "o pakjape ako nanele delja, muli si korkori pestar" (Efescite 2,8; Jakov 2,17). Angleder te avel ki phuv, o Isus vakjergja peske: "I Volja tiri mangava te keravola, Devla thaj o Krisi tlo me hor ko mo vilo legarav" (Psalm 40,8). A uzal odova, angleder te džal upre ki havaja vakjergja: "Me ikjergjum o komande munre Dadeskere em ačhovav ko leskoro mangjipe" (Jovan 15,10). O lil vakjeri: "Palo odova džanaja deka pendžaraole, ako kjeraja oleskere komande... Okova so vakjeri deka ačhovela kori leste, trubul te dživdini sar so dživdini sine Vov" (1. Jovanovo 2,3.6). "Sose em o Hristo cidela sine baši tumende thaj ačhavgja tumenge misal thaj tumen te džan palo leskere pire" (1. Petrovo 2,21).

O šarti bašo biagorutno dživdipe em avdive si asavko sar so sine savahtane- sar so sine ko raj angleder te perel amare prabijandutne – baro kandunutnipe prema o Devlesko krisi, baro čačipe. Kana o biagorutno dživdipe bi šaj te resaole telo bilo savo šarti, numa telo akava, bi ovela sine ando dži ko phučipe o zianornipe (opasnost) i baxt (srekja) ki sa i vasiona. E bezeheske, oleskere pridružbaja kotar o bibahtalipe thaj o čorolipe, bikereloleske šansa te ovel bimerutno.

E khandutnipaja prema e Devlesko krisi angleder te perel, o Adam šaj sine te kjerel sine čačikano karakteri. Ama vov na uspia te kjerel odova, thaj bašo odova bezeha thaj amari natura uli došali em amen na sijam ko hali

korkoriamende te kjeramen pravedna. Odoleske so sijam došale, na suntale, amen našti te ova sovršena kandutne, prema e Devleskoro Kriši. Amende naneamen nesav amaro čačipe koleja bi šaj te phera o rodipa taro Devlikano kriši. Maškarodova o Hristos dengjamen činavdipe e problemeskoro. Vov dživdini sine ki phuv kote so sineole but pharipa kolencar em amen avdive arakjovajamen. Dživdingja bibezahalo dživdipe. Mulo baši amengje thaj akana nudinipe amengje te lel amendar amare doša, a amengje te del plo čačipe. Ako predainajamen leske thaj ako prifatinajale sar amaro Ikaldino, tegani bizo dikhibe taro tumaro anglutno došalipe, baši leste ka oven liparde sar čačikane. Tumaro karakteri ka ovel zamenimo e Hristeskere karaktereja thaj tumen ka oven prifatime anglal o Devel sar tepene nikana na kergjen došalipe.

Thaj pobut kotar odova, o Hristos paruvingja plo vilo. Vov pakjapea dživdingja ko tumaro vilo. Pakjapea tha teljarindoj tumare voljasa ko Hristo, tumen valjani te ikeren akava phandipe olea; thaj sa džikana ka kjerem agjaar, Vov ka kjerel buti tumencar thaj ka jertinel tumengje te dživdinen prema oleskiri volja. Tegani šaj te vakjere: "A o dživdipe so akana dživdina ko trupi, dživdinava prekal o phakjape ke Devleskoro Čhavo kova so mangelama thaj predaisalilo peste baši mande" (Galatite 2,20). Agjaar o Isus vakjergja ple siklovutnenge: "Soske na sijen tumen kola so kjerena lafi, nego o Ruhi tumare Dadeskoro so kerela lafi tumencar" (Matej 10,20). Thaj tegani ked o Hristos kerela buti tumencar, tumen ka sikaven jekhano (isto) ruhi thaj ka kjerem jekhane bukja - bukja čačibnaskere,

bašo khandutnipe (poslušnost). Prema odova, amende naneamen ki amende khači soja te falimen. Naneamen nisa-vo sebepi korkore amende te vazdamen. Jekhutno fundo (temeli) kote so pašlola amari elpin si e Hristosko čačipe so si amnege dendo thaj okova solea kerela oleskoro Ruhi ki amende thaj preko amende.

Kana keraja lafi bašo pjakjape, mora te ovelamen ki godi deka valjani te kera ververipe (razlika). Isi jek vidi phakjape so ververinipe kotar o phakiape. Deko isi Devel thaj oleskoro takati, čačipe thaj oleskoro Lafi, sa odola si faktija so ni o beng ni oleskere askerja šaj seriozno te pobinen. I Biblija vakjeri kaj o: “bengada phakjana thaj tinnanena”, ama odova nane pakjipe. Odori kaj so isi na numa pakjape ke Devlesko lafi, nego em astariba ki olsekiri volja, kote so o vilo teljargja oleske, kote so o emocije si dinde oleske, odote isi pakiape – pakiape so kjerela buti upralo mangjipe thaj užarel o ruhi. Odolea odova pakiape preoformirinelape thaj isila Devleskiri sima. A o vilo, savo so ple nabijande situacijaja na teljardilo e Devleskere kriseske, a em naštisine te ovol odova, akana dživdini ko olsekoro sunte hramoriba riknindoj barabar e psalmisteja: ”O Tlo Krisi bivagano but mangavole thaj po sasto dive baši oleste gndinava” (Psalm 119,97). O čačipnalipe e Kriseskoro realizirinipe amende ”ko na dživdinaja prema o trupj, nego prema o Ruhi” (Rimjanite 8,1).

Isi em asavke so pengjargje e Hristosko mangjipe so jertisarel, a kola so čače mangjena te oven Devleskere čhave, a si gndale bašo o namištalipe (nesovršenstvo) ple karakteresko, bašo došalipe ple dživdipasko, thaj odoles-

ke si resale te sungana (sumninena) ko odova kaj o Sunto Ruhi čače bijankergja olengoro vilo. Olenge bi vakjerela: Ma cidentumen leindoj ko nirašipe (očaj)! Amen but fari mora te pera anglal e Isuseskere pire thaj te rova baši amare felerja thaj došalipe, ama na valjani te dara. Čak ako o dušmani peravelamen, o Devel na frdelamen, na bistrelamen thaj na odbinelamen! Na! O Hristos arakipes amengje ki čače rigako Devlesko vast thaj vov gndini amengje. O manglo sikljovutno o Jovani vakjeri: "Aka va hramosarav te na kjeran došalipe; a ako nekova kjerela doš, isiamen pretstavniko ko Dad, o čačikano Isus Hristos" (Jovanovo 2,1). Ma bistren e Hristoskere lafija: "Soske o korkore Dad čuminelatumen" (Jovan 16,27). Vov mangkela te irinitumen korig peste, te dikhel sar oleskoro užipe thaj suntipe reflektirinipe tumende. Thaj ako mangena te teljarentumen oleske, Vov so lejla i šukar buti te kerelola tumenge, ka lundjarel (produžini) sa dži ko dive e Isuse Hristosko. Molinen tumen, oven pakjovne! Kana ka sungan ko amaro takati, te ikeramen ko takati amare Kinavutnesko thaj tegani ka slavina Okole kova si sasti-pe ko amaro vogi.

Kozom pobut avena popaše ko Isus, sa pogrešna dikjoven ko tumare jakja, o dikhipe tumaro ka ovel polačo thaj ka dikhen jekh ververipe maškar tumaro namištalipe thaj oleskiri bari natura. Odova ka ovel mothovdipe deka o hohaibe e bengeskoro našavgje plo takati em deka ki tumende kerela buti Devleskoro Ruhi kova so dela tumen đivdipe.

Nisavi hor darhinalo (vkorenimo) mangjipe prema o Isus naši te dživdini ko vilo so na sfatingja plo grešnost. O manuš so si promenimo ke Hristosko manušvalipe, ka voshitinipe ko olesko devlikano karakteri; ama ako panda dikhaja amaro moralno bangipe, odova si bidošalo mothodipe kaj amen na dikljam e Hristoskoro šučipe thaj olesko majmištipe (sovršenost).

Kozom pozala ceninaja amde, sa majbut ka molisara o biagorutno užaripe thaj lačhipe amare Ikaldinesko. O dikhibe amare došalipasko paldelamen kotar Okova kova šaj te jertil amengje; thaj kana o manuš, kana ka sfatil tlo biagorutnipe, ka rodel e Hriste. Vov ka sikavgjol ko zuralipe. Kozom pobut i gnd ko amaro bitakatipe paldelamen kori olesti thaj ke Devlesko lafi, ka ovelamen sa pobare dikhiba bašo oleskoro karakteri thaj pobut ka dikha thaj ka sikava oleskiri sima.

BAJROVIPE KO HRISTO



Kana promenilpe amaro vilo, koleja so kergjovaja Devleskere čhavore ki Biblija vikinipe bijandipe. Ko dujto than si komparirimi e rtibaja lače sembosso so ka sadini o kherutno. Prema odova o jekhano thasviri, okola so akana irisalile ko Hristo trubul "sar nevebijande" ko sa te "bajrova" "ko Okova so si šerutno, o Hristos" (1. Petrovo 2,2: Efescite 4,15. Ja palem miazutno ko lačo sembo (seme) so si sadimo ki niva trubul te bajrol thaj te anel reslin. O Isaija vakjere deka von trubun "te vikinpenpe dubora (kašta) e čačipaskere, sadimo bašo Devel, baši slava leskiri" (Isaija 61,3). Em agja kotar o dživdipa e naturakoro leljepe o tasvirja so ažutinena te haljova o garavdune čačipa e ruhikane dživdipasko.

Sa odova džanlipe thaj bižajripe (veštini) e manuškere našti te vdahninen dživdipe čak e najtikoro šej ki natura. Numa e dživdipaja so vdahningja korkori o Devel šaj te dživdini i flora thaj i fauna. Jekhano (isto) agjaar numa e dživdipaja kotar o Devel bijangjovela o ruhikano dživdipe ko vilo e manuško. Ako o manuš naj bijando "upraldan" (Jovan 3,3), našti te dobini kotor ko dživdipe so mangla o Hristos te delole amengje ple bijandipaja.

Miazutno e dživdipaja si em o bajrovipe. O Devel si odova so kjerela i pupka te pravgjol thaj o cuti te del reslin. Oleskere takateja o sembo bajrola, "emavgo o rukho-

noro, palo odova o klasi thaj empalal o klasi pherdo kulinencar (zrnca)” (Marko 4,28). O proroko o Osija vakjeri bašo Izrael deka ka ”pravgjol sar krini, ka bijanel sar giv thaj ka cutini sar moljakiri drakhin” (Osija 14,5.7). O Isus komandingja: ”Dikhen sar bajrovena o krinija” (Luka 12,27). I flora thaj e lulugja na bijangjovena korkori pester, ple galjavasa thaj takateja ja palem zori ja palem galjava, nego priminena okova so hazringja olengje o Devel te bi sajgini lengje divdipaske. O čavo našti sine nisave ple takateja te bajrakjerel po bajrovipe. Akal i tumen našti tumare zoreja taj galjavencar te osigurinen tumaro bajrojba ko duhovnost. O votani (rastenie), o čavo, bajrovena lein doj kotar o trujalipe okova so valjani lenge ko dživdipa - hava (vozduh), khameski roš thaj haibe. Okova so odola bakšišija e naturakere si bašo dživutro thaj bašo votani, odova si o Hristos bašo okola so elpinenape (nadin pe) ki oleste. Vov si olengoro ”savahtuno videlo”, ”o kham thaj o braniko” (Isaija 60,19; Psalm 84,11). Vov ka ovel oleske ”drosin e Izraeleske”, ”drosin so drosinela o livaginja” (Osija 14,5; Psalm 72,6). Vov si dživdo pani, ”Devlesko manro... kova uljela kotar i havaja thaj dela dživdipe e sumnaleske” (Jovan 6, 33).

I bari darba e Devleskere Čhaveski, o Devel trujarkegja o sasto sumnal atmosferaja ko manušvalipe sar e havaja so trujarkjerel trujal e phuvjakiri planeta. Sari ne so činavdinena te dišinen odoja atmosfera so dela dživdipa, ka dživdinen thaj ka bajroven, kori leste ko si o šero: o Hristos”.

O cuti deletinela (go sleduva) e khame, pri so o rošane strafinja pomožinelale keren polačo o šukaripe thaj i

simetrija; agjaar em amen trubul te deletina e Khame ko čačikanipe pri so ka rošarelame e devlesko dudipe (svetlina) thaj tegani amaro karakteri ka zorargjovel prema e Hristoskoro misali.

Jekhane odova vakhergja o Isus kana phengja: "Ačhoven mancar em me kori tumende. Sar drakhorin so našti te bijanel reslin korkori pestar ako ni ačovel ki drakh, agjaar em tumen, ako na ačhoven ki mande... soske bizo mande našti te kheren khanči" (Jovan 15,4.5). Te bi šaj te traisaren suntalo (sveto) dživdipe, tumen adhinena kotar o Hristo sar i drakhorin so adhinela kotar i drakh - bijanduno te bi bajrovela ko manušvalipe thaj ko suntipe. Dživdindoj ki oleste, šaj te džan angle. Leindoj dživdipe olestar, nane te šukjoven em nane te ačhoven bizo reslin. Ka oven miazutne e kašteja so si "sadimo trujar tikni lenori".

But džene gndinena kaj jekh kotor kotar i buti trubul te kerenola korkori. Von sikhavgje pakjavipe ko Hristo te bi jerisarel olenge o bezeha, ama akana von trudinenape ple zoresa te dživdinen čačikane. Maškarodova, sakova asavko zori si čučo, o Isus vakjeri: "Bizo mande nešti te kheren khanči!" Amaro bajrovipe ko manušvalipe, amari loš, amaro interesi - sa odova adhinela kotar amaro jekhippe ko Hristos. Numa tegani ako sakova dive thaj sakova časosijam ko amalipe oleja - jekhuno ako dživdinaja ki oleste- šaj te bajrova ko manušvalipe. Vov nane samo "bijandutno" tuku em "kerutno" ko amaro pakiape (vera). Odova si o Hristos – avgo thaj paluno thaj savahtano. Vom mora te ovel amencar na numa ko anglunipe thaj ko

A close-up photograph of several green wheat stalks, showing the developing grain heads. The stalks are vibrant green and have a slightly blurred background. Overlaid in the center of the image is a large, stylized number '83'. The number is rendered in a dark green color with a blue-to-green gradient, giving it a three-dimensional appearance. The '8' is on the left and the '3' is on the right, both facing right.

83

84

agor kotar amaro drumo, nego thaj ko sakova adumi ko dživdipe. O David vakjeri: "Sadajekh angli mande e Devle dikhava. Vov si mange kotar o lačo vast - nane te teljar-divav" (Psalm 16, 8).

Dali phučena: "Sar valjani te dživdinav ko Hristo"? Ko jekhano čhani sar so primingenole e Devle e Isus Hristos, agjaar thaj te dživdinen ki oleste. "O čačikano ka dživdini kotar o pakiape" (Kološanite 2,6; Evreite 10,38). Tumen sikavdilen e Devleske te oven oleskere, tha te khandenole, te šunenole, thaj prifatingjen e Hristo sar tumaro Ikaldino. Tumen našti sine korkori te toven tumare bezeha ja palem te paruvinen tumaro vilo; ama tumen predajsalilen e Devleske pakjavindoj deka Vov, sebepi o Hristo, kjergja sa odova baši tumenge. Pakiapeja uljen e Hristoskere thaj pakiapeja trubul te bajroven ki oleste – deindoj thaj leindoj. Tumen trubul te den sa - o vilo, i volja, i sajgija – korkori tumen te sikaventumen oleske thaj te oven kandutne (poslušni) ko sa oleskere rodipa; tumen trubul thaj te len sa – e Hristo, o pherdipe taro sa o blagoslovija, te dživdini ko tumaro vilo, te ovel tumaro zori (sila), tumaro čačipe, tumaro savahutno ažutimo – te deltumen zori te oven - kandutne.

Posvetinentumen e Devleske ki detharin (javinate); odova neka ovel tumari avgo buti. Tumari dova neka ovel:" Lema, o Devla; dema sa tlo te ovav! Sa mle planija čhivav anglal tire pire. Kunandinman, labarman, avdive ki tli sajgija. Ov mancar thaj sa mlo delo neka ovel tute! Agjar valjani te ovel sakova dive. Sakoja javin posvetintu e Devleske bašo odova dive. Vakjeren oleske sa tuma-

re planija e ciljeja so oleskoro dikhipe te sikavi dali trubul te realizirinen ja palem te frdenolen. Em agjate, kotar o dive ko dive, tlo dživdipa ka sikavenole ke Devleskere vasta; odoleja tumaro dživdipa ka bijangjovel thaj ka ovel poslično e Hristoskere dživdipaja.

O dživdipa ko Hristosko si dživdipa pherdo mudripaja (spokojstvo). Šaj ki oleste nane te ovel emociengoro zanesipe, ama ka ovel sadajekh, mudripalo pakjape. Tumen na elpinenatumen tumende tuku ko Hristo. Tumaro kišlipse (slabost) si phangli leskere zoresa, tumaro bidžanlipse oleskere džanlipaja, tumari krevkost oleskere ikjeripaja. Em agjaar, ni trubul te dikhe koritute, na valjani te dikhe numa tute, nego dikhen e Hristo. Tumare gnda neka kjerel buti oleskere mangjipaja, e šužipaja em thaj o sovršenstvoto taro oleskoro karakteri. O Hristos ple khorkoreotkažibaja, o Hristos ple teljoribaja. O Hristos ple užaripaja thaj suntoneja, o Hristos ple mangipaja – odoja tema trubul te gndini ko tlo vogi. Mangindoj oleste, phirindoj pali leste, ikjerindoj uprali leste, tumen ka kjerenevipe tumende thaj ka miazunen ki oleste.

O Isus vakjeri: "Oven ki mande!" Odola lafija ikjere-na gnd bašo ačhalipe, bašo sadajekhutnipe, bašo pakjaipe. Thaj palem vov akhare: "Aven ki mande... em me ka davtumen ačhalipe!" (Matej 11,28. 29). O lafija e psalmisteskere vakjere na i jekhutni gnd: "Ov mudripalo thaj ko elpinipe phašljovela oleskoro zor" (Psalm 37,7; Isaija 30,15). Akava ačhalipe na ikergjola kotar nesavo biaktivipe, soske ko akharipe e Ikaldineso o deibe lafi bašo ačhalipe si phanlo e akharibaja baši buti: "Len miro ja-

remi uprali tumende... thaj ka arakhen ačhalipe baše tumare vile” (Matej 11,29). O vilo kova so sa ačhalelape ko Hristo, ka ovel emajseriozno thaj najbukjarno baši leste.

Kana sijam okupirime amencar, amari godi irinipe ko Hristo, kotar o haing e zoresko thaj e dživdipasko. Odoleske o Beng sadajekh kjerela buti amari sama vnimanie) te bi iriniamen kotar o Ikaldino em odolea te phanel o amalipe thaj i konekcija e manušeskiri e Hristoseja. O lačipe e sumnalesko, e galjave, ii bisigurnost thaj o dukhavipe bašo dživdipe, o felerja averengere ja palem tumare personalno felerja thaj mane - odola si šeja kolende vov, ko jekh kotar olende ja palem ko sa barabar, mangela te dromarellen ko tumare gnda. Mate zavedinentumen oleskere hohaiba. But džene, kola so čače si gndale thaj kola so mangjena te dživdinen e Devleja, vov šaj butfar ka vakjeri ola te kjerem buti ple manencar thaj ple kišlibencar em agjaar, ulavindoj olende kotar o Hristo, elpinelape kaj ka reslarel pobeda. Amen na tromaja amen korkori te kjergjova centari a palo odova te galjanel thaj te dara dali ka ova ikalde. Sa odova dujrarela o ruhi kotar i haing amare zoresko. Mukhen o gajjalipe tumare vogeskoro e Devleske thaj te oveltumen pakiape ki oleste. Kjerem lafi thaj gndinen bašo Isus. Tumaro ”me” neka našavgjol kori leste. Frden tumendar sakoja sung (sumnja); frden tumendar tumari dar. Vakjeren e apostol Pavleja: ”A me akhe na dživdinava, O Hristos dživdini ki mande, a o dživdipe so akana dživdinavole ko mo trupi, dživdinavale prekal o pakiape ke Devleskoro čhavo kova so mangelama thaj predaingja peste baši mande” (Galatite 2,20). Ikjerentumen ko Devel. Vov šaj

te arakhi okova so oleske pakjavkjergjen. Ako mukenapes oleske ko vasta, Vov ka ažutinel tumenge ka deltumen takati thaj sa te vidžairen ažutipaja Okolesa so mangeltumen (Rimjanite 8,37).

Ked o Hristos ljelja manušikani natura, vov phanljape e manušencar, mangjipaja, bizo nisavo zori, numa korkori manuš, nikana naj te činavelpes odova phanlipe oleja. O Beng sadajekh ka čhivel tumengje ple mamke te bi navedinelamen te čhinaava amaro phanlipe e Devleja – iradasa (namerno) te ulavelamen kotar o Hristo. Baš odo te valjani te ova džungade, te trudinamen, te molinamen khonik te na sikavelamen te roda aver rajutno; soske odova savahtano adhinela kotar amari volja. Amare jakja savahtane dikhena e Hristo em vov ka sikavi amenge o drumo kaj te dža. Dikhindoj e Isuse, amen sijam sigurne. Khanči našti te cidelamen kotar oleskere vasta. Dikhindoj sadajekhane oleste, ”amen preformirinajamen ki jekhani sima (lik) kotar i slava, agjaar sar so kherela odova e Devleskoro Ruhi” (2. Korinkjanite 3,18).

Baš ko odova čhani e avgo sikljovutne šunena sine e Isuseskere lafija, osetini trebipe baši lestar. Von rodenale sine, araklele thaj gele pali oleste. Sine oleja khere, truckali maesali, ko haing, ki niva. Sine oleja sar o sikljovutne e sikavnea, sakova dive sikavelalen sine gogjaver bukja bašo suntu čači. Dikhena sine sar argatija ko ple rainja te bi phendžarena so i olengiri obligacija. Odola siklovutne sine manuša, ”sine manuš jekhano sar amende” (Jakov 5,17) Em ola trubuna te vastakeren jekhano maribe e bezehasa. Sine olenge važno o jakhano manušvalipe te bi

dživdinena suntu dživdipa. Čak ni o manglo sikljovutno, o Jovani, kova so embut vakjerela bašo odova sar sine amaro Ikaldino, ki natura na sineole odova lačibe ko karakteri. Vov na numa so sine nametlivo thaj trušalo baši patjiv (čest), tuku sine em xoljamo, na trpini sine okolen so prasanale sine. Ama ked pendžardža o karakteri e devleskere čhavesko, ulo svesno baši ple kerde felerja thaj odova džanlipe kergjeole te ovol teljarutno (ponizen). O džandipe thaj o trpiba, o zor thaj o mangjipe, o baripe thaj o krotkiba, so sakova dive dikhela sine ko dživdipe e Devleske Čhaveste, phergjola sine oleskoro vilo voshiteja hem mangjipaja. Kotar o dive ko dive o Hristos sa pobut zamangljale, sa džikana na našavgja korkori pester kotar o dikhipe, pherdo khamipaja prema plo sikavno (učitel). Oleskoro bezehalo, thaj lačno temperamenti, avilo teli influencija e Hristoskere zoreja so preobrazilnela.

I anglalbijandikani influencija e Sunto Ruheski bijankergja oleskoro vilo. O takati e Hristosko mangjipasko kerjakjergja oleskoro karakteri. Odova si sigurno posledice e Hristoskere pašlaribaja. Kana o Hristos dživdini ko vilo e sa i priroda e manuškiri meninelape. E Hristoskoro ruhi, oleskoro mangjipe, kovljargja o vilo, krotkisarda o vogi thaj o gndinja thaj o mangipa vazdingjaolen ko Devel thaj ko del.

Ked o Hristos uštisalilo upre ki havaja, oleskere avutnemanuša (sledbenikija) osetingje kaj Vov sar em pokori si olencar, sar tephene personalno sine odote, pherdo mangjipaja thaj rošalipaja. O Ikaldino, o Isus kova so phirela sine thaj kjerela sine lafi e manušencar, kova so

sine molinelape sine olencar, kova so vakjerela sine lafija tari elpin (nadež) thaj uteha bašo olengere vile, džikana phanda šungjola sine kotar olengere muja o aberi bašo sansari, sine legardo olendar ki havaja, thaj kotar o buluti e melekengoro so trujalisarenale sine šungjola sine ole-skoro hango: "Eke, me sijum tumencar ko sa o divesa dži ko agor e lumijako!" (Matej 28,20). Vov uštisalilo upre ki havaja ki manuškani sima. Von džanena sine Vov so arakjavgjovela anglal e Devlesko prestoli thaj ačhilo olengoro amal thaj Ikaldino, thaj oleskoro mangjipe ačhilo jekhano, Vov em poodori dikhel te ovel jekh e manušeja so patini. Vov vakjeri anglal ko Devel o theripe (zaslugi) oleskere gudle ratesko, sikavgja ple dhukade vasta thaj pire te bi delape godi ko molipe so platingja bašo okola so ikalgjalen. Džanena sine kaj ov urajlo upre ki havaja te kjerel than em deka palem ka avel te lelolen kori peste. Kana kedisalile palo voznesenje, sineolen tato mangjipe ple dove te vakjerenolen ko dad ke Isuseske ko than. Lel kotar o suntalo respekti, telile thaj kerger dova, vakjerindoj: "Sa so ka mangel kotar o dad ko mo anav, ka del-tumen. Džiakana khanči na rodijen ko mlo anav; roden em ka dobinen, tumaro lošipe (radost) te ovel baro" (Jovan 16,23. 24).

O vast e pakiapasko dena sine sa poupre vakjeribaja: "O Isus Hristos, kova so mulo thaj uzal odova palem uštilo thaj ujrandilo upre, kova so bešel ki lači rig e Devleski, gndinela amengje" (Rimjanite 8,34). Ko Ruhinalodive (Duhovden) angja olenge o prisustvo e Utešitelesko, baši so o Hristos vakjergja deka "ka ovav tumencar". Uzal odo-

va, Vov vakjergja: "polače si tumenge me te džav mangje. Soske ako me na džava, o Utešiteli nane te avel tumende, a ko džava mangje, ka bičalavle tumenge". (Jovan 14,17;17,7). Od tegani o Hristos trubula sine te dživdini sadajekh e Ruheja ko vilo ko ple čhave. Olengoro phanlipa oleja akana uli panda popašutni. Vov personalno sine olencar. Olendar sine rošalela roš, mangjipe thaj zor e Hristoski so dživdingja olencar, agjaar so o manuša, dikhindoj olende, voshitalile: "Phengjargjalen deka sine e Isuseja" (Dela 4,13).

Sa so sine o Isusi bašo ple sikljovutne, vov mangjela te ovel em ple čhvenge avdive; Vov ki pli paluni dova trujalimo ple amalencar oleskere sikljovutne vakjergja: Na rodava numa olenge, nego em okolenge kola so preko olen gere lafija ka pakjan ki mande" (Jovan 17,20). O Isusi molinenapes sine amengje thaj rodela sine em amen te ova paše oleja sar so si Vov phanglo pe Dadeja. Savi si odoja relacija? O Ikaldino vakjergja peske: "Devla ko si ki mande, vov kjerela o dejla" (Jovan 5,19; 14,10). Prema odova ako ko amaro vilo dživdini o Hristos, Vov ka pomožini amenge: "Ko potiknini tumen te kere oleskiri volja" (Filipjanite 2,13). Amen ka postapina sar so postapingja Vov thaj ka sikava jekhutno ruhi. Em agjaar, čumindoj oleste thaj dživdindoj ki oleste, "amen trubul te bajrova ko sako Okova kova si o šerutno, o Hristos (Efesjanite 4,15).

AKTIVNO DŽIVDIPE THAJ BUTI



O Devel si haing e dživdipaskoro, e rošipaskiri thaj e lošalipaskiri ki sa i vasiona. Sar e rošaljakere strafinja so ikljovena kotar o kham, sar phanjeski električka so tabljola kotar o dživdo haing, kotar o Devel ikljona gudle lafija upralo sa oleskere dživutre. Thaj ko sao thana kote so isi dživdipa kotar o Kreatoro ko vile e manušengere, Vov ka thavdel upralo vavera vrstija mangjipa thaj blagoslovija.

Amaro Ikaldino arakjel plo lošaripe ko vazdaripe thaj ko kinutnipe e bezahale manušengo. Te bi reslolape odova Vov na gndingja ni plo dživdipe sar but barvalo, tuku pretrpingja trušul, bizo te lagjal. Agjaar em o melekija sadajekhane si ki akcija, kerindoj buti baši baht bašo avera. Ko odova arakjena sine lošalipa. Okova so o trulojakhalo vilo šaj te gndini bašoi ladžavni buti - te kandel okolenge so si čorole thaj ko sakova dikhiba potelune olen dar ko karakteri thaj ko hali - baš odoja si i sajgija bašo bibe zahale melekija. O Ruhi e Hristoskere mangjipasko, so gelo kurbanu bašo o manuša, si o ruhi so pronikningja i havaja thaj kerjakjergja o vilo e devlikane gudlipaskoro. Asavko ruhi ka oven e Hristoskere avutnemanušen, asavki sajgija ka keren ola.

Kana e Hristoskoro mangjipe ka ispolnimo o vilo, odova našti te garavelpe, sar so našti te garavelpe i lači sung (miris). Olakiri sunto deluibe ka osetinenole sarine



94

okola kasaja so ka resen pe. E Hristoskoru ruhi ko vilo si slično si sar haing ki pustina so tavidela te šudrari sa em ko okola kola si ko prago e meribasko thaj te bijangjol volja te pijen kotar o pani e dživdipasko.

O mangjipe prema o Isus ka sikavel amaro mangjipe te kera buti sar so kjergja buti vov. Vov, denga blagoslovija thaj kjergaj buti ko vazdipe e manušengoro. Odoja ka potiknini ko mangjipe thaj ko sočuvstvo prema sa o džanlipa baši so gndini amare havajakoro Dad.

O dživdipe e Ikaldinesko ki Phuv na sine pherdo lačipaja. Vov kjergja but naporja te bi spasinel e našavden manušen. Kotar oleskoro bijandipa pa sa dži ki Golgota, Vov naklja drumo ko samootkažipe, na manglja te ovel muklo kotar o phare dende bukja, kotar o phare phiriba em kotar o phare zorija. Vov vakjergja: "O čhavo manušikano na alo te kanden oleske, nego te kandel thaj te del plo vogi bašo manuša. (Matej 20,28). Odoja sine embaro cilj ko oleskoro dživdipa. Sa o vaver sine poari važna ko odova. Oleskoro haibe thaj piibe sine kerdo Devleskere voljaja te kjerjakerel pli buti. Ki pli buti na bajrakjergja pest, a em na rodingja interes.

Agjaar em okola so primingje e Hristoskoro manušvalipe ka oven resarde te den bilo savo kurbanu te bi šaj em vavera baši kaske Vov mulo, te priminen o devlikano bakšiši. Von ka kjerjen sa so šaj, ple prestojeja ko sumnal, jekhano te kerenole pošukar te ovel. Akava ruhi si čačikani reslin ko čačikano vogi. Kana neko ka avel ko Hristo, ko oleskoro vilo bajrola mangjipe te vakjeri vaverenge sar baro amal isi e Hristose; i ikaldini thaj o po-

svetimo čačipe naši te ačhoven phangle ko oleskoro vilo. Ako sijam uravde ke Hristoskoro čačipe, ako sijam pherde lošalipaja olekere ruhestar kova so dživdini amende, nane te ačhova mirna. Ako tatingjam thaj dikljam deka si lačo o Devel, ka ovelamen so te vakjera. Sar em o Filip, kana araklale amaro Ikaldino, ka vikina em averen kori oleste. Ka trudinamen te sikava olenge e Hristoskoro šukaripe sar em o bidiklo čačipe ko sumnal so ka avel. Ki amende ka tabljoval mangipe te dža ko drumo palo so phirgja o Isus. Andre amende ka ka ovelamen merako thaj vavera da trujali amende ka mangjen te dikhenole: "E Devleskere Bakre kova so lela kori peste o bezeha e sumnaleskere" (Jovan 1,29).

O zori te ova ko gudlipe averencar thaj amengje ka anen gudle lafija. Baš odoleske o Devel dingjamen šansa te participirina ko plani e ikaldibasko. Vov e manušenje osiguringja šukaripe te len kotor kotar e devleskiri natura thaj kotar pli rig te buvljaren e gudlelafija upralo ple paše manuša. Odova si embari čast, embaro lošalipe so šaj o Devel te del e manušenje. Okola so ko akava čhani ovena participantija ki buti e mangipaski, avena ko embaro pašipe ple Kreatoreja. O aberi e evangeliesko thaj i sajgija e kamibaskiri, o Devel šaj te delola e devleskere melekonge. Šaj te kandinel em avere šejencar te bi kerela pli intencija (namera). Ama ko plo biagorutno mangjipe Vov činavgja amen te kjerel ple asistentija (sorabotnici) e Hristoske thaj e melekongere asistentija, te bi šaj lačhipe te kera amenge kotar o gudle alava, ko lošalipe thaj ke

ruhesko ikeripe, thaj lačhipe tekera amenge ko reslina ki odoja nesebično sajgija.

Amen polače ka haljovamen e Hristoja ako isiamen amalipe oleja ko oleskere pharipa (Filipjanite 3,10). Sako-va kurbanu so legaripe bašo šukaripe averengoro, zorjakerela o ruhi e šukaripaskoro ko vilo okoleskoro so dela, sa pobut anelale popaše dži ko Isus, kova” kotar o barvalo ulo čorolo, te bi baravargjovena tumen prekal oleskoro čorolipe” (2. Korinkjanite 8,9). Numa ko odova čhani ako kjeraja i intencija kolaja so amaro Devel kjergjamen, o dživdipe amaro ka ovel blagoslovimo.

Ako džana te kjerjen buti agjaar sar so vakjergja o Hristos ple siklovutnenge, ako dobinena dženen baši olesste, ka čuvstvinen mangjipe kotar i pohorutno duhovno iskustvo, mangjipe thaj te džanen pobut kotar o ruhinalo džandipe thaj ka oven bokhale em trošale bašo čačipe. Tumen ki dova ka borinentumen e Devleja, tumaro pakiape ka zorarkjeren thaj tumen so majbut ka pijen kotar i hang e ikaldipaskoro. O protiviba thaj o bilačiphe kola so ka resarentumen ka paldentumen te roden e Biblija thaj te keren dova. Tumen ka bajroven ko manušvalipe thaj ko phendžaripe e Hristosko thaj ka oveltumen but barvalo iskustvo.

O ruhi tari i nesebično buti baš o bližna dela xoripe, stabilnost thaj Hristosko šužipe e karakteresko, a okoleske so isiole Ruhi anela leske sansari thaj baht. O mangjipa ovena pobare. Nane pobut than bašo pomuknipe thaj thulojakhalipe. Okola so ko akava čhani bajrarena o hristijanska kvalitetija, ka bajroven thaj ka oven zorale ki buti

bašo Devel. Ka oven takatlije bašo jasno ruhinalo dikhibe, ka ovenolen sa pobaro pakiape, ka oven pozorale ko dove. E Devleskoro Ruhi, kjerela buti upralo olengoro ruhi, kerindoj ko vogi suntu harmonija sar iramo lafi (odgovor) e devleskere azbalipaspe (dopir). Okola kola nesebično zoreja ka posvetinenpe bašo šukaripe averengo, plo ikalipe kerenale ko emsigurno čhani. Jekhutno čhani neko te bajrovel kotar o manušvalipe si o bithulojakale te astaripe i buti so dingjala amengje o Hristos- prema o vagjipe amare takatengoro te ažutina thaj te ava gudle amare pašutne manušenge kaske valjani amaro pomoš. O takati stekninipe zumavipaja (vešbibaja); o phiriba si temelno šarti e dživdipasko. O manuša so lena te dživdinen hristijansko dživdipe, pasivno astarena blagoslovija so delalen e Devlesko manušvalipe thaj na kjerena khanči bašo Hristo, sades (ednostavno) lena te dživdinen thaj te xana bizo keribe buti. A ko ruhikano, jakhano sar ko fizičko dživdipe, odova savahtane vastakjerel ki degeneracija thaj peripe. Manuš so na mangela te kjerel buti, vov ka hasarel bilo savi šansa te služinipe olencar. Agjaar em o hristijani, kova so ni vežbil pe takatija so dobingja kotar o Devel, na numa so nane te bajrovel ko Hristo, nego ka našavel o takati so isiole.

E Hrsitoski khangiri so si Devlikani isiola dendi buti (zadača) te ikalel e manušen. Olakiri misija si te sikavi o evangelie ki lumija. Odoja si obvrška sakone hristijanski. Sakova dženo, premal o talentija taj o prilike so isiole, valjani te kjerel o nalog e Ikaldinesko. E Hristosko mangjipe so si amenge pravdo kerelamen dužna prema sarinen-

de so na pendžarena e Hriste. O Devel dingjamen jakha na numa tumende, nego m sa olen. Kana e Hrustoskere avutnemanuša bi avena sine gndale baše ple obligacije, ka ovena sine but milja džene ko bidevlikane phuvja kote so avdive numa jekh dženo propovediniela o evangelie. A sa okola so našti korkore te astarenpe odole bukjaja, isto odoja buti ka kererala ple lovençar, ple vilesa thaj ple dovençar. Numa odova, em ko hristijansko phuvja but po-seriozno bi kerelape e manušengje.

Te bi kereja sine buti bašo Hristo, na valjani amen-ge te dža ko bidevlikane phuvja, ja palem te muka amare dženem kotar amaro kher, ako i buti phandelamen baši oleste. Amen šaj te kjera buti ki rota (ko krugo) amare familijaki, ki khangiri, maškare okola kolencar sijam amala, maškare okola kolencar phandelamen amari buti.

O pobaro kotor kotar o dživdipe ki phuv amaro Ikaldino nakhlale kjerindoj buti birvalikane ki kašteski dukjanava ano Nazaret. O melekija ale odote uzo o Devlikano e dživdipaskoro thaj vov gelo maškare gavutne kola so respektirinenale tha kjergja odori zijareti (čest). Vov pakjivale kerela sine pli misijakiri buti, kana kjerela sine buti sar zanaetčija kana em ke odova vakti sastakerela sine e nasvalen manušen ili palem phirela sine peske ano talasimo Galilejsko devrijal.

O Apostoli vakjeri: "Phraljaljen, sakova neka ačhovel anglal ko Devel ko odova so sine vikindo" (Korinkjanite 7,24). O bukjarno manuš trubul te kjerel ple bukja, te bi ple pakjapeja te proslavini ple Sikavne (učitel). Te si čačikano Hristosko avutnomanuš, tegani pli religija ka čhivelola

ko sa so ke rela thaj e manuŝenge ke pravel e Hristoskoro ruhi. O mehaničari ŝaj te ovel bukjarno pretstavniko okoleske koj kjergja but buti, kerindoj plo dživdikano akharibe maŝkaro galilejsko plainja. Sa okola so vikinenape e Hristoskere anaveja trubun te kjeran agjaar, bašo avera, dikhindoj olengere ŝukar kerde bukja, te oven potiknime te slavinen ple Kreatore thaj Kinutne.

But džene odbinena site te koristinena ple bakŝiŝija ke Hristoskiri sajgija, vakjerindoj deka vavera isiolen but pobut takatija thaj anglipe. But džene lelje te gndinen deka e talentirime manuŝenge si dinde numa ki odredimi, thaj birimi klasa, a vavera si isključime, pa prema odova, nane ni vikime te len than ko naporja nitu ko pursakija (nagrada). Maŝkaroodova, ke Hristoskiri komparacija nane agjar sikavdo. Kana o kherutno akharel e kandine, sakoneske dela oleskiri buti te kjerel.

Mangipaja sa o bukja ŝaj te keraolen "sar e Devleske" (Koloŝanite 3,23). Ako ko vilo arakhelape Devleskoro mangipe, odova ka sikavipe em ko dživdipe. Trujal amende ka buvljara i lači Hristoski atmosfera thaj amare influencaja ka gudljara e vaveren thaj ka ova olenge ko blagoslov). Ma adžikeren ŝukar prilike ja palem bare zoripa te bi lena te kjeran buti bašo Devel. Ma te altumen galjava bašo odova so ka gndinen vavera baši tumende. Ako tumaro sakodivesutno dživdipe si mothodipe bašo užalipe thaj bašo čačipe tumare pakiapeske, ako tumare paŝutne džene si sigurna kaj mangena te oven olenge ko blagoslovija, tumare zori nikana nane te oven bibahtale.

E em skromno thaj o em čorole Isuseske sikljovutne šaj te oven ko blagoslov averenge. Možda nane te oven svesna so kerela lači buti, ama ple bipakjale delujbaja ka kerjakjeren o talasija taro blagoslovija so ka buvlakjerenpe thaj ka horarkerenpe sa dži ko dive ked ola nane te džanen bašo olengere posledice.

Von ni osetin pa em na džanena deka kerena khanči baro. Olendar rodelape te cidljarenpe galjavaja trujar o bahtaripe. Trubul numa te džan angle, kjerindo šukar pli buti so dingjaolen e Devleskoro dikhipe thaj olengoro dživdipa nane te nakhel agjaar bizo khanči. Olengoro vogi ka ovel miazutno e Hristoskjerea; ola si Devleskere asistentija ko akava dživdipe thaj odolea pripreminenape baši pobari buti thaj bahtaripe ko dživdipe so ka avel.

PENDŽARIBA E DEVLE



Butvarutne (mnogubrojni) si o drumija kote so o Devel sikavelape amenge thaj čhanija kote Vov phandelamen peja. I natura sadajekhutne (postojano) obratinipe amare xošenge (setila). O pravdo vilo ka ovel trognato kotar e Devlesko mangjipe thaj slava kola so vakjerena leskere vastengere delja. O emocionalno kan šunela thaj astarela o vakjeripe so dromarel o Devel preko i natura. O zeleno livadinja, o šuže kašta, o pupke thaj o cutija, o buluti so nakhela, o bršin so perela, o lenja so šumolinena, u šužipe e develeskoro sa odova vakjeri amare vileske thaj vikinelamen te pendžarajamen Okoleja so kjergja sa.

Amaro Ikaldino bašo ple šuže thaj barvale pouke lelja misalja kotar i natura. O kašta, o čiriklja, o lulugja ko hajra, o plainja, o devrijala, o lači havaja sar em o nastanja phanle e lafencar bašo čačipe butfar te dajamen go-di ko oleskere pouke, pa čak thaj maškar o galjave kolen-car si pherdo o pharo dživdipe e manušesko.

O Devel bi mangjela oleskere čhave te vilinen thaj te čajloven kotar oleskere bukja, lačipe te kjerem ko lačo šukaripe koleasa so pulisarel (ukrasuva) amaro phuvjano kher. O Devel si manglo e šukaripase, a embut mangela o šukaripe e karakteresko. Vov bi mangela amen te arakha o bidošalipe (nevinost) thaj o sadesutnipe (ednostavnost) - o bišunde karakteristike e lulugengere.

Numa kana ka manga te ašuna, o Devlikane bukja e keripeskoro (sozdavanje) bi pružinena amenge barvale pouke bašo šunipe thaj o poverenje. Kotar o čerenja, kola so ko ple bidikhutne drumija ko than kotar o veko ko veko phirena ko odredeno smerja, pa sa dži ko najtikno atomi – sa ki natura teljovela ki volja ple Kreatoreske. A o Devel sekirinipe sakoneske thaj ikjeri sa so kjergja. Okova so ko plo vast ikjeri o biagorutno than, jakhanutno sekirinipe thaj bašo trubutnipe e tikne graor čiriklako kova so bizo galja giljavela pli jekhanutni gilji. E Devleskoro Dad nežno daini (bdee) uprali sarinende amende - upral o manuša so džana ki pli sakodivesutni phari buti em upral okola so ruginen; upralo okola so rakjate džana ko ačhalipe thaj upral okola so uštena javinate; upral o barvalo, kova so dživdini ki pli palata, thaj upralo čhorolo so kedela ple čhaven trujal pli čoroli mesali. Nane čhordi asvin so o Devel na diklja. Nane asaibe so Vov na diklja.

E, kana bi sa odova bi pakjana, bi ovena crdime kotar o sa bitrubutne galjave! Amaro dživdipe ne bi ovela doborom pherdo phageilutnea sar so si akana, soske sa amare galjave, em tikne em bare, kana ka dalen sine e Devleske ko vasta, kaste so na bi zbuninolale sine sa odola bukja thaj olengoro pharipe. Tegani amen bi lačipekeraja ku ruhesko sansari so butdžene but lungo vakti na osetingeole.

Džikana tumare setila uživinena ko šukaripe e phuvjakoro, gndinen bašo sumnal so ka avel, bašo sumnal so nikana naj te džanel bašo bilači jagori e bezahoski thaj e meribaski, kote so o muj e naturako naj te avol učardo učalinasa e armandimasko. Pokušinen te te gndinen o

kher e ikaldinengo, ama te oveltumen ki godi deka vov ka ovel but poslavno kotar o sa so šaj te naslikinel čak i najkjelutni mangin.

Ko but razna vrste taro Devleskere bakšišija ki natura dikhaja samo emslabo šarlaipe (odblesok) kotar oleskiri slava. Hramomo si: "So i jakh na diklja, so o khan na šungja thaj so ko manuško vilo na avilo, odova o Devel kerjakerela bašo okola so mangelale" (1. Korinkjanite 2,9).

O poeti thaj e naturako džandutno (naučnik) šaj bi but te vakjeren baši i natura, ama o hristijani si okova kova so bare respekteja uživinel ko šukaripe ki akaja planeta, soske pendžarkjerela o bukja ko vasta ple dadeskere, dikhela oleskoro mangipe ko cuti, ko brungi (grmuška) thaj ko kašt. Khonik našti te ocenil o samalipe (značenje) e bregonengo thaj e harengo, e lenjako thaj e devrijalesko, ako ni dikhel sar izrazi e Devlesko mangjipasko prema o manuš.

O Devel vakjeri prekal ple bukja ple dikhibaskere thaj prekal o deluibe ple Ruhesko ko amaro vilo. Kotar o prilike thaj o trujalipa, kotar o paruvipe so sakodive ovena trujal amende, šaj te cida but bare pouke ako amaro vilo si pravdo te haljovelolen. Deletindoj (sledeljki) o bukja e Devleskere dikhibaskere, o psalmisti vakjeri: "I phuv si pherdi Devleskere šukaripaja" (Psalm 33,5). "Koj si gogjaver, ka sikljovel akava, ka hakjari o pakijape e Devleskere mangipasko" (Psalm 107,43).

O Devel vakjeri ko plo Lafi. Ko odova Lafi sijame but dušles (najjasno) sikavipe oleskere karakteresko, ko oleskoro postapibe e manušencar thaj e bare bučakoro bašo kinipe. Ki olate angli amende thavdela i istorija e patri-



105

106

jarsengiri thaj e prorokongiri thaj e vavere suntale (sve-ta) manuša kotar o phurano vakti. Odola sine manuša ”podložime ko kišlipe (slabostija) sar em amen” (Jakov 5,17). Amen dikhajalen sar marenape jekhanutne obeshrabribaja so lelamen em amende, sar perena ko iskušeniya sar so pereja em amen, thaj palem zorale thaj pobedinena e devleskere manušvalipaja – thaj dikhindoj olende, dobinaja zoralipe ko amare mangjipa ko čačipe. Thaj dži kana drabaraja bašo bare barvale bučakere pendžaripa so sine olenge dende, bašo dikhipe thaj mangjipe hem bašo blagoslovija kolende šaj te uživinen, bašo bukja so kjergjeolen manušvalipaja so sine olenge bakšiši dendi, o ruhi so phudingjaolen thaj ko amare vile tabljarkjerela i jag ke lumijakoro natprevari, mangjipe te ova miazutne olencar ko karakteri – sar em ola te dža e Devleja.

O Isus vakergja ko starozavetna lila – kozom pobut odova odnesinipe e nevozavetna lilengje -”Ola tasvirinena (svedočin) mange”. (Jovan 5,39), bašo Kinutnalo, bašo okova kova si centari sa amare elpinengoro ko savahtuno dživdipe. Oja, sa i Biblija vakjeri bašo Hristo, kotar o avgo izveštaji bašo kjeripe – ”thaj bizo leste na kjerdilo khanči kotar odova so kjerdilo” (Jovan 1,3) – pa sa dži ki agorimi sovli: ”Eke, avava sigende” (Otkrovenie 22,12), amen drabaraja baši oleskere bukja thaj šunaja oleskoro krlo. Ako mangjena te phendžaren e Ikaldine, sikljojen o Sunto lil (Sveto pismo)!

Pheren tumaro vilo e Devleskere lafencar. Odola si dživdo pani so ačhavel thumaro trušalipa kova tabljovel. Ola si dživdo maro kotar i havaja. O Isus objavini: ”Ako

na hana o trupi e čhavesko manuškano thaj na piena ole-skoro rat, nane te oveltumen dživdipe tumende. "Paleo-dova vakjeri: "O lafija so vakergjumolen tumenge si ruhi thaj dživdipe" (Jovan 6,53. 63). Amaro trupi si kerdo oko-lestar so haja thaj pijaja; em sar so si te trupesko dživdipe, agjaar si em o ruhinalo; okova baši so gndinaja thaj phu-dela amenge šukaripe thaj zor ki amari ruhani natura. O kinavutnipa otkupuvanjeta) si tema kote so mangena te khuven em o melekija; olaja ka zaniminenpe thaj olake ka gilaven o kinavutne ko tavidipe e biagore vekonde e sa-vahtipaske. Pa tegani na vredini li baši o late panda akana te gndina samaja (vnimatelno) thaj te sikljovaola? O bia-gorutnipe e Isuseskoro manušvalipasko thaj oleskoro ba-ro mangjipe, o kurbanu so dingja baši amende – sa odo-va akharelamen ko najozbilno thaj ko emlačo gndalipe (razmislivanje).

Bi trubula te zanimisaramen e karakteresa amare gudle Kinavutnalesa thaj Posredikosa. Bi trubula te gn-disara baši misija bašo okova so alo te ikalel (spasuva) ple narodo kotar oleskere došalipa. Thaj dži kana agjaar di-kaja o devlikane teme, amaro pakijape thaj mangjipe zo-rargjovena, a amare dove ovena oleske sa pošuže e Devle-ske, soske olende isi so pobut pakiape thaj mangjipe. Ola ka oven gogjale thaj jagale. Amaro poverenie ko Isus ka ovel sa pozorali thaj sakova dive ka ovelamen dživde bučakere pendžariba oleskere takateja koja "šaj te ikali ko savahtane vekija okolen kola so prekal leste avena ko De-vel" (Evreite 7,25).

Džikana gndinaja bašo majmištipe (sovršenstvo) e Ikaldineske, amen ka manga napolno te preobrazinamen. Amende te obnovilpe leskiri bidošali sima. Amaro vogi ka ovel bokhalo thajtrošalo te ovel miazutno Okolea so mangaole. Kozom pobut amare gnda ka zaniminenpe e Hristoja, sa poput ka vakjera baši oleste e vaverenge thaj ka prezentirina ole ko sumnal. I Biblija nana hramomi numa e teolonge. Mujal odova voj si em e sadane (obični) manušenge. O bare čaćipa si neophodne bašo ikaldinipe, olate si pučarde dušle sar o dive; thaj khoni naj te kjerel doš nitu te phagel o drumo, numa okola so deletinena (sledat) plo personalno gndipe ko than dušli taro jasno pučardi Devleski volja.

Amen ni tromaja te dža palo vakjeriba so avera vakjereba bašo odova so vakjeri thaj so sikavelamen i Biblija, tutku mora amen korkori amenge te sikljova e Devleskere lafi-ja. Ako mekaja averenge te gndinen ko than amenge, amen ka osakatina amaro zori thaj ka ogradina amare takati-ja. O blagorodna takati-ja e gogjakere šaj but ačhoven palal ako na bajrakerajalen gndipaja bašo teme so vredinena te zaniminamen olencar thaj ka našava o takati te haljova o pohor značenje taro Devleskoro lafi. I godi ka bajrakjeri ako angažirinajamen istražibaja ko maškaropumaro phanlpe e biblisko temencar, e maškarepumari komparacija e Lilencar thaj e ruhale čaćipencar.

Khanči na zorarkjeri i godi ko asavko vagipe ko sikljovipe e Lileskoro. Nijekh vaver lil nanele asavko takati te vazdel o gndinja, te kerenole dživde e takaten, sar i Biblija ple hor čaćipaja so guljarelamen. Ked e Devleskoro lafi bi

sikljovenala agjaar sar so valjani, o manuša tegani ka okarakterizinenape bare buvljipaja ki godi, gudlore karaktereja, zorale mangjipaja, sar so avdive but hari arakhenape.

Maškarodova, hari interes šaj te ikalipe kotar o drabaripe e Lilesko ki sig. Neko šaj te drabari sa i Biblija, em palem te mekel te dikhel olakoro šukaripe ja palem te haljovel olakoro hor thaj garavdino samalipe (značenje). O labardip (korista) si but pobaro ako sikljolape jekh kotar sa džikote oleskoro samalipe na ovela dušalo, a oleskiri relacija ko plani e ikadimasko dikhidni, nego li te drabaraen but kotora bizo nesavi odredimi namere thaj bizo astaripe o korisno pouke. I Biblija neka ovel tumencar! Kana ka aveltumen prilika, drabaren la; sikljoven olakere tekstija ki godi! Čak ked džana ko drumo, šaj te drabaren nesavo kotar kotar i Biblija, te gndinen baši odova em odova ka ačhovel tumenge ki tumari godi.

Amen našti te ovelamen godjaveripe bizo ozbilno siklovipe thaj bizo dova. Nesave kotora e Lileskere čače si but dušale, so khoni našti bangeste te sfatinpe, ama isi em asavke savengo samalipe na pašljovala ki površina, na dikhelape ko avgo dikhipe. Jekh Lil mora te komparinipe avere Lileja. Mora šukar te rodarelpe dovaja thaj gndalipaja. Em o asavko sikljovipe ka ovel barvalo pursakoja (nagrada). Sar o rudari so arakhela o žile e barvale metalesko garavdo teli phuvjakiri površina, agjaar em okova so rodari thaj sikljovela e Devleskoro lafi, sar te phene rodela garavdo barvalipe, ka arakhel čačipha kotar o embaro molipe so sine garavde kotar o dhikipe e nemarno rodarker-

desko. O vdahnovime lafija, ako ozbilnolenape ko vilo, ka oven miazutne e lenjencar so thavdena ko dživde hainga.

E Biblija nikana na tromaja te siklovala bizo dova. Anglal te prava olakere riga, trubul te roda rošaripe kotar o Sunto Ruhi em odova ka ovel amengje dendo. Ked o Natanail alo ko Isus, o Ikaldino vakjergja: "Eke čačikano Izraelco koleste nane hohaiba!" O Natanail vakjergja: "Kotar tu man phengjareama?" O Isus vakjergja oleske: "Angleder te vikinitu o Filip diklum tu kana sijana sine teli indžirin" (Jovan 1,47. 48). O Isus em amende ka dikhhol ke garavdikane dovake thana ako rodasa oleslar videlo te šaj te džana so si čačiipe. O meljaikija taro sumnaleskoro rošalipe ka oven okolencar kolende isiolen teljardikano vilo thaj kola so rodna kotar o Devel te sikavi olenge o drumo.

O Sunto ruhi uštarela thaj slavinela e Ikaldine. Oleskiri obligacija si te prezentirini e Hristo, oleskoro užalipe thaj oleskoro čačiipe thaj oleskoro ikalipe so isiamen ki olesste. O Isus vakjeri: "Vov... ka lel kotar mlo thaj ka sikavi tumenge" (Jovan 16,14). O Ruhi e čačipaskoro si jekhanutno uspešno sikavno baš e devlikane čačipaske. Kozom but o Devel mangla e manuškano mileti ked dingja ple Čhave te merel baši olende thaj kana odredingja plo Ruhi te ovel sikavno thaj sadajekhutno legarutno e manušengo!

EMANGLE TE MOLINAMEN



O Devel vakjeriamenge prekal i natura (priroda) thaj prekal pučardikanutno (otkrovenie), prekal plo vakjeribe thaj prekal i influencija ple Ruhesko. Ko sa odova nane bolji (dovolno); valjanela em amenda angla leste te prava amaro vilo. Bašo T e bi ruhikane dživdinaja thaj te ave-lamen ruhikano takati, trubul te ikera čačikano phanlipe amare havajakere Dadeja. Amare gndinja šaj te zaniminenpe oleja; amen šaj te gndina bašo oleskere bukja, bašo mothodipe oleskere manušvalipaske, baše oleskere blagoslovija ama sa odova panda nane ki čačikani gnd ikjeripe phanlipe oleja. Te bi phandajamen e Devleja trubul te manga te vakjereske khanči kotar amaro privatno dživdipe.

I dova si pravdipe e vileskoro anglal o Devel sar amal. Na soske so bi valjanela te phravamen oleske so sijam, tuku te keramen takati ki amende te priminaole. I dova na mukela e Devle kori amende, nego amende vazdela kori oleste. Ked sine ki phuv, o Isus ple sikljovutnen sikavolalen sine sar te kjerem dova. Vov sikavolalen sine sa olenge o sakodiveskere mangjinja te vakjerenole e Devleske, sa ple gajljave te vakjerenolen oleske. O dendolafi so dingjolen olenge, deka o dove ka oven primime, dingja em ole em amenge.

Korkori em o Isus, džikana sine maškaromanuša, but fori džala sine ko dove. Amaro Ikaldino ramningjape amencar ko amare mangjinja thaj slabostija em odoleja ulo ponizno thaj sesrdno moliteli kova so kotar plo Dad rodingja nevo takati te šaj te džal poodori, osposobimo em bašo obligacije em bašo zumadipe (iskušenje). Vov si amaro misal ko sa: Vov si phral ke amare slabostija, ”zumado ko sa, ama sar bidošalo, gnasisalilo kotar o bezeha; Vov pretrpija vogjale mariba thaj cidiba ko sumnal pherdo bezehasa. Sar manuš i dova smetisardao-la sar plo trubipe thaj bašo plo anglunipe. Vov ko lafikjeringe pe dadeja arakjela sine šukaripe thaj lošalipe. Znači ako o Ikaldino e manušengo, E Devleskoro čhavo sineole mangjipe kotar i dova, kozom o pokiše thaj o došale merutne manuša bi trebela sine te oven svesna kozom i bitno i sadajekutni dova!

Amare havajakoro dad adžikeri te čhorjari uprali amende but blagoslovija. Amaro anglipe si odova so šaj but te pija kotar i haing taro biagorutno mangjipe. Zar tegani nane čudo so doborom molinajamen! O Devel si agorduthno thaj stradno te šunel i čačikani dova kotar plo čhavo, ama palem na tesnarajamen tena vakjeraoleske amare trubutnipa. So šaj te gndinen e devleskere melekija bašo čorole manušikane dživutre kola soočinenape e zumavibencar, bašo dživutre prema kola o Devlikano vilo osetini baro mangjipe thaj si agorduthno te delolen majbut, negoli so bi von rodona thaj gndinena, a kola so doborom hari molinenape thaj isiolen hari pakiape?

E melekonge si milo te pokloninenpe anglal o Devel; von mangena te oven paše uzi oleste. O lafikjeribe e Devleja von gndinena baši plo embaro lošalipe (radost); ama palem, o čhavore ki akaj phuv, kaske so valjani baro pomoč, so šaj te delola olenge numa (samo) o Devel, dikljovena bahtale te džan bizo o videlo oleskere Ruhestar, bizo oleskiri pridružba thaj bizo oleskoro prisustvo.

E bengeskoro karanluko učarela okolen so zanemarinena i molitva. O dušmani šepnibaja probini andarindoj olen ko bezeha samo odoleske so na sajginena pes e anglipaja so dingjaolen o Devel a odovaj i molitva. Odoleske e Devleskere čhave thaj čhaja ka perena pišmani te molinena pe ked i dova si natari (ključo) ko vasta e pakjapaske koja so phavela e havajarkere barvalipa kote so arakhenape o rezerve e Sašajutnese? Ako na keraja stalno dova, ka astariamena bibahtalipe thaj ka ova nemarlivo em agjaar ka phaga o čačikano drumo prema o prestoli e manušvalipasko, em na bi dobina sesrdno dova thaj manušvalikano pakiape te bi protivinajamen sine e iskušenijske.

Isi odredime šartija so mora te kjeralen ako mangaja o Devel te šunel amare dove thaj te priminilen. Jekh kortar o avgo šartija si te ova gndale dena trubul amenge leskoro pomoč. Vov dingja lafi: "Me ka čhorav pani uprali trošali phuv, pani te ovel upral i šuki phuv" (Isaija 44,3). Okola so si bokale thaj trošale bašo čačinipe, so mangena e Devle, šaj te oven sigurno deka ka čajlove. O vilo mora te pravelpe baši influencija e Ruheski, sose inače našti te primini e Devlesko blagoslov.

Amaro baro trubutnipe korkore pesa si mothodipe kova so vakjeri ko amaro interesi. Maškaroodova amen trubul te roda kotar o Devel te kjerel amenge odova. Vov vakjeri: "Roden thaj ka arakhen" (Matej 7,7). "Okova so na poštedingja ple čhave, dingjaole baši amende, sar nane te del em sa vaver? (Rimjanite 8,32).

Ako nequinaja bezakonie ko amare vile, ako pašlilam ko bilo savo došalipe so si amenge pendžardo, o Devel nane te šunelamen; ama i dova taro manuš so perela pišmani, so isi le phago vilo ko sakova vahti ka ovel pri-fatimi. Kana ka terdara (ispravuvame) o sa bilačipa baši soste sijam gndale, tegani šaj te ova sigurna deka o Devel ka del amen odgovor ko amare dove. Amare theripe nikanana nane te obezbedinen amengje e Devleski naklonost; amen ka ikalamen e Hristoskoro dostoinstvo, ka užarame kotar oleskoro rat; ama palem em amen valjani khanči te kera, te bi o šartija ovena astarde.

Dujto elementi baši lači dova si o pakiape. "Okova so avela e Devleja mora te pakjal kaj vov postoini thaj nagradini okolen so rodenale" (Evreite 11,6). O Isus vakjergja ple sikljovutnenge: "Sa so ka roden ki dova pakjan ka primingjen, thaj ka dobinen" (Marko 11,24). Dali ikjere-na o lafi?

O dendolafibe si buvlo thaj biagorutno, thaj pakiaavno si Okova so dingja. Iako na primingjam okova so rodingjam, ko vakti kana molingjamen, i pookori trubul te pakja deka o Devel šundamen thaj ka irini amenge lav amare dovenge. Amen sijam ki odobor merka podložna ko zablude thaj ko harnodikhipe, so ponekana rodaja

kanči taro Devel so ne bi anela amengje blagoslov, pa amare havajakoro Dad ko plo mangipe odgovorini ko amare dove agjaar so delamen okova so si emšukar amengje - koga bi amaro dikhiba bi ovela prosvetlimo taro Devel i kana o bukja bi dikaja olen sar soj si čačikane. so bi amengja bi mangaja Kana činil pes amengje deka amare dove nane primime, mora te ikeramen ko pakjape, soske ola sigurno ka oven primenime ko čačikano vakti thaj amen ka pimina okova blagoslov so si amenge najtrubutno. Te bi roda e dova savahtane te ovel amenge uslišimi agjar sar so mangaja thaj sakodrom te dobina kobor so rodaja si čačikani drskost, O Devel si but mudro thaj našti khoni te hohavelole em but si lače okolencar so dživdinena čačikane thaj uvek olende arakhelalen kotar o lošnipa. Okoleske bizo dar ikjerentumen ki oleste čak ako olestaro iriba lav tumare dovengoro na andalen odma. Ike- rentumen ko oleskoro sigurno pakiape: "Roden em ka arakhen" (Matej 7,7).

Ako džaja palo amare sumnje thaj daraja, ako frdaja amendar sa okova so nane amenge jasno, džikana panda naneamen pakiape, amaro bisigurnipe numa ka horjaripe thaj ka bajrovel. A ako avaja ko Devel, sar bespomošna manuša thaj zavisna olestar, sar so em sijam čače, em pakiapaja, teljarutne em pakjasa, amare trubutnipa ka vakjeraolen Okoleske so džanela sa, angli kaste nane garavdo khanči ko sumnal, so vastarel (upravuva) sakoneja ple voljaja thaj ple alavesa, Vov šaj thaj ka mangel amari vika thaj ka kjerel ko amare vile te rošali i roš. I čačikani dova ka anel ko azbalipe (dopir) e gogjaja okoleja so si Biago-

rutno. Šaj ko odova momenti nane te ovel nisavo sigurno mothodipe deka i sima amare Kinutneskiri si upral amende but emociencar thaj mangjipaja. Šaj nane te oseti oleskoro dikino azbalipe (dopir), ama oleskoro vast si upri amende but mangjipaja thaj nežno pharipaja.

Kana avasa te roda kotar o Devel manušvalipe thaj blagosloveja, amare vile mora te oven pherde mangimale ruhesa thaj jertibasa. Sar šaj te molinamen: "Jertisar amenge amare borčija, sar amen so jertisara amare borčlijenge" (Matej 6,12), ako ko isto vakti na sijam spremna te jerisara averenge! Ako adžikjereja o Devel te šunel amare dove, mora te jertisara averenge ko jekhano čhani thaj isto vagipeja sar so ažukaraja te ovel amenge jertimo.

O istraipe e dovako pherel ko šartija te ovel amenge primimi. Amen valjani biačavdnipaja te molinamen ako mangaja te bajrova ko pakiape thaj ko bučakoro pendžariba. Amen mora te ova "sadajekhane e dovaja", te ova istrajna ko amare dove, te ova čangajme ko dove palikjeribaja (blagodarnost)" (Rimjanite 12,12; Kološanite 4,2). O Petar opomenini e pakiarden te ovenolen "lačho ruhi ko dove" (1. Petrovo 4,7). O Pavle dromarel (upatuvava): Ko sa, prekal i dova thaj parikeripe, vakjeren tumare rodipa anglal o Devel" (Filipjanite 4,6). O Juda vakjeri: "Molindoj e Sunto Ruheske, ikjeren tumen ke Devleskoro mangjipe" (Juda 20. 21). I sadajekhutni dova si si baro amalipe ko ruhi e Devleja, agjaar so o dživdipe kotar o Devel thavdela ko amaro dživdipe, a kotar amaro dživdipe thavdola užalipe thaj suntipe palal ko Devel. E dovake si trubutno čačipe, na smiinena khanči te muken te kočinel

tumari dova. Kjeren bilo sar te ikeren io phanlipe maškaro Isus thaj tumaro vogi. Iskoristinen sakoja šansa te džan ko thana kola si odredime dovake. Okola so čačipnaste trudinenape te ikjeren i konekcija e Devleja, ka dikhenpe ko dovakere kedipa, pakjavne ko kjeriba pli buti, putardevileske (iskreni) thaj trošale te žneinen sa o blagoslovi-ja so šaj te stekninepe. Ola ka koristinen sakoja šansa te sikavdžon ko strafinja e devlikane rošeske.

Bi trubula te molinamen ko krugo e familijake, a angle sa ma te bistra i dova em korkori te kjerala, ko korkorutno than, soske odova si e vogeskoro dživdipe. O Manuš našti te džal angle ako na kjeraja i dova. I familijarno dova korkori pesa si dovolna. O manuš ki phanli soba neka pravelpe anglal i rodakerdi Devlikani jak. I garavduni dova trubul te šunelola samo o Devel kova so šunela o dove. Nijek manglikano kan ni trubul te šunel i saikerin (sodržina) e asavke dovengere. Ki garavduni dova o vogi si muklo teledor o deluibe tari okolina, mukli kotar o sesija tari strana. Smireno, ama palem mangjipaja, o vogi rodela e Devle. Lačo tar savahutno o deluibe so struini taro Okova so dhikela garavdune, kaskoro kan si puterdo te šunel i dova so ikljovela kotar o vilo. Ednostavno pakjabaja, o vogi ikjerela vrska e Devleja thaj kedela o strafinja (zrakija) e devleskere rošake te bi zorarkjeripe thaj te ikeripe ko konflikto e bengeja. O Devel si amari zorali diz.

Molinen tumen ki phangli soba; thaj ked kjerena tumari sakodivesutni buti, tumaro vilo but fari neka rodel e Devle. Agjaar o Enoh phirgja e Devleja. Akala garavutne dove uštena naupre sar kučani (skapocen) sung (mi-

A close-up, profile view of a woman with her eyes closed and hands clasped in a prayer gesture. The lighting is warm and soft, creating a serene atmosphere. Overlaid on the image is the number '119' in a large, bold, teal-colored serif font. The woman's hair is dark and slightly wavy, and she is wearing a dark-colored top. The background is a plain, light-colored wall with some subtle shadows.

119

120

ris) prema o prestoli e manušvalipasko. O beng našti te peravi okole kova so si e Devleja.

Nane vakti nitu than so bi ovelasine nepogodno te bičalipe dova dži ko Devel. Nane khanči so bi ačavela te vazda amaro vilo ko ruhi e čačikane dovake. Maškar o but drumija, okupirime oblgainencar, amen šaj te dromara i dova ko Devel thaj te roda olestar devlikano anglipe sar so kjergja odova o Nemija ked vakjergja plo rodiba anglo o thagar Artakserks. Than bašo lafikjeribe šaj te arakipe ko sakova than kote so arakajamen. O udara e amare vileskoro šaj te ovel sadajekhano puterdo, sadakhano mora te vazdelpe riknipe dži ko Isus te avel thaj te dživdini sar havajakoro gosti ko amaro vogi.

Iako trujal amende rajinel (vladini) zarazimi, rumimi atmosfera, amen ne mora te dišina olakere zarazime ispariba, tuku šaj te dživdina ki užali (čisto) devlikani atmosfera. Amen šaj te phanda sakova priodi bašo melale manginja thaj bašo bisuntale gnda ako čačikane dovasa vazdara amaro vogi ke devlesko pašipe. Okola so pravgie o vilo te priminen kotar o Devel podrška thaj blagoslov, ka džan ki posuntali atmosfera, nega ki akaja phuvjali thaj ka ikjeren sadajekhani vrska e havajaja.

Amenge si trubutne podušle poimija bašo Isusi thaj pocelosno haljojbje baš o vrednost taro biagorutne bukja. O šukaripe e suntosko trubul te pherel o vilo e Devleskere čhavengo, a te bi šaj kjerena odova, trubul te roda e Devle te vakjeri amenge odova so si devlikano. Amaro vogi neka phravelpe thaj neka vazdelpe te bi šaj o Devel te pomožini amenge te dišina e devleskiri atmosfera. Amen

mora te dživdina ko asavko Devlikano pašipe, so pri sakova biadžikerdo (neočekuvano) zumavipe (iskušenje) amare gnda te irinenpe kori leste doborom naturalikane (prirodno), sar o cuti so deletinel (sledí) e khame. Vakjeren e Devleske tumare trubutnipa, tumare lošalipa, tumare dukha, tumare galjave thaj tumare darutnipa. Tummen našti te optovarinenole, tumen našti te kinjarenole. Okova so ginda o bala ko tumare šere nane sajekhando (ramnodušen) ko ple čhavengo trubipe. "Soske si o Devel pherdo manušvalipaja (milost) thaj emocijencar" (Jakov 5,11). Oleskoro vilo, pherdo kamibaja, si trognato amare dukhencar pa čak ked kjeraja lafi baši olende. Vakjeren oleske sa okova so zbutnini tumari godi. Ko Okova kova so ko plo vast ikjeri e lumija thaj vastarel (upravuva) e sa e bukjenar ani vasiona, khanči naj oleske pharo te legari odova. Sa so si phanlo amare sansaresa, oleske naj khanči but odova te dikhel. Nane nijekh kotor kotar amaro bučako phendžaripe so baši olete bi ovela but phare te drabarelole; nane problemi kova so oleske bi ovela sine but pharo te činavelole. Nane bibaht so bi arakhela e emtikne leskere čhave, nane gajljava so bi cidinkerela oleskoro vogi, nane lošipe so bi razgalinela, nane čakikani dova so bi ujrala sine ko vošta, a so amare havajakoro Dad akana te na dikhel, akana te na zainteresinipe. "Vov sastakjerela e ranime vogen thaj phandela olengere rane" (Psalm 147,3). I relacija maškaro o Devel thaj sakova vogi si doborom šukar thaj lično, so ka phene deka nane nijek vaver vogi ki phuv te ulavi olaja olakoro gajlelukosko dikhipe, nitu jekh aver vogi baši soste bi dela ple mangle Čhave. O Isus vakjergja: "Ko odova dive ka roden ko mo anav; thaj na

penavatungje dka me ka molinav me dade baši tumende, soske o dad mangeltumen.” ”Me tumende alosardem ... thaj sa so ka roden ko mo anav, te del tumen” (Jovan 16,26. 27; 15,16). Maškarodova, te molinamen ke Isusesoro anav značini but poviše otkozom te lipara (spomnina) oleskoro anav ko anglipe thaj ko palunipe e dovakoro. Odova značini te molinamen prema e Isuseskiri godi thaj ruhi, pakjavindoj oleskere dinde lafenge, ikjerindoj pe ko oleskoro manušvalipe thaj kjerindoj oleskere bukja.

O Devele na rodele nikastar amendar te ovel pustinjako ja palem kalugjeri, te crdamen kotar o sumnal te bi kerela devleskere šukar bukja. Amaro dživdipa mora te ovol miazutno (slično) sar so sine e Hristoskoro - maškaro plainja thaj o butipa. Okova so na kjerela khanči vaver numa kerela dove ka pretvorilpe ki čuči navika.

Ked o manuša ka crden pe kotar o amalikano dživdipe ked ka crden pe kotar pli dužnostija sar vernikija em kotar o legaripe o trušul, ked ka ačhoven ozbilno te kjeren buti bašo plo Sikavno, kova ozbilno kjergja buti olenge, tegani nane baši soste pobut te molinipe, naelen pobut takati baši dova. Olengere dove ovena lično thaj korkorutne. Von našti pobut te molinenpe bašo trubutnipe e manušengoro ja palem baši kjeripa e Hristoskoro thagaripe, nitu rodena takati baši buti te kjeren. Amen našavaja ed zanemarinaja o anglipa e maškarutno amalipe kova delamen šansa te zorarkjeramen ki sajgija e Devleskiri. Tegani o čačipa taro oleskoro Lafi našavena plo dušlipe (jasnost) thaj molipe (vrednost) amenge. Amare vile nane pobut rošaime nitu potiknime bašo olengi posvetimo deluibe em amen

duhovno slabonaja. Ko amaro družibe sar vernikija but našavaja bašo nanipe kotar o maškarodjenutne emocije. Okova so phandelape korkori peste na lela i rolja so dingjala leske o Devel. O čačikano arakhipe e amalikane elementija amare natura thaj amare vilo pašljarena ko pašutne thaj pomožini te bajrova thaj pakivalo em lače te slučisara e Devleske.

Keda o vernikija maškaripeste bi družinenape, kana maškaripeste bi kerena lafi bašo Devlesko mangjipe thaj bašo barvale čačikanipa bašo kinipnalipe, olengere vile bi ovena sine osvežime thaj maškari peste bi ikjerenape. Amen bi valjani sakova dive polače te pendžara amare havajakere Dade, te steknina neve bučakjere phendžariba oleskere manušvalipaja tegani bi mangaja em te kjera lafi baši oleskoro mangjipe, em kana bi kereja sine odova, amare vile bi ovena tate thaj zorale. Kozom pobut bi gndinaja thaj keraja lafi bašo Isus, a poari baši amende, bi ovaja sine butvar (počesto) ko oleskoro prisustvo. Ked bi gndinaja bašo Devel samo doborom kozom so isiamen mothodipe deka Vov arakhelamen, tegani Vov savahthane ka ovel ko amare gndinja thaj amen ka uživina te kjer lafi baši oleste thaj te slavinaole. Amen kjeraja lafi bašo nakle bukja odoleske so sijam zainteresirime baši olende. Ipak amen isiamen but sebepija soske te manga e Devle negoli amare puvjakere amalen; bi ovekla sine najpirodno nego te čhiva ko avgo than ko amare gnda, te kjera lafi baši oleskoro šukaripe, te vakjera baši oleskoro takati. O barvale bakšišija kolencar phergjamen nane amengje dinde te okupirinen amaro dikhipe thaj amaro mangjipe ki

odoja mera te na bi ovelamen pobut solea te irina e Devleske; von bi trubuna sadajekhane te liparenanem ki oleste thaj te phandenamen oleskere mangjipaja thaj šukaripaja amare devleskere Kreatoreja. Amen dživdinaja but paše ke phuvjakere ramnice. Ako vazdaja amare jakja ko pravduno udara ane devleskoro rošalipe kote so i roš e Devleskere slavakiri rošakeri o muj e Hristosko kova ”šaj te ikalelamen biaguretne vekija okolen kola prekal leste avena ko Devel” (Evreite 7,25).

Bi trubula pobut te slavina e Devle ”baši olesko pakivalo mangjipe thaj baši oleskere bare bukja so kjergjajolen bašo manuškano mileti” (Psalm 107,8). Amaro devlikanlipe na tromala te svedinipe numa ko rodipa thaj ko primipa. Ni trubul savahtane te gndina baše amare trubipe, a nikana bašo gudlealava so priminaolen. Amen generalno ni molisaremen but, tuku sam but šparinaja (štedime) ko jertisalipe. Amen sadajekhane priminaja e Devleskoro manušvalipe, em palem hari parikerajaleske (blagodarinaja), kozom hari falinaja e Devle bašo sa so kjergja amenge. Ko phurano vakti o Devel komandinja e Izraelcenge ked ka kedenpe i devlikani sajgija: ”Han odori, thaj tumen thaj tumare familije ko prisustvo tumare Devleja, lošarentumen okoleja so sa so kjergjen thaj postigningjen tumare vastencar, thaj e blagosloveja koleja so blagoslovingja tumen tumaro Devel” (5 Mojseeva 12,7). E Devle valjani te slavinaole lošale (radosno), parikerine (blagodarna) giljencar thaj e gudlealavesa, a na roibaja thaj bizo zainteresipe. Amaro Devel si lačo, manušvalo Dad. E Devleskiri sajgija ne bi smiinipe te gndinipe baši nesavi dukhavni, thaj ritalni (do-

sadna) ceremonija. Amenge bi valjani te ovel šukaripe te kjera i slava e Devleskiri thaj te participirina ki oleskiri buti. O Devel kova ple čhavage osiguringja doborom baro ikadipe, ne bi mangjela sine ola te odnesinenpe agjaar sa tephene Vov si nesavo strogo. Vov si olengoro emlačho amal, em ked ka kedenpe ki devlevlikani sajgija. O Devel mangela te ovel olencar, te blagoslovinilen thaj te tešinile, te pherel olengere vile lošalibaja thaj mangjipaja. O Devel mangela oleskere čhave te arakhen uteha ke devleski sajgija, i buti oleja te anel lenge majbut šukaripe a na pharipe. Vov mangela odola so avena ki devleski sajgija te legaren peja, šukar gndinja bašo oleskoro arakhipe thaj oleskoro mangjipe, te oven pherde lošalibaja ko olengere sakodivesutne dužnostija thaj te ovenolen takati te postapinen pakjivale thaj gogjaveripaja ko sa.

Amen trubul te kedamen trujal o trušul. O Hristos, sine trušurkerdo (raspnat) trubul te ovel šej bašo amaro gndalipe, šej bašo amaro muabeti thaj amare emlošale emocije. Valjani te ikjera ki godi sakova blagoslov so primingjam kotar o Devel thaj ked ka haljova o baripe oleskere mangibastar, trubul te ova agoruthne te da amaro vast e vasteske so sine kovimo baši amende ko trušul. O Ruhi šaj te džal upre ko havaja ko phaka ple falime gilenge. E Devle slavinenale giljaja thaj muzikaja ko devlikane avlinja thaj dži kaj vakjeraja amaro parikeripe, amen usoglasinaja amari devlikane sajgija e devlikane sajgijencar e devlikane četengiri. "Vov so blagodano viloja anela kurbanu -čače respektirinima" - vakjeri o Devel (Psalm 50,23) Te ava lošale thaj respektheja anlal amaro Kreatoru, "falimi gili" (Isaija 51,3).

SO KA OVEL E SUNGIPAJA?



But džene, pogotovo okola so akana primingje i vera ko plo dživdipe, butfari buninenaolen nesave bukja so legarenolen ko sungjipe (somnevanje). Ani Biblija isi but tekstija so ola našti te objasninenpe ja palem našti te haljovenpe, o beng iskoristini odova te bi pišmanini olengoro pakiape ko Lil sar Devlikano phravdinipe. Von phučena: "Sar šaj te arakav o čačikano drumo? Ako i Biblija si čačikano Devlikano lafi saršaj te crdama kotar odola bipakjaviiapa thaj zabune? O Devel nikana na rodela te pakjova ako na delamen dovolno mothovdipe upro soste šaj amen te fundina amaro pakiape. Oleskoro postoipe, oleskoro karakteri, o čačipa oleskere Lafeste, sa odova zorarkjerdo mothovdipaja kola se obratinenape amare gogjake, asavke mothodipa isi but. Ipak o Devel nikana na frdingja i šansa baš o sungjipe. Amaro pakjipe mora te pašlovel upral amaro lično osvedočuvanje a na upral geniba e mothovipaskera. Okola so mangjena te biphakjavenpe, ka ovenolen šansa, džikana okola so čače mangjena te phendžaren o čačipa, ka arakhen but mothovdipasko materijali uprali soste ka fundinen plo pakjipe.

Na e oleske šakutno baš i ograničimi godi sa te haljova o karakteri ja o bukja e Biagoreski. Em baš o majbaro intelekti, e em edukativnoskiri godi, o sunto Dživutro, savhtane ka trubul te ačovel phakjardo ko kotor garavdipasko. "Maj li tu te ikljove ko garavdipa e Devleskere, ja palem te kjere o barvalipe e Sašajutnesko? Odova si poučo

kotar o havaj, so ka kere? Pohor si kotar o limori, sar ka pendžareole?” (Knigata za Jov 11,7,8.). O Apostoli Pavle vakjeri: ”O kozom si hor o barvalipe thaj o džanlipa, taro Devleskoro džanlipa! Kozom si dur o krisalipe thaj o narodarde leskere drumija” (Rimjanite 11,33). Iako ”trujal oleste sine bulutija thaj tunjariko (temnina) o fundo e pre-stolesko si o krisalipe thaj o čačipe”. (Psalm 97,2). Amen sijam ko hali te haljova oleskoro postupipe amencar thaj te uštarel okova so potiknini numa doborom kozom so šaj te haljova o biagorutnipe oleskere mangibasko thaj manušvalipasko kova so phandela e biagorutne takateja. Kotar oleskere namere šaj te haljova doborom kozom so si amenge šukar te džana; a odova si si pobut kotar odova, mora te ikjerame ko sošajutnikano vast, e vilesko pherdo mangipaja.

E Devleskoro lafi, em o karakteri oleskere devlikane Avtoreske, vakjerena nesave garavdune bukja so o ograničime dživutre (suštstva) nikana našti sa te haljovenolen. Ked mothovdisalilo o bezeha ko sumnal,e Hristoskoro vplotipe, o palembijandipe (preroduvanje), voskrsnipe thaj but vavera teme kolencar zaniminipe i Biblija, si garavdune bukja but hor bašo manuškano gndipa te bi objasnini ja palem sa te haljovel odova. Maškaro odova nane sebepi te bipakja ko Devlesko lafi samo odoleske so našti te haljova o garavdune bukja taro devlikano providenie. Em ko sumnal e naturakoro amen sijam sadajekane (postojano) pakjarde garavdipaja so našti te haljovajalen. O emtikne forme e dživdipaskere pretstavljena problemi kola so o em gogjaveren filozofenge si ja-

sna em našti te objasninenolen. Ko sa o riga arakhaja šukh (čudo) so isiolen pobaro takati kotar amaro haljovel thaj zor. Šaj li te ova bipativale (iznenadeni) so em ko ruhinalo sumnal isi garavdinnja kolencar so našti te ikljova ko agor? O pharipe phašljovela ko slabost thaj ko o limitianost (ograničenost) e manušeskere gogjako. O Devel ko Lil dingjamen dovolno mothovdipe (dokazija) bašo devlikano karakteri e suntale (sveta) lila, a amen ne smiinaja te bipakja ko oleskoro Lafi odoleske so našti te haljova sa o garavdinja (tajni) oleskere provideniesko.

O Apostol Petar vakjeri so ko Lil isi "nesave bukja so phare haljovenape, kola so o bidžangle thaj o o bazorale na haljovenalen šukar... ko plo pogibeli" (2. Petrovo 3,16). O phare thana ko Lil, o bipakjavne vakjerenalen sar motovdipe mujal (protiv) i Biblija. Ama dur odolestar, von zorarkjerena deka i Biblija si vdahnovimi taro Devel. Ked i Biblija bi dela numa informacije bašo Devel kova so kolaj bi šaj te haljovaolen, ked oleskoro baripe thaj rainipe bi šaj haljovena jekh kotor kotar o manušengere gogja, tegani voj ne bi legari bibango štembili e devlikane avtoritesko. Baš odoba baripe thaj garadinipe e temengo baši so ste vakjeripe, trubul te phudelpa amenge pakjavibaja ani Biblija sar Devlikano lagi.

I Biblija pravela o čačipe odobor ednostavno, odobor majmišto (sovršeno) adaptirinila prema o trubutnipe thaj o mangjipa e manušeskere viloske, so odova bajra-kerela em okolen so si skromno thaj so nane but educirime thaj kerelalen takatlije te phendžarenpe e dromeja bašo ikadipe. Odola sadesutne vakjerde čačipa legarena-

pe ko asavke vozvišeno thaj durutne teme, em doborom bizoagor si upral o takati e manuškane haljojbe, so šaj te astara numa odoleske so sikavgja o Devel. Em o plani e ikalimasko si amenge pučardo (otkrien) ko asavko čhani, so sakova manuš šaj te dhikel kola adamija (čekorja) pišmanlukoske trubul te kjerel prema o Devel, adamija (čekorja) e pakiabaske ko Devel Isus Hristo te ikalelamen agjaar sar ka vakjeri o Devel; palem, telo adala čačipa, kola so si doborka lokhe haljoventape, pašljovena garadinja kola so garavena e Devleskiri slava - garadin so si pobari kotar i zor e gogjaki so rodaripe, a palem, o čačikano rodardo e čačibaskoro vakjerile bare respekteja thaj pakjapeja. Kozom pobut rodarkjerela i Biblija, sa pohor pakjalpe deka odova si Lafi e dživde Devlesko, a i manuškani godi teljaripe angle o barikanipe taro devlikano pučarib (otkrovenie).

Ked mothova deka našti te haljova o bare čačipa e Biblijakere, odova si deka amen soglasinajamen e fakten-car soske i limitirini godi si bitakatlija te haljovel o biagorutnipe; deka o manuš ple limitiribaja, o manuškano džanlipe, našti te haljovel o mangjipa e Saedžangleskoro. Odoleske našti te bijangjon ko oleskere garadinja, o bipakjavne thaj bipakivale frdena o Devlikano lafi, a okola so vakjerena kaj pakjana ki Biblija nane crdime kotar o ziangornipe (opasnost) ko odova than. O Apostoli vakjeri: "Dikhen, phraljalen, te na arakiphe ke nekaste tumendar o džungalo vilo, so na pakjala, pa odoleste ka pherel kotar o dživdo Devel" (Evreite 3,12). Trubul hor te rodara e biblijakere sikljoviba thaj o "Devlikane horipa" (1. Korin-

kjanite 2,10) te pučljarel ispituva) pe doborom kobor so si pučarde ki Biblija. Ako, okova so si garadino preperel amare Devleske. ”Okova so si pučardo si, amaro thaj amare čhavengo” (5. Mojseeva 29,29). Maškaroodova o beng kjerela te bangjari o rodaripaksre takatija e manuškere gogjakere. Kana dikhaja e biblijakere čačipa avaja dži ki reslin thaj ko jekh baripe, soske o manuša ovena bistrplivo thaj osetinpe pervade ako sakova teksti e Lilesko našti te objasninenole ko plo hošalipe (zadovolstvo). Gndinea kaj but bi perena tele ako mothovena nane takatlije te haljovent e Devleskoro lafi. Nane agorkherde trplivo te adžikjeren džikana o Devel te arakhel šukaripe te pučarel olenge o čačipe. Gndinena deka olengoro manuškano džanlipe si dovolno bizo nikasko ažutipe (pomoč) te haljovent o Lil, a pošto ola na uspijnena ko odova, odoleske von otkožinena e Biblijakoro avtoriteti. Čače si but teorije thaj doktrine, baši so gndinipe deka ikljovena kotar i Biblija, naneolen nisavo fundo ko olengoro sikljovipe thaj ola faktički protivin pe ko sa po sesi baš o Vdahovneniba. A odova ko but gogja anarkjergja sungjipe thaj bunipe. Em odoleske na valjani sebepi odova amen te došakera (obvinjina) e Devleskoro Lafi, tuku o manuškano bangjaripe e Lilen.

Kana bi e stvorime dživutrenge (suštstva) bi ove-la sine šajutno (možno) majmišto (sovršeno) te haljovent e Devle thaj oleskiri buti, ola resargje odova cilji, bi našavena sakova šajutnipe poodori te pučaren o čačipa, te bajrovent ko phendžariba thaj poodori te bajraren i godi thaj o vilo. O Devel ne bi ove-la emupre, a o manuš, re-

sarindoj o limitiripe e džandibasko thaj e takatengo, bi ačhavdel (prestanuva) te džal angle. Te parikera (blagodarime) e Devleske so nane agjaar! O Devel si biagorutno; ki oleste phašljovena, sa o barvalipa e džandibaskere thaj e filozofijakere” (Kološanite 2,3). O manušaj bi šaj i sasto savahtipe (večnost), sadajekh (postojano) te sikljoven em palem nikana ten ašti sa te sikljoven o barvalipe e Devlikane filozofijako, osleko šukaripa thaj takati.

O Devel mangela oleskoro narodo panda ko akava dživdipe sadajkeh sa majšukar te pendžaripe e čačipaja bašo oleskoro lafi. Postoini numa jekh čhani te stekninipe akava džanlipa. E Devleskoro lafi šaj te haljovaole numa kana ka rošarkjerelamen okova jekh jekhano Ruhi preko kaste sine dendo o Lafi. ”Odolese, so ko kotar o manuša džanela so si ko manuš, numa o manuškano ruhi so si ki oleste”, ”Soske o Ruhi pučljarela sa, pa čak em e Devleskere horipa” (1. Korinkjanite 2,11. 10). Ko ple avutnemanuša o Ikdino dengja olenge lafi: ”Ked ka avel Vov, o Ruhi e čačipaskoro, ka legariamem ko sa o čačipe... soske ka vaketi bašo okova so šunela ole thaj ka aberikjerel bašo disave bukja so ka aven” (Jovan 16,13. 14).

E Devleskoro nieti si o manuš te bajrari ple takatija bašo džanlipa, thaj o siklovipe e Biblijakoro ka zorakjerile em ka parikjerel oleskiri godi pošukar kotar bilo savo sikljovipe. Maškaroodva, amen trubul te arakhamem kotar o mangjipe e fikiresko, soske vov si podložimo ko kišlipe (slabostija) thaj ko feleripe (mane) e manušesko bijandipasko. Ako ni manga o Lil te ovel amenge bihaljovipe thaj o emdušle (najjasna) čačipa bihaljarde, mora te ova

sadesutne (ednostavna) thaj te ovelamen pakjape e tikne čhaveske, te ova agordutne (gotovi) te sikljova thaj šukar te molinamen baš o pomoš taro Sunto Ruhi. O svest baši Devleskiro sila taj đanlipe, hem baš amaro nesposobnost te haljova oleskoro baripe valjani te vdahnovini, trubul te vdahnil amenge a amen trubul te putara lesko lafi sa te ava dži oleste popaše, bare respektēja. Ked ka phrava i Biblija, amari godi mora te pindžarel (priznava) o avtoriteti ko si pobaro kotar oleskoro, em o vilo em i godi mora te teljoven anglal o baro ME SIJUM.


But tekstija dikenapes phare thaj bidušles (nejasna), ama o Devel ka kerolen podušle (pojasna) te šaj pošukar tel haljovenpe bašo okola so ko akava čhani trudinenape te haljovenolen. Maškaroodova, bizo legariba taro Sunto Ruhi, sekogaš ka ova sklona te irinkjera o Lila ja palem bangeste te tumačinalen. But drom o drabaripe (čitanjeto) e Biblijako na anela amenge nisavo interesi, a butvar ana-kerela em čačikano zijani (šteta). Kana e Devlesko lafi pravgjola bizo respekti thaj dovaja, ked o gndinja thaj o emocije nane posvetime e Devleske, ja palem nane ki so-glasnost oleskere voljata, i godi kaljovola e bipakjavibaja thaj ko thavdipe e Biblijako sikljovibasko a o bipakjape zorargjovola. O dušmani lela o upraviba upral gndinja thaj predložini tolkuiba so nane čačikane. Sakova drom ked o manuša na trudinenape e lafeja thaj e bukjaja te oven ki harmonija e Devleja tegani bizo ogleđ kozomi olengiri edukacija, sklonaj tane bange te haljoven o Lila, thaj odoleske naneamen pakjape ko olengere vakjeriba. Okola so istražinena o Lila te bi arakhena bangevakjeriba, nane-

olen ruhikano bijanipa. Asavko bangovakerutno dikhipe ka anenolen te arakhen o sebepi bašo bipakjaviba thaj bipakjape em ko okola bukja so si jasna taj ednostavna.

Em ako bi ola bi garavena sine odova, ko pobaro numero taro slučaevoja o čačikano sebepi bašo sungipe thaj o bipakjaviba si o mangjipe prema o bezeh. O sikljoviba thaj o limitiriba so ikjeripe ko Devlesko lafi nane šukar ale bašo vilo kova so mangela e bezeh, a okola so na mangena te khanden olengere rodipa, agordutne si te bipakjan ko olesko avtoriteti. Te bi vakjera o čačipe, mora te ovelamen putardovilesko mangipe te phendžara o agordutnipe ko vilo te bi šunaole. Sa okola asavke vogeja lena te sikljo-ven i Biblija, em ka arakhen but mothodipa deka odoja si e Devlesko lafi thaj ka haljo-ven olakere čačipa kola ka kerenole "đanle bašo ikaldipe".

O Hristos vakjergja: "Ako neko mangel te kjerel ole-skiri volja, ka džanel dali akava sikljovibe si kotar o Devel" (Jovan 7,17). Navaljani te filozofirinipe thaj te sunginen tumen ko okova so na haljovena, šunen o videlo so šarlaini, pa odolea ka oveltumen pobari roš. E Hristoskere milosteja kjeran sakoja dužnost so dži akana sine tumenge dušle (jasno) sikavdi, pa ka oveltumen takati te haljo-ven thaj te kerenolen thaj okola so panda na sine tumenge dušle.

Isi mothovdipe so si sakoneske dostapno - em e educirinenge em e bieducirinenge - odova si o mothovdipe e bučako phendžaripe (iskustvo). O Devel vikinelenamen korkori amen te proverina o čačipe taro oleskoro Lafi, o čačipe oleskere dendolafibe. Vov komandingja amenge:



135

”Proverinen thaj dikhen kaj o Devel si šukar (Psalm 34,8). Ko than te ikjeramen ko avengere lafija, valjani amen korkori te phučljaramen. Vov vakjergja: ”Roden thaj ka dobinen” (Jovan 16,24). Oleskere dendelafiba ke ispolningjoven. Von nikana na hohavgje thaj nikana našti te hohavenamen! E kozom amen ka ova uzi oleste popaše ko Isus thaj lošarajamen oleske but em oleskere mangipaske, o bipakjape thaj o tunjariko ka našavgjon anglal o rošalipe kotar oleskoro prisustvo.

O Apostol Pavle vakjergja deka o Devel ”ka ikalelamen kotar o thagaripe e karanlukoskoro thaj ka legarelamen ko thagaripe ko plo manglo Čhavo” (Kološanite 1,13). A sakova so naklja kotar o meripe ko dživdipe si takatlija te ”mothovel deka o Devel si čačikano” (Jovan3,33). Vov šaj te mothovel: ”Valjani sine mange ažutipe, odova arakljum ko Isus. Sakoja mli potreba sine zadovolimi, čaljardo sine mo vogi a i Biblija akana si mange pučaripe taro Isus Hristos. Pučenama li soske pakjava ko Isus? Odoleske so vov si mlo devlikano Ikaldino (Spasiteli)! Soske pakjava ki Biblija? Odoleske so dikljum deka odova si sesi prekal kaste o Devel kerela lafi me vogeja!” Amen korkori amanege šaj te mothova deka i Biblija si čačikani, deka o Hristo si e Devleskoro Čhavo. Amen džanaja kaj nane odova lošno lil. O Petar opomenini ple phraljen te ”bajroven ko manušvalipe thaj ko pendžaripe amare Devle thaj Ikaldine Isus Hristos” (2. Petrovo 3,18). Kana e Devlikano narodo ka bajrovel ko manušvalipe, sa majšukar ka haljovel e Devlesko lafi. Vov ka arakel nevo dikhiba thaj nevo šukaripa ke oleskere suntale čačipa. Odova sikavdi-

lo ko thavdipe ke Khangiraki istorija ko sa olakere vekija i agjaar na lungarelphe dži ko agorutmipe. "E dživdipasko drumo e čačipanengoro si sar rošalin (svetlina) ko javinja, koja so but dušleste thabljola, sa džikana na phravgjola o dive" (Mudri izreki Solomonovi 4,18).

Veraja amen šaj te dikha ko savahtnipe (večnost) thaj te astarmen ke Devlesko dendolafipe deka i manuškani godi ka bajrovel, o manuškane takatija ka pašakerenpe (soedinuva) e devleskerencar, a sakova takati so ka avel taro vogi ka ovel ko direktno azbalipe (dopir) e Haingeja e rošalinako. Amen šaj te lošalajamen (raduinamen) odoleško so sa so zbuninelamen ke Devleskoro providenie, tegani ka ovel amenge pojasnimo, deka sa so sine amenge pharo haljavibaske, ka andolel plo haljojbe; em odori kaj kote so amari limitirimi godi ali ki brkotija thaj ka dikha emmišto (najsovršeno) thaj emlači harmonija. "Akana dikhaja sar ki ajna, a tegani muj ko muj. Akhana džanava hari, a tegani ka džanav sar so sijum but pendžardo" (1. Korinkjanite 13,12).

LOŠALE KO DEVEL



E Devleskere čhave si vikime te oven e Hristoskere prezententija so ka putaren e Devleskoro šukaripe thaj manušvalipe. Sar so o Isus araklja amenge o čačikano karakteri ple dadesko, agjaar em amen valjani te mothova bašo Hristo ano sumnal kova so panda na pendžari olesko manušvalikano vogi: "Sar so bičalgjan tu mande ko sumnal" - vakjeri o Isus – em me bičalgjum olen ko sumnal." "Me olende, a tu ki mande... te džanol o sumnal kaj tu mande bičalgjan" (Jovan 17,18. 23). O Apostol Pavle vakjergja e Isusengere sikljovutnenge: "Dikhelape kaj sijen e Hristoskoro lil... kova so džanenaole thaj drabarenaole sa o manuša" (2. Korinkjanite 3,3.2) Ko sakova pločhavo o Isus bičali poslanie e sumanleske. Ako sijen tumen e Hristosko avutnomanuša (sledbenikija), Vov prekal tumende bičali lil e familijake, ko than, thaj ko drumeste kote so đivdina.

O Isus kova so dživdini ki tumende, mangela te vakjeri e vilenge okole manušenge so na pendžarenale. Šaj von ni drabaren i Biblija, ja palem na šunena o hango so vakjeri kotar olakere riga; von na dikhena e Devleskere bukja, oleskoro mangjipe. Ama ako sijen tumen čačikano Hristosko prezenteri šaj te ovol da prekal tumende te navedinenpe te haljon barem jekh kotar olesko lačipe em te oven pridobime te mangen ole thaj te kandenole.

O Hristijanja si postavime te oven džene so ka legaren i roš ko drumo e devleskoro. Von trubun te dživdinen asavko dživdipe thaj re bajraren asavko karakteri, so vaver dikhindoj olende ke ovenolen čačikani gnd bašo Hristo thaj baši oleskiri sajgija. Ako čače prezentirinaja e Hristo, tegani amari sajgija so si posvetimi oleske, ka ovel čače mangli. O vernikija, kaskoro vogi si pherdo melanholija-ja thaj dukhavibaja, kola so rovenape thaj mrmorinena, ola bange sikavena e Devle thaj o hristijansko dživdipe anglal ple pašutne manuša. Ola mukena vpečatok deka e Devleske nane šukar oleskere čhave te oven bahtale em odole hohavne mothovibaja mujal amare havajakoro dad.

O Beng raduinipe kana terini e Devlesker čhaven ko bilačhipa thaj lošnipa. Vov uživini ked dikhela kaj naneamne pakjape ko Devel, ked bipakjaja ko olesko agorutnhipe thaj zor te ikalelamen. Leske si šukar ked ka anelamen ki situacija te gndina deka o Devel ple bukjenar ka anel amenge zijani. O beng trudinelape e Devle te przentirini sar dživutro bizo manušvalipe thaj mangjipe. Vov bangjarel o čačipe bašo Devel. Amare gndinja okupirini ko bange haljojba bašo Devel. Tegani, umesto te bavina- men e čačibnasa bašo amaro devlesko dad, amen butvar amari godi optovarinjala okolebukjenar so gndingja o beng baši Oleste em e Devleske ladžakerajale amare bipakjavibasa thaj mrmoripe mujal oleste. O beng sada- jekh pokušinel o pakjavno dživdipe te kerole kalo. Vov bi mangel te sikaviole phareste thaj cidimo, pa ked o verni- kija ko plo dživdipe sikavi asavki religija, vov ole bipakja- vibaja ikjeri o hohaibe e bengeskoro. But džene, džaindvoj

ko plo dživdikano drumo, bavinenape ple došalipasa, bibahtasa, razočaribaja thaj olengere vile si pherde dukhaja thaj bilačibaja. Džikana sijuma sine ki Evropa, hramosar-da mange jekh phen koja so sine asavki pherdi dukhencar thaj bibahtali. Rodingja mandar te bičalav olake lafija koleja ka ohrabrinavola. Jekh rat, ked drabarden olakoro lil, suno dikljum deka sijum ki jekh bavča kote so vasta-relma olakoro gazda thaj legarima palo lakere drumija. Čingjum lulugja thaj uživingjum ki olengiri sung kana odoja phen phirela sine uzi mande, diklja ma ko nesave lošna kanre kola so prečinena lake te phirel. Bašo odova pharo sineolake. Voj na džala sine ko drumoro, palo po manuš, nego džala sine palo kanre. "O! - rovola sine voj – "zarem nane tuke phare so akaja lači bavča si pherdi kanrencar?" O legarutno (vodačot) vakjeri olake: "Muk o kanre ko sansari, soske numa odova ka parvareltu! Čin o gjulija thaj o karanfilja!"

Zarem ko tumaro iskustvo nasine nesave šarlaime (svetla) nukte (točke)? Zarem na sinetumen nesave šukar momentija ko tumaro vilo ked tumaro vilo izrandilo kotar i baht, odzivindoj ko odova čhani ke Devleskoro Ruhi? Kana palem ka dikhen ko kotor kotar tumaro dživdipasko bučakophendžaribe, zarem nasinetumen nesave pošukar riga ko tumaro dživdipe? Zarem ko tumaro dživdipasko drumo na bajrovena ko sakova korako Devlikano pakjape mijazutne (slična) sar okola i luludi so sungala? Zarem nane te muken olengoro šukaripe te pherol tumaro vilo lošalibaja?

O vikiba thaj o kanre numa ka dukhaventumen thaj pharipa ka rovljarentumen, em ako kedejale thaj numa odova sikavenaole averenge, zarem nane ko odova čhani te prezreinen na numa e Devlesko šukaripe, tuku em e averengoro trujal amende te sprečina te džan palo drumo e dživdipasko?

Nane mudro te keda o sa bilače liparipa (spomeni) kotar o naklovakti- o bičačipa thaj o lošne bukja- te kera lafi thaj te rovamen baši olende sa džikana nane te sovladiniamen o lošnipa. O bizoralo vogi si pherdo karanlu-koja; odova frdela i devlikani roš kotar tumaro vilo thaj frdela učalin ko averengoro drumo.

Te šukjurina e Devleske bašo šuže scene so sikavgjajolen. Te keda sa o blagoslovime mothodipa baši oleskoro mangjipe bašo sadajekh te šaj te dikha e Devleskere Čhave sar mukela o prestoli ple Dadeskoro, uravindoj pli devlikani natura (priroda) ki manušikani te bi šaj te ikalel e manuše kotar o zori e bengeskoro; oleskoro vidžaipe (pobeda) baši amende kova so e manušeske phravgja i havaja thaj e manušeskoro dikhibe angja te khuvel ko thana kote so dživdini o Devlikanipe thaj putarel pli slava; o bezehalo mileti uštindilo kotar o telipe e peripnasko kote so peravgja o bezehalipe thaj palem andilo ki harmonija ko biagorutno Devel, thaj ked izdržingja e devleski proverka e pakjipea ko amaro Kinutnori, uravdo ko Hristosko čačipa thaj vazdimo ko oleskoro prestoli- odova si scena baši so o Devel mangel te gndinkera!

Keda mukaja vpečatok kaj sijam bipakjibasa ko Devlikano mangjipe, kaj naneamen pakjape ko oleskere dinde

lafija, amen ladžakeraja e Devle thaj dukhavaja oleskere Sunto Ruhe. Sar bi osetinipe jekh daj ked olakere čhavore sadajekh rovena mujal late, sar te phene namangela olenge šukaripe, a oj ko tavidipe ke olako sasto dživdipe kjerela sine te ovol lenge šukar thaj delalen sine mangjipe? Te pretpostavina, von te oven bipakjivale ko olakoro mangjipe – odova sine bi činolala sine olakoro vilo! Sar bi osetinipe bilo savo dat ja palem daj ked bi olakere čhave bi posatpinena agjaar olencar? A so šaj te gndini amaro havajakoro Dad baši amenge ked naneamen pakajpe ko oleskoro mangjipe kova so angjale ki situacija te del kurbanu ple čhave te bi amende isi dživdipe. O Apostoli hrámonel: "Okova so na šparingja ple Čhave, tuku dingjaole baši sa amende, sar nane te delamen bakšišija thaj sa vaver?" (Rimjanite 8,32). Ama palem, kozom isi asavke so vakjerena, ako na lafencar tegani ple bukjenarL" Odoleja o Devel na gndingja ki mande. Šaj vov mangjela e vaveren, a na em mande!"

Sa odovaanela zijani ko tumarovo, sosesakone bipakjivale lafeja tumen vikinena e benge te zumaveltumen (iskušini tumen); asavko lafi zorjarela ki tumende i sklonost ko bipakjavipalipe, oleja tumen dukhavena e meleton kola so tumen kandena. Ked o beng zumaveltumen, ma vakjeren nijekh bipakjavipano ja palem pharo thaj kalo lafi. Ako činavgjen te phraven o udara bašo olesko šepotipe, tumari godi ka ovel pherdi bipakjavipaja. Ako vakjerena tumare emocije, sakova bipakjavipe so kjergjen na numa so mekhela traga ki tumende, tuku ove-la sembo (seme) so ka bijangjol thaj ka anel bijanipe ko

dživdipe e vaverengo, em šaj nikana te uništinilpe o deluiba tumare lafengoro. Šaj tumen korkori ka bahtargjon te zorarkjergjoven kotar o mariba e zumavipasko thaj te cidentumen kotar o fako e bengeskoro, ama vavera kola so pele pišmani teli tumaro deluibe, šaj nane te protivinenpe bašo bipakjavalipe kolencar vdaxningenolen. Kozom si tegani bitno te kjera lafi bašo okova so anela ruhikano (duhovno) zori thaj dživdipe!

O melekija šukar šunena okova so vakjerena tumen e sumnaleske bašo tumare havajakoro Sikavno. Odleske kjeran lafi baši leste sar bašo okova kova dživdini te prezentirinel tumen anglal ko Dad. Ked resena tumen tumare amalea, kotar tumare muja thaj kotar tumaro vilo neka šungjovel o faliba e Devlesko. Odova oleskere gndinja ka prenasočiniolen ko Isus.

Sarinen isiolen bilače bukja thaj dukha so phareste podnesinenalen, zumavipe kolencar phareste te mujalisaramen (protistavinajamen) olencar. Ma tumare pharipa te vakjeren e manušenge, sar so sijen tumen, nego vakjereolen e Devleske ki dova. Ikjeren tumen ko pravilo ma vakjeren nikana ni jekh biphakjavalo lafi. Ko tumare lafija baši umuti (nadež) thaj sunto lošipe, tumen šaj but te kjeran polačo o dživdipa e vaverengo thaj te ikjerenolen ko lengoro mangjipa. But zorale vogja, dukhavde zumavipaja, si ko darutnipa te na pheren korkore ko zor e lošnipasko. Madaran kotar o pharo maribe. Te oven šukar, vakjeren šukar lafija so dena umuti, lafija so ka deltumen zori te džan angle. Ko odova čhani tumente ka šarlaini e Hristosko rošvidelo). ”Khoni amendar na dživdini baši



145

146

peste” (Rimjanite 14,7). Amare nesvesno deluibaja o vavera šaj te oven bizorale thaj takatlije thaj odoleja te oven cidime kotar o Hristo thaj o čačipa.

But dženen isiolen bange poimija bašo e Hristoskoro dživdipa thaj karakteri. Von gndinena deka e Hristoske falini tatipa thaj šukaripa, deka vov sine holjamo thaj bibahtalo. Ko but čipotija (situacije) o sasto pakjivalo bučakophendžaribe si farbimo asavke kale dikhibencar. But droma vakjeripe deka o Isus rovela sine, a nane pendžardo i kana vov asandilo. Amaro Ikaldino čače sine manuš tari dukh, phendžardo e dukhasa, soske phravgja plo vilo bašo sa o manušikane cidljariba. Em ako oleskoro dživdipa sine pherdo kotar o korkoreikaldipa, učardo dukhencar thaj galjencar, oleskoro vogi na telilo nikana. Oleskoro muj na sikavi sine dukha thaj bimangjipa, nego smirimo šukaripa. Oleskoro vilo sine haing bašo dživdipa thaj sa kaj džal, anela sine ačhavipe (odmor) thaj sansari, lošalipe thaj bahtaripe.

Amaro Ikaldino sine okupirimo hor gndalipaja thaj sine ozbilno, ama nikana na sine khedime čereja thaj bihošalo (neraspoložen). Okova so džala palo oleskoro drumo, ka den zori te resen plo dživdikano cilj; hor ka oven gndale ki plo pakjavipe, nane te ovol biuzdimi zabava thaj bilačo khelipe, soske e Isuseskiri religija dela sansari so tavedela sar len. Voj zadušini i roš e lošalipaski, na limitirini o hošipe, na anela bilačipe, anela lačo muj. O Hristos na alo te kanden oleske, vov avilo te kandel; em ako ke amare vile si olesko mangjipe, ame ka dža palo lesko misal. Ako ko amare gndinja emangle zanimi-

saramen e bimanglencar thaj e bičačine bukjenar e ave-
rengere, ka ovol amengje bišautne te manga agjar sar so
mangelamen o Hristos amende; ako ko amare gnda ike-
renape o čudesno mangjipe thaj manušvalipe so sikavgja
o Hristos ki amend, o jekhano ruhi ka sikavaole ko ama-
re paše džene. Amen trubul maškariamende te manga-
men em te respektiriamen mujal o dikle bezeha thaj ma-
ne. Mora te siklova te ova ponizno, te siklova te ikjera-
men ki amende, te ovelamen birvalipe (strplivost) prema
o kerde bange bukja so kerge vavera džene. Sa odova ka
cidel o thrulojakipe (sebičnost) thaj ka kjerelamen te ova
bareruheja thaj darežliva.

O psalmisti vakjeri: “Te oveltu pakjape ko Devel thaj
ker odova; ka dživdine ki phuv thaj ka uživine ko liva-
ginja e pakjapeskere” (Psalm 37,3). ”Te ovel tut pakjape
ko Devel!” Sakova dive isiole po pharipa, ple galjave thaj
bigogaveripe; em kana ka arakhamen, soske akana sijam
agordutne te vakjera baše amare pharipa thaj bilačipa?
Doborom bitrubutne galjave mučinenamen, doborom
dara cidinkerenamen, bašo asavko pharipa keraja lafi, so
neko bi gndini kaj naneamen manušvalikano, thaj gudlo-
ro Ikaldino, agorduthno te šunel amare dove em akana te
delamen arka kana trubul amengje.

Nesave stalno darana thaj kotar pli godi ikalena bila-
čhipa. Sakova dive si trujarde mothovibaja bašo Devlesko
mangjipe, sakova dive uživinena kotar o bakšišija oleske-
re, ama ola na dikhena o gudlealava (blagoslovija) ko-
lencar si čorjarde. Olangiri godi savahtane zaniminipe
e bilačipaja baši so darana deka ka arakhelolen odova; ja

palem ako araklili nesavi čačikano pharipa, voj, ako si ti-kni, doborka ka korjakeri olengere jakja so našti te dikhen o bakšišija baši so valjani te oven palikerde (blagodarna). O pharipe koleja so arakhenape, umesto te anankerilen te oven popaše ko Devel, ko jekhutno haing e ažutipasko, ola ulavenape olestar, odoleske so džungavena nemir thaj bišukaripa.

Dali kjeraja šukaripe so sijam doborom bipakjivale? Soske bi trebela te ova bipolarlikjerde thaj bipakjivale? O Isus si amaro amal; sa i havaja si zainteresirimi baši amaro šukaripe. Amen na valjani te muka e bidžanglenge thaj amare galjave kotar o sakodivesutno dživdipe te han amare gogja thaj te murtinen amaro čikat. Ako mukaja odova, savahtane khanči ka kjergjol amengje thaj ka zavarelamen. Amen na valjani te mukamen e galjavengje so numa amen biljaren, a nane te ažutinen amengje te podnesina o bilačipa. Šaj isitumen pharipa ki buti; dikhovena šaj kalilopes tumengje, šaj zakaninipe tumengje te našaven khanči, aman ma daran; frden tumendar tumare galjave thaj denolen e Devleske thaj ačoven birvale thaj kjeflije. Molinentumen baši mudrost thaj gogjaveripaja te vastaren tumare bukja thaj odolea te sprečinen o našaviba thaj o peljovdipe (propast). Kjeren odova kotar tumari rig thaj ka postigninen šukar rezultatija. O Isus dengja lafi baši plo ažutipe, ama ked tumen ka den zor. Ked kjergjen odova sa so šaj te keren, ikjerindoj ko amaro Ažutimo, lošane astaren o ishodi.

O Devel na mangjela oleskoro narodo te ovel optovarimo e gajljavencar. Maškaroodova amaro Devel na hoha-

volamen. Vov vakjeri amenge: Ma daran, nane zianornipe (opasnost) ko tumaro drumo!” Vov džanela kaj isi bilače bukja thaj zianornipe em odoleske amencar postu-pini putardikane. Vov na zaniminipe gndencar oleskoro narodo te ikalile kotar akava sumnal pherdo bezehaja thaj lošnipaja, tuku vov mangela te sikaviolenge o nasigurno than kote ka bešen. Vov molisalilo ple siklovnenge: ”Na rodava tutar te le olen kotar o sumnal, tuku te arakeolen kotar o lukavo,”. Poodori vakjeri: ”Ko sumnal ka oveltu-men nevolje, ama oven zorale” - me pobedingjum o sum-nal” (Jovan 17,15; 16,33).

Ki pli propovede ko veš o Hristos ple sikljovutnenge dingjaolen barvale pouke bašo pakjape prema o Devel. Odola pouke si dende ciljesa te zorarkjeren e Devleskere čhaven ko sa o vekija pa sa dži ko amare divesa resle in-garindoj amenge but gogjaveripe thaj utehe. O Ilaldino amare avutnemanušengo vakergja e čirikljenge ki hava kola so giljavena sine ple falbeno gilja, biotovarime beze-hale gndencar, sose ”vonnitu sadinena, nitu žneinena”, a palem o baro dad kerela olengoro trubutnipe. O Ikaldi-no pučela: ”Zar tumen na koštinen but olendar?” (Matej 6,26). O Baro Dad e manušengoro thaj e džanvarengoro putarel po vast thaj hošanela (zadovoluva) o trubutnipe sarinengoro so vov kjergja. O čiriklja ki havaja nane do-stojno bašo olesko dikhibe. Vov na čhivela haibe ko olen-ger muja, ama arakelalen. Von mora te kjeden kukinora (zrnca) so vov rasturinelalen olenge. Von korkori trubun te keden o haibe bašo ple tikne kujbija (gnezda). Mora te parvaren ple tiknen. Von gilavindoj džana ki pli buti, sos-

ke ”parvarelalen tumare havajakoro Dad”. A zarem tumen na vredinena pobut olendar”? Zarem tumen sar inteligentno, ruhane dživut্রে, na sijem poimportantno kotar o čiriklja ki havaja? Zarem o Začetniko amare dživut্রেngo, o Ikerdano amare dživdipasko, okova so kjergjamen prema o devlikano muj nane li te grižinipe amare trubutnipenge numa ako ikerajamen ki oleste?

Ple sikljovutnenge o Hristos vakjergja bašo lulugja so bijangile ko šarlaipe, sikavindoj plo šukaripe kova so dingja e havajakoro Dad sar izraz kotar plo mangjipe prema o manuš. Vakjergja: ”Dikhen e poljakere krinija sar bajroven!” O šukaripa thaj o ednostavnipe odole lulugengo, sar so arakhaja ki natura, but i pošukar kotar o e Solomoneskoro šarlaipe. O emlače šeja so kerela o umetniko ki pli buti, našti te izdražini komparacija e naturakere manušvalipaja thaj e bare šukaripaja e lulugengo s kjerga o Devel. O Isus phučlja: ”Em, ako o Devel uravgja agjaar e poljakere lulugjen, kola so avdive si akate, a tassa frdenala ko šporeti nane li pobut te kjerel tumenge, o haripakjavale!” (Matej 6, 28. 30). Ako o devlikano Umetniko, o Devel e lulugjen so preperena jekhe diveske, delalen but javera farbe, kozom pobut ka grižinipe bašo okola so so kergjaolen plema pli sima (liko)? Akaja Hristoski pouka si prekora baši zagrižimi gnd, baši zabuna thaj bašo bipakjivalipe e bezehale vilosko.

O Devel bi mangjela oleskere čhave, murša thaj čhaja te oven bahtale thaj gogjaver. O Isus vakjeri: ”Mukava tumenge sansari, dava tumenge munro mir” Na davale tumenge sar so dela o sumnal. Ma te holjavkjerelpe tu-

maro vilo thaj ma te daral!”“Akava vakjergjum te bi mlo lošalipe te ovol tumende, a tumaro lošalipe te ovel pherdo em kompletno” (Jovan 14,27; 15,11).

I baht so rodelape kotar o tulojakhale (sebična) pobude, avrijal kotar o drumo e obligacijako si bisigurna, bisadajekhni thaj nakli, našavgjovel, mukindoj ko vogi emocija bašo korkoripe thaj dukh. Maškaroodova i sajgija e Devleske anela lošalipa thaj šukaripa; o verniko nane muklo te džal ko nesigurno thana; nane premuklo ko biagorutne roviba thaj bilačhipa. Ako naneamen gudlape kotar akava dživdipe, amen šaj te ova lošale adžikjerindoj o dživdipe ko avutnipa.

Em akate da o vernikija šaj te uživinen lošalipe ko amalipe e Hristoja; von šaj te ovelolen rošalipa ko oleskoro mangjipa, sadajekhutni uteha ko oleskoro prisustvo. Sakova adamo ko dživdipa Šaj te anelamen popaše dži ko Isus, šaj te delamen pohor bučakophendžaripe thaj te pašlarelamen dži ko gudlo kher e sansareskoro. Odoleške te na frda amaro pakjape, te ova sigurno, posigurno od bilo kana poangel. ”Dži akate dengajmen arka o Devel” (Samoilova 7,12) thaj ka del amen arka dži ko agor. Te dikha e monumentalno stubija, o bukja kola so o Devel kjergja te utešinelamen thaj te ikalelamen kotar o vasta okoleskere so mudarkerel. Te andina sakoja buti bijandi e manušvalipaja so kjergja o Devel - so koslja amare asva, so kovljargja amare dukha, so cidinjga amare galjave hem so cidinjga amendar i dar, so dingaj amengje amare trubutnipe hame so čorgja uprel amende gudlealava (blagoslovija) – em odoleja te ova pozorale ko vakti

so avela ko thavdipa kotar okova so ačhilo kotar amaro teljarutno drumo.

O konflikti so si angla amende šaj te anel amengje nu-
ma neve bilačhipa, ama okova so kerdilo ko naklo vakti,
sar em okova so ka kergjovel ko avutno vakti šaj te dikha
em te vakjera: "Dži akate dengajmen arka o Devel!" "Dži
kana traisaren tire divesa, ka traini em tli sila (zori)!" (5.
Mojsieeva 33,25). O bilačhipe nikana nane te nakhavel
i sila so si amengje dendi te podnesinaola o bišukaripe.

Sigende e havajakoro udar ka phravelpe te primini
e Devleskere čhaven, a kotar o muj e Thagareskoro sar
em šuži muzika ka šunenpe o blagoslovime lafija: "Aven
palikerde kotar mlo Dad, nasledinen o thagaripe so si
kerdo kotar o keripe e sumnalesko (Matej 25,34). Tega-
ni o otkupime ka oven adžikerde šukaripaja ko kher so
kjergjaleolenge o Hristos. Odori nane te ovol than ko odo-
va amalipe, e hohavnenge, e idolopoklonicenge, e rumi-
sardenge, e bipakjavnenge, odote ka ovel than okolenge
so pobedinge e bengje thaj e devlskere ažutibasa izgra-
dingje sovršeno karakteri. Sakoja bangji mangjipe, sako-
va bimištalipe, so cidینگje akate, si crdime e Hristoske-
re rateja em ola si uravde ko majmištipe thaj ko oleskere
slavako šarlaipe. So dur nakhela o šarlaipe e khamesko.
Olendra strafini o moralno šukaripe, o majmištipe e Hri-
stoske karakteresko, dur nakhela ole molipaja o avdive-
sutno avruno šarlaipe. Von si bizo feleri (mana) anglal o
baro parno prestoli, počestime šukaripaja thajanglipaja
so preperena e melekonge.

Dikhindoj akava baro kustikipe (nasledstvo) so preperela oleske, "savo kinipe ka del o manuš bašo plo ruhi?" (Matej 16,26). Vov šaj si čorolo, ipak ki peste ikjeri barvalipe thaj šukaripe so sumnal nikana nane te delole. O Ruhi, kindo thaj užarno kotar o bezeha, kova so ple gudle takatlipa čhivgja ki sajgija e Devleske isiole baro molipe; em kana jekh ruhi ka izbavinipe, o lošalipe ki havaja, ko prisustvo e Devleja thaj e suntale (sveta) melekconcar, izrazinipe giljencar hem jekhe bare proslavaja.

SOIKEREL:

ANGLALVAKJERIBE	5
E DEVLESKORO MANGIPE PREMA O MANUŠ	7
E BEZEHLESKE VALJANI O HRISTOS.....	17
PIŠMANIPE	26
PENDŽARUTNIPE	44
POSVETUIBA	51
PAKJIAPE THAJ ASTARIPE	59
ČAČIKANE HRISTOSKE AVUTNEMANUŠA	68
BAJROVIPE KO HRISTO	80
AKTIVNO DŽIVDIPE THAJ BUTI	92
PENDŽARIBA E DEVLE	102
EMANGLE TE MOLINAMEN	112
SO KA OVEL E SUNGIPAJA?	127
LOŠALE KO DEVEL	139

CIP - Каталогизација во публикација
Национална и универзитетска библиотека "Св. Климент
Охридски", Скопје

2-185.5:279.13

2-58:279.13

WHITE, Elena G.

О ем šukar drom / Elena Vajt ; [iranga ki romani chib Trajko
Petrovski]. - Skopje : Znaci na vremeto, 2016. - 154 стр. :
фотографии ; 20 см

Превод на делото: Steps to Christ / by Ellen G. White

ISBN 978-9989-659-80-5

I. Вајт, Елена види White, Elena G.

а) Покајание и духовна преродба (адвентизам) б)

Практична теологија

- Адвентизам

COBISS.MK-ID 100541450